

序

吳母陳氏旌節序

趙士麟

余自幼卽遇滇亂沙彝叛於前流氛擾於後幾二十載  
王師平之吳逆復叛余時絕未見有婦人能守節者止聞瓦  
窰邨有旌表之袁烈女云余歎天理民彝泯滅亦至此乎  
及逆平今

皇上御極三十有五年中間纔十五年耳自澂至者稱某女  
守貞某婦守節日盈耳他不具論卽余三黨中屈指得三  
四人焉余長女適李門壻鵬明經故女三十守志教子成

澂江府志

卷之十五

序

一

人余憐之嘉之始知向之節者少以兵也今之節者多以  
時平勿患也亂而改節愈於辱身常而克守乃以遂志也  
若吳母陳太孺人則歷始終如一日履險夷如坦途有倍  
難焉孺人望族也適前大司寇玉麓翁先生之次君名嗣  
徽其時亂極矣吳君少卒孺人年二十三生子純祐孺人  
欲從地下以孤呱呱隱忍撫之育之訓之外侮則禦之寇  
至則偕匿之兵迫則以死持之侵我室則力爭之奪我廬  
則呼籲之用是孤成業保垂三十年歲壬申孺人五十有  
六族黨重之鄉隣頌之紳士欽之颺言於有司達之上憲



登之剡章

天子嘉之錫之以金表厥宅里吾激光焉夫天地之間有大  
經決不可廢者猶如闔廬以爲居稻梁以爲食繒布以爲  
衣一日無之則人事盡失難以爲治此其故何哉苟無闔  
廬則風雨震凌矣苟無稻梁則道殣相望矣苟無繒布則  
手足皸瘃矣三者猶難闕一而况於大經乎大經者何三  
綱之道也是故臣有二心者爲不忠子悖其父者爲不孝  
婦事二夫者爲失節彝倫攸斃職此之由其所繫於人道  
之重者何如哉孺人自少爲未亾人至今六十有二髮全

激江府志

卷之十五

序

二

白不可謂不苦曰此天也吾無所逃也順受之而不失也  
嗚呼孰謂大道無知天道倘無知而厥孤何以能賢孫三  
何以錚錚岸序能承繼簪纓之後耶此人定勝天之義著  
矣嗚呼使人盡能以孺人此心推之子必善事其親而稱  
孝矣臣必能報其主而稱忠矣四海其有不治乎奈何世  
降俗漓號爲士大夫鬚髯如戟議論凌雲霄一則曰我丈  
夫也一則曰我男子也或遇君父有大故狐鼠竄去往往  
而是較婦人女子之弗若者衆抑又何哉嗚呼柏舟之詩  
不作久矣余於孺人竊有感焉然而君子之立志寧露處



而無庇也寧凍餓而殞其生也天地之大經不可失也故序之以勸

廖母王氏節序

趙士麟

瀛海廖君吾表兄弟也母孺人王太君幼嫻女則長適澁岸生廖公國詔以文行著謂取青紫如拾芥耳奈何力學攻苦遂得羸疾一旦脩文地下孺人未三十爲未亾人時瀛海在襁褓呱呱泣孺人卽一意撫孤絕不作矯矯態如世俗割耳斷髮投繯奔壑之爲躬親織作熒熒一燈徹宵日雖大寒暑弗輟教瀛海學頗勞之瀛海數應童子試未

澁江府志

卷之十五

三

遂改業武曰我母辛勤若是哺我漸長猶勞母乎兼營生計稍羸餘連舉數子孺人大悅含飴弄孫暇時時績紡吾母龔太夫人與孺人有戚誼稱兩姨佳辰令節彼此相過猶記余幼穉以屢著余以菓餌啗余時坐孺人膝呼姨母瀛海長余呼兄如是者幾十載後長成乃各就塾勿何吾母四十有五遽棄余逝抱終天慟至今孺人彼時年相若也享壽至八十餘使吾母而在吾博今官叨贈一品吾父吾母當此吾知必輟然而喜怡然而樂矣奈何吾不幸而瀛海得拜跪稱觴至耄耆年乎哀哉興言及此不禁淚之



盈盈下也壬申夏瀛海兗方以書乞余爲文壽孺人甲戌  
秋瀛海緘來告口向乞祝吾母未果今逝矣生平苦節公  
親見也願得序言以慰幽泉余惟天地嚴毅之氣挺爲松  
柏其含貞聳翠歷四時不凋而沐霜風霰之摧撼實有以  
老其姿而蒼其骨孺人六十年中撫孤兒百憂百瘁冰心  
血涕詎非霜霰之摧撼堅固所結鬼神嘿呵敦龐貞固實  
以基之早年相夫子敬鞠子若孫慈御下寬仁持家柄儉  
而能勞蓋懿行純美卽古所稱賢媛無以加焉夫敬則志  
強慈則愛溥寬仁則日用無拂意之舉儉而能勞則天地

激江府志

卷之十五

序

四

充裕而神智不腐所以旣節而壽而孫枝倍蔚芝蘭繞膝  
玉樹充庭四孫養鬢鬢池有聲行將作賓王家而輝耀里  
黨也皆孺人所親貽且親見而久享而吾母百不及孺人  
一也悲夫人各有幸有不幸豈非天哉豈非天哉

恆道人善行序

趙士麟

繼登李君吾激善士也孝友出於性成和平可達神聽髻  
齡失怙奉養母以終天年弱冠廢書依伯兄而撫幼弟悲  
纏風木泣甚臯魚食止齏鹽情同元結爲善必果思貽二  
親以命名待人唯誠豈釣一時之虛譽事難悉數美不勝



書憫風俗之頽波格言重刻梨棗憐孤貧之乏絕曲計力  
免飢寒澤及枯骸一遵月令人施剝盡出經方置舟楫  
於橫流如登衽席建橋梁於絕壑奚假乘輿爨石以濟崎  
嶇王陽勿勞於迴馭汲泉而甦行旅雍伯何取乎給漿以  
至排患解紛羣頌魯連之義吮疽療毒咸沾吳起之恩片  
語息夫囂爭一言重於刑罰人稱李長者出遊而童叟皆  
知自號恆道人歷久而聲聞愈著化行吾里龍鐘而忽有  
子孫慶格彼蒼羸馬而獲全夫婦郡邑加之權楔閭閻待  
若神明僕薄宦京華常懷桑梓捐俸而襄盛舉賴有同志

徽州府志

卷之十五

序

五

之子皮操觚而序高風慙非多才之元晏如逢懷葛足挽  
江河念切攀安將買絲而繡耳情殷御李請扶杖以從之

陰騭全書序

進士 段 琦 郡人

問福田之種樹指恆春塞禍水之源藥超半夏鈴傳五子  
猶多因果之談石倚三生端賴善根之植自昔纒帷盡志  
非徒櫟孝順之泉從來菽苑揚芬豈但蒔科名之草人譏  
無行恨積南華我見空憐命非北苑易惹芙蓉之夢多迷  
萱蕙之香轍踏車泥定剝膚於一旦蓬生心地將圖蔓以  
何年但思過能日新且祝添籌於甲子兼之悔猶无妄當



同慎日於庚申古訓昭垂法言森列殫心夙夜砥節廉隅  
省身於功過格中集慶於陰隲篇裏滌消鴟肉浣澡雪之  
層波警過蠙更打晨鐘之幾棒

徐母趙孺人節孝序

徐禧  
麟妻

知州

許淮祚

聖天子表天下以節而治天下以孝節孝之有關於風教大  
矣夫貞觀爲天地之道故日星昭於上河嶽應於下人惟  
浩然之氣塞乎宇宙故臣節婦節竝傳不朽若夫孝則至  
性感發自帝王以及卿士庶人咸有不匱之思至於巾幗  
女流克盡厥道者不概見焉不佞宦游海內見夫士女不

澂江府志

卷之五

序

六

乏賢淑第習尙侈靡珠玉錦繡甲天下多好逸樂女工纂  
組正家之道亦鮮矣如母孝克兼以教子婦節可同於忠  
臣豈易言哉余承乏路甸博採幽芳於孺人竊聞之孺人  
生於望族當懿媿在閣勤女紅守七誠綜內治佐父兄迫  
結襦載駕嬪於名門事舅姑雞鳴盥漱問寢視衣割股盡  
瘁提汲甕奉菽水潔修澹而敬蒸嘗夫子焚膏繼晷兀兀  
窮年方下帷而攻黃卷孺人在中饋脫簪珥解雜佩而佐  
青燈無何觔笄之年忽值鏡分欲飛孺人願切依夫之魂  
永矢存孤之志化柔腸爲鐵石托堅臆於冰絃經營家政



拮据耕耘勤十指理杼柚充闔戶之衣食爲小子之束修  
且滄桑遞變錯節盤根與子偕隱玉潔無瑕雖變者世不  
變者心是以髮可斷耳可截一心之白不可淄辛勤厯盡  
冰蘖備嘗能可尤也匪母莫貽荻爲字也匪母莫師於是  
子能成立儲爲國器孫在膝前宴賦鹿鳴或膠庠食餼或  
雪窗伏案子孫振振四世一堂朝夕含飴戲綵於庭顧不  
偉歟總之勁節天貞純孝之所致也夫立節難保孤尤不  
易孺人以女流而能致此者由於家學青箱淵源有自恩  
勤顧復將伯爲助迨邁乎杵臼與程嬰矣豈非母孝克兼

澈江府志

卷之五

序

七

以教子婦節可同於忠臣者哉孺人以柏舟自矢原不徒  
以節孝活名適逢

綸音清問潛德下訪幽光鄉評無異士論咸符共有闡揚風  
教之舉呈諸不佞豈忍等之於流螢腐草亟宜彰之爲國  
瑞家珍達諸當道繕疏入告遂蒙

諭旨煌煌樹之坊表賜懸旌於閭左築高臺於懷清自是嘉  
名與日月同其高河嶽同其永母孝婦節洵不負

聖天子旌揚之典矣是爲序

刁君仲熊梅花百詠序

裴容度



多識草木三百篇皆託詩以言志也而正變殊其遇通塞  
異其時寄託者因以區其情未易概爲狀耳雅頌降而楚  
騷興其所咏江薜辟芷秋蘭蕙茝之屬猶是風人之旨豈  
徒流連光景鋪叙物華已哉花之有梅爲百卉之冠先春  
而開得天地心猶憶宋廣平爲相負姿剛勁疑其鐵石心  
腸不解吐婉媚詞乃讀其梅花一賦便爾富艷絕倫山陰  
徐天池負不世之才落魄窮愁至今諷其梅賦所謂寄江  
南之遐信報塞北以春天風致翩翩斯真足以演羅浮之  
逸興而著處士之高風者矣俞城刀君仲熊裔本西迤流

潑江府志

卷之五

序

八

寓仙湖跡其學富才高宜鼓吹休明而笙歌廊廟奈遭時  
不偶竟以明經學博終老此其豐材塞遇論者惜之仲熊  
著作等身書法軼羣其情詞鬱勃不可磨滅之致一一寄  
之於梅花百詠中余守潑陽公餘數相往還一日出其稿  
問序於余適散步園亭顧紅梅掩映則見其絳影橫階素  
姿耀壁彷彿乎君之丰神焉則見其冰肌臨水仙客履霜  
彷彿乎君之澹泊焉至如圍棋酌酒落日迴風揮琴三弄  
之下余與君且相忘於淡漠之天有不可以言語形容者  
矣自茲以往余更祝君處淡泊而貞吉守冷艷而陶怡優



游松菊之圃盤桓湖山之間瘴癘靡擾風景日新斯固梅之岸然獨全者乎亦卽君之所以不朽也

新興州志序

康熙五十四年

副使

張士伋

自古列國皆有史官以掌記時事厥後國分而爲邑史遂流而爲志志卽史也風俗之醇疵政治之得失胥於是乎考信焉新興大邑也其在三代渺矣卽秦漢以迄元明亦多未備吾

朝定鼎以來漸仁而摩義易俗而移風文物聲名有爛然可觀者而州乘尙乏成書其何以光制作而稱極盛乎山陰

澉江府志

卷之五

序

九

任子來牧是邦廢者興闕者補舉目釐然而因念州志之不可以弗備也於是綜羣書集衆說條分縷晰殫精竭神閱三年而其書告成屬予序之余嘗謂志之難也務簡則畧徒博則蕪工於詞而理舛詳於事而情訛徇情則美刺失真勦說則名實不當甚矣志之難也乃任子撫羣言以求其備出大識以要其歸爲卷十而綱舉爲條七十九而目張其間天道明地理辨人倫正法紀彰文章簡而不疎博而不濫核而不誣新興雖六詔中百數十里境自有斯志直與金碧昆洱竝垂名勝披覽之下洵大觀也他日者



輜軒採擇彙爲

國史於以驗風俗考政治光制作而稱極盛其必有藉於斯乎余固知任子之才且能而樂觀其志之成也是爲序

續纂新興州志序

乾隆十四年

知州

徐正恩

郡邑之有志乘所以紀實蹟備採擇而昭一統之盛也然滇志較內省爲難而州志又較通志爲更難粵自漢武經營定滇彩雲見於南中而雲南始載方冊其後蜀漢魏晉累別郡邑之名越在要荒唐初設有南寧州都督亦屬羈縻已耳後爲蒙段竊據至元始通聲教迨明全入版圖而

激江府志

卷之五

序

十

土司三百六十爨文棘字典籍莫憑以升庵之博奧猶有未核況新興乃滇中彈丸之地僅同杞宋之無徵卽經界方域尙未朗若列眉而洞若觀火則其爲志也不戛戛乎難之哉我

朝聲名文物遠邁元明而英賢輩出凡忠孝節烈禮樂文章均媲美名區然猶未登諸志乘也前山陰任君典司此郡甫纂州志於是沿革經制以及兵農等事班班可考閱今又三十有四載矣其間如慶雲景星上昭

聖天子之嘉祥而學校兵防諸大政踵事增華垂爲百代之



令典者皆志乘所宜詳斯時頌之政府諮之者舊信而有  
徵儻逾久不續後之人雖欲觀典禮考制度稽人物查祥  
異將何所憑而取信焉爰延邦之碩彥張君昶等彙輯搜  
羅俾正恩得核實而集其成要以不誇不濫弗漏弗支舉  
三十四載中所缺而未備者悉燎然於指掌間以見

聖朝久道化成淪洽日深而世運之隆方升恆而無疆也敢  
絢詞藻以侈文彩之觀哉至於山川風物疆域星野仍任  
君之舊正恩亦竊比於述云爾是為序

路南州志序

康熙五  
十一年

知州 金廷獻

徵江府志

卷之五

序

十一

邑之有志猶國之有史所以別疆分里昭信紀實使天下  
後世得以觀覽而採擇也滇有通志載各府郡而屬邑隸  
之路南僻在一隅多峻嶺層巒田畝湫隘四郊而外山巔  
水涯間漢夷雜處土瘠而民貧喜其俗淳較他州邑稱易  
治焉我

皇上聖神文武內治外安疆輿之廣亘古未聞迺于滇萬里  
邊郵肆赦蠲租均屯糧廣試額尤加軫念而諸上憲又能  
奉

上德意盡心綏撫厚澤深仁

廷獻

雖區區未吏民社責分敢



不以冰競自矢生聚教養勉力興除與吾民休息以期上無負於

朝廷中無負於各憲下無負於百姓蒞茲土於今七載而川原阡陌物華人文犁然煥然覺種種漸有起色改觀往昔雖斗大一州於中土之奧區南溟之奇甸庶幾獲分美十有四五焉府志得郡伯裴公裁定諸名手著述其紀人紀事文而簡工而備彬彬奕奕卓乎可觀矣獨路南原無成帙志書可考雖有鈔本州志紀畧而紀載不詳非及時纂輯則山川人物忠孝節義藝文風俗日久漸多湮沒今

澂江府志

卷之五

序

三

上御極之五十一年久道化成民安物阜正歌揚休美纂修著作之會簿書之暇心竊念之適上憲畱心地方檄各屬捐貲修輯實獲素心因借廣文李君及州知名紳士倣通志舊例分其條晰其目比其事屬其詞辨異同嚴去取或採於書籍或訪於傳聞山川窮其源委人物嚴其考辨忠孝必足稱於家國節義必可質諸鬼神文藝則謹擇其佳風俗則務採其實重者詳之輕者畧之可紀者書之可去者刪之崑山片玉渤海一珠彙爲一帙俾得附府志一書以備天下後世之觀覽採擇而與史流傳於永久未必無



小補云爾

續修路南州志序

乾隆二十二年

學正

郭廷選

滇在中州萬里外路隸省南幅員甚隘洵所謂僻壤微區也然地雖彈丸既列封域內則有山川田賦城池廟社以及政事風俗太史因之以陳詩長吏因之以考績是豈可以不志志豈可以不詳周秦以前弗論已自漢開滇以來遞有明成化始改土設流而建州治萬曆丙申始掃跡落濠而置學宮延及我

朝文教覃敷風會漸闢人文蔚起襄平金公來守是邦志乃

澂江府志

卷之五

序

三

由茲而創顧相傳至今垂四十七年其間缺遺不載者什有五六倘及今不補則代遠年湮非特文獻無徵卽斷碣殘碑之有關名教者安知不與破瓦頽垣同沒荒烟蔓草間乎惟關南史公以名孝廉登顯仕歷任西蜀什邡灌縣二十餘載當乾隆甲戌之秋陞蒞茲土卽慨然以修補志乘爲兢兢適因下車伊始公事叢冗猝不及辦也念溝河堰堤乃民食所繫則爲之興其利城垣敵樓乃民居所衛則爲之修其廢且念膠庠屬立教重地謀及選等各捐俸倡士重建兩廡以新廟貌鑿泮池造圓橋以煥人文併獨



力締構學署以肅體統重師儒竭三載求治之心力日圖  
維於民生國計其精神固已周匝於江山繡錯間舉一切  
可紀之事靡不隱隱躍躍往來心目而得其梗概遂囑選  
領其事而酌紳士之博學多識才長文章者演而陳之用  
備一日之裁定由是摭摭羣志蒐羅遺編採訪者說復討  
論焉而究及其巔末缺者葺之畧者詳之核真芟贗務求  
有以持人心維風化可信今傳後而不誣焉而續志於是  
乎告成夫萬里投荒一職株守日以平反徵發爲急務未  
嘗不可謂循吏之能事然於一郡之利病淑慝物華人文

澂江府志

卷之五

序

古

缺焉弗詳其何以昭來茲若斯編之據實備載自隱寓夫  
勵世磨俗之微權也豈偶然哉倘異日者輶軒下逮彙爲  
國史則補衮之才其潤色

皇猷亦復不淺矣是爲序



孝子王珪廬墓序

補明

雲南  
知府郭

鎮  
宛平人

生能致其養死能致其哀者非心乎父母而極哀痛之忱者不能然也雲南新興有孝子王珪天性純篤不事華侈奉事二親克極誠敬鄉黨內外咸以孝友稱之正統乙丑秋厥父思貞以疾終於家珪哀悼哭踊幾滅性衣食棺槨殯葬如禮既葬之日卽別昆季廬於墓側日嚴親就土子可安居乎與其寢苦枕塊於家庭何若野處於墓所之爲安哉於是却賓客謝親戚旦暮悲號有如袒括慘痛之餘卽植松柏壘墳墓築牆垣葺祠宇哀至復哭一日一粥不

澂江府志

卷之五

序

五

進葷菜如此者三載其拜奠思慕允極哀悼鄉里父老異而憐之曰凡人之於父母生能致其養而歿能致其禮足矣又安望其治廬墓所而盡三年之永乎曾子曰慎終追遠民德歸厚矣今珪之於父母念罔極之恩抱終天之恨可謂事死如事生事亡如事存矣其與古人夫何愧哉余聞而嘉之曰新興斯民乃吾之舊治也人子之孝如此是豈庸常之行可擬哉况乎地不愛祥靈芝生焉則其孝感於天而天亦應之有可徵矣以聞於大藩余當薦達朝廷褒旌厥行以勵風俗不徒頑夫懦夫化其心而亦使善人



志士有所感慕而自勸於彝倫耳他日名播青史譽著後  
世其清風美譽又非特一鄉一邑之光而已是爲序

澂江府志

卷之五

序

六



募疏

募修河陽伏虎寺疏

失名

蘇氏謂蹄可馭而觸可拘惟虎豹不可制故聖人驅而遠之斯其說不然易曰風從虎又曰大人虎變其文炳也詩曰闕如虢虎虎不甚足重哉豈必驅遠而後爲快耶五行之方則西爲虎二十八宿參爲白虎之精左足有玉井猶奔焉出之則天下虎亂斯亦制伏之義也是故神有伏虎之將佛有伏虎之阿羅漢孰謂虎不可制乎潞江舊治在賜浦山隆慶中太守徐公卜遷舞鳳之麓枕山面海得勝

潞江府志

卷之五

募疏

一

地矣然而西峯太昂虎視眈眈然堪輿家忌之崇禎初始建伏虎寺其上相傳寺建而潞之人文蔚起物饒沃焉今兵燹相仍住僧逃竄寺日傾圮進士趙公玉峰屢以修葺告於是公議以僧綱司都綱書能董其事而郡之父老交助之嗟乎市有虎則人爭逐之晡餘力爲其害己也今之戕吾民者豈獨西山之虎哉芻牧之豎弋獵之卒日索人雞犬無厭是不捕鼠之貓也勢家之輿僮視產之肥饒者居之去其徭增重於愚民以爲之代是狼之貪也撫仙之湖淤則淹人穀梁王河之沙石雨泛則壓人田是羽淵之



黃熊也長吏視人疾苦莫能祛止旦旦焉求索以自爲養是養子之鴟也激父老無如何焉惟乞靈佛菩薩以厭勝茲山曰是伏虎庶與虎爲類者皆伏焉斯其心良苦矣余愧守土未能有九江宏農之美政徒大聲疾呼爲祖禱者先幾何不與攘臂下車者同類而共笑之耶會書能以募疏請因題其右以自嘲云

引

募建海晏橋小引

知府 崔維衡

徒杠輿梁王政之大端也若夫危湍箭激飛漲雷奔望洋

激江府志

卷之五

引

二

結客子之悽褰裳駭陽侯之怒覘國是者所由譏溱洧矣郡南撫仙湖西納星雲匯百川而東注其海口則傾瀉處也絕巘排空懸流千仞激寧行旅絡繹於道舊梁木以濟之其如浪激霖摧不卒歲而復圯登途者每有病涉之嗟余聞而慨之是故經久遠一勞而永逸非石不可顧物資工力之煩未易旦夕計也歲丁丑士民洪於天黃祖佑等以易石請余亟可之雖然聚沙固能成塔集腋始克攢裘所望同事諸君子及我都人士倡余而和汝共贊厥成不日虹舒雲構利涉往來砥狂瀾於帶礪與吾民同歌清晏



之盛以視夫飭土木侈因果者不大相徑庭耶太守固室  
處懸魚而捐之必自太守始至若福田利益厚集者膺理  
固有之守土者亦惟是扛梁以時爲政之所宜修而已他  
何計焉爰名曰海晏而弁其言於簡編

合建府縣兩學文廟募引

知府  
黃元治

今

聖天子在上重道右文凡郡邑學宮皆

命所在有司捐捧整修所以振士氣養人才也

國學闕里旣尊崇有加卽雲南昆明亦併工合建此今日之

澂江府志

卷之五

引

三

大觀而列郡之所式型者也如吾澂江府學宮建於金蓮  
山麓從舊治也方向旣不得位而山又屬餘氣左山右水  
夾輔尤爲失宜所當遷徙不待智者而辨至於縣學龍氣  
已脫逼處城西如人之扼其右臂而欲四體之安舒也得  
乎今兩學諸生僉謀公議欲遷於郡治之東鳳山摩其頂  
仙湖洗其胸此真鍾秀孕祥之域與不佞心志不謀而合  
舉行其可緩乎然而木石之費夫匠之工厥功旣宏計資  
非小此非有俟乎眾擎不能扛萬鈞之鼎非有集乎千腋  
不能成粹白之裘紳衿旣有同心此不待言若夫庶民亦



皆好義行仁况其子若弟類多聰明秀發之英將來養頭  
角於泮水奮羽翮於藝林者寧有量乎琳宮梵宇人且博  
施以求不可知之福若夫

聖人之門科名萃焉將相出焉謂夫人而有吝心決不其然  
夫資不論多寡出於所樂人無論貧富發於至誠卽此已  
爲種福之地矣况功成之日礪石而書其姓名不尤千秋  
不朽乎余故首題數言以告夫好行仁義者

重修華藏禪林大殿募引

巡撫 李發甲 郡人

華藏寺初自齊梁間唐敬德重修之敬德不知何許人或

澱江府志

卷之五

引

四

云卽尉遲敬德姑弗深考至元丞相埜刺又重修之埜刺  
流寓於澱遂終焉今嗽玉山蓋有埜刺墓云寺自龍泉亭  
上至三清閣翠壁丹嶂老樹奇石屈曲盤旋幾千丈許樓  
閣臺榭壯麗幽深而正中大殿實爲一寺之冠其殿棟宇  
軒豁結構精巧殿中不用灑掃自然潔淨如拭且無蛛網  
迹故舊額曰無塵殿面西山玉筍諸峯羅藏拱其北仙湖  
襟其南一望波光吞吐平疇滿綠烟火萬家視若指掌余  
爲諸生時與同志講業其中時有不知上人諱通聞者與  
余爲方外交嘗同步瑤光之臺登蓬萊之閣風月幽清水



天澄澈曠然作海上神山想余自甲子通籍歷官中外三十餘年每花晨月夕未嘗不夢寐茲山思與不知輩粲然於洞天深處也昨歲以先慈大故扶護歸里讀禮之暇閒至茲山余已蒼然一翁而不知亦皤皤老衲矣其徒數人昔爲童子今皆偉然稱首座相顧太息者久之因與追尋向日吟嘯之處林巒無恙風景依然仰視大殿則瓦甕剝落漸有頽朽之狀不知語余曰聞欲力修是殿但工程繁重懼不克成就乞一言爲引以募諸十方之冑結善緣者余聞之喟然歎興竊有所感矣夫寺之有僧亦如傳舍然

成毀興廢宜若不堪與己事至若國家以高爵厚祿待天下之士而畀之以社稷生民之寄此何如重任哉或僅知衣租食稅而視其官守漠不相關者蓋往往而有矣又若祖宗勦業辛苦子若孫或縱恣費棄弗克負荷以墜其先業者又往往而有矣今不知以垂老之年與其徒勤修苦行以蘭若爲國土以焚修爲繼述必欲有以纘承而光大之此其願力深沉真不愧爲佛門弟子以視夫爲臣而計私忘公爲子孫而覆敗家聲者其賢不肖相去何如也四方人士聞不知此舉獨不慨然嘉與忻然樂施乎他年斯



殿告成爲華山增勝余雖老尙能攜屐載酒與不知登臺  
眺望作爲詩賦以紀其盛焉是爲序

旌忠引

奉天府府丞

傅爲訥

順天府府尹

李因培等

前明死城同知楊公諱以成者吾澂江府路南州人也性  
端方有勇畧以明經爲黔貴陽府通判分駐畢節衛積勞  
久著陸同知仍官其地當是時奢酋犯順安賊亦乘釁披  
倡動以數萬臨城先生密書告變先事綢繆滇撫發兵援

澂江府志

卷之五

引

六

勦先生鼓勇督戰身先士卒生擒叛目徐黑乍於畢節城  
外賊眾望風披靡斬獲無算旋以奸吏內應賊復聚眾圍  
城相持日久先生度勢不能支義尙死守令吏乘夜取徑  
達貴州歸印藩司比城陷先生將投環不死賊擁逼入營  
先生厲詈不屈賊遂殺其家口十三人惟弟以榮同在圍  
中先生復乘間密書五紙具言賊中情形連兵協勦計日  
可滅狀使弟潛行入滇赴告至散納溪爲賊所得奪其書  
殺之先生遂被害時天啟二年也事聞贈光祿寺卿廕一  
子建祠祀之蓋其忠義之氣根於天性故臨難不辭致命



遂志比之張巡嚼舌穿齟顏真卿握拳透掌英風義烈髣髴畧同今其元孫進士天恩居京師念其祖大節願得大人君子一言以光先烈夫發微闡幽儒者之事況孤忠亮節如公諒爲士大夫所樂道也詩等誼屬梓里敬述其事以乞言焉

重修澱江府學引

陳孝昇

澱江之建學也始於元大德間歷明之洪武正德隆慶萬曆崇禎遷移修葺守土者任而弗辭我

朝康熙四十七年太守黃元治度地於郡治之左與縣學合

澱江府志

卷之五

引

七

建迄今已八十有餘年矣郡邑紳士有志於庀材鳩工微予文爲引蓋思集眾擎以舉焉余維學也者士所昕夕寢處於其中春秋冬夏之不輟其業藏修游息之攸芋而攸躋者也古者庠序學校所祀者先聖先師國各不同唐以後專祀孔子而郡縣各有學立孔子廟於學中歲時釋菜釋奠置博士以司訓迪於是廟貌尊嚴廡宇完繕講肄有地食息有廬羣萃而安處門楹戶牖風雨除而烏鼠去顧安有任其頽敗傾圯而不之卹者乎迨後世士之隸名於學者散居井里歲或一至再至焉或終歲不一至焉輦飛



丹雘於士乎何預歷年寢久委之荒榛斷棘若唐肆之不足介意宜乎日就凌厄而莫有肯出而任其責者矣欽惟皇上尊道崇儒告成功於辟雍倚歟休哉激雖僻在南郵涵濡沾溉浹髓淪肌慨然而奮起將撤朽易良去敗卽整競競乎慮經費之不貲而工之莫底於成也傳不云乎人之欲善誰不如我余迺推原修學以勸士勸士以坊民俾知習禮於學合樂於學鼓篋橫經於學一畝之宮身心性命之繫屬庶於先王建學教士之義存千百於什一記曰化民成俗其必由學乎若夫捐鏹鎰勤董率早夜勸相以

卷之五

引

八

助余風勵作新之微意凡我四屬諸紳士勉乎哉是爲引

新建澂陽

萬壽宮引

知府 張聖治

恭聞自古建國擇吉土而城之凡以尊主而庇民也考澂陽舊治自有明遷於舞鳳山之陽枕丹邱而帶撫水金蓮玉筍左右縈旋位正體尊代鍾聞人固滇中之名郡矣然何以百餘年來瞻闕習禮皆依梵宇而無專位毋亦近於褻越而不尊歟余於往歲來守是郡政務之暇集同寅紳士步鳳岑而望焉乃知北城一帶山脈交接風水之攸



關卽人民之所係可於此間特闢一區建閣暨亭恭奉萬歲爲閣澂官府紳士迎

恩接

詔慶賀習儀之所以示尊

君親上之義其閣亭之前後左右翼以垣牆列以松柏往來踐踏掘挖地脈者罰無貸數年間將見閣外之林木森秀殿閣參差與城中烟火萬家互相掩映而於風水之事亦不爲無補蓋雖不敢以風化之轉移專在於此亦庶幾乎尊

澂江府志

卷之五

引

九

主庇民之意云爾一時人民士庶歡欣鼓舞踴躍効力智者盡謀勇者盡力樂輸捐金以成厥功更見士民被澤之深聊爲率丕愛戴而斯舉之誠不可已也因之爲序

新建路南州魁神閣引

知州 陳 可

魁屬佐司文昌之神考之天官書及漢晉二志斗魁戴匡六星曰文昌宮一曰上將二曰次將三曰貴相四曰司命五曰司中六曰司祿大約魁神居六星之一而星居斗口初無待於人之祀之者乃天下諸文人祀之者何以神必祐之者也天下諸文人又崔嵬其殿閣專祀於宮牆者何



以爲非此不足以尊其瞻仰妥其神靈也路南當兵燹之餘  
文廟及文昌殿魁閣盡付祖龍迄我

大清定鼎荷

督撫

各上憲加意撫綏俾諸屬吏得以奉行惟

謹於是廢者復傾者葺率皆次第修舉如我路南前守張公汝士偕都人士議謂修復之宜亟者莫過於文廟至於今大成有殿已啟聖有祠已兩楹有廡明倫有堂而文昌有宮已惟魁神一閣缺然未備解如宗先生秉鐸茲土謂是役不可復後仍偕都人士首事鳩工以非獨力之能支而授簡於予使弁其端余忝繼張公汝士後

澂江府志

卷之五

引

十

斯閣不建亦余之憾曷敢辭夫神之在空虛也杳杳冥冥或禱之而應或禱之而不應非應與不應之有殊也其禱之而應者必其賢且材足以當孝秀之升而充棟梁之任也其禱之而不應者必庸且不肖不足以當孝秀之升而充棟梁之任也然吾猶有進於此夫物之無遺鑑者至於神而止而人之可自爲轉移者亦非限於庸不肖而止賢者材者神固佑之庸與不肖翻然自勵而進於賢且材焉神未嘗不因人有自新之圖而遂弗喜之也雖然賢與材在人之自至耳懋修罔怠將紆青紫登仕進出而見遇當



時何借於神而云然是人者固贊神之所不及矣持是說而集建魁神之閣不已左乎夫人之賢不肖非天有以囿之也使賢者遇而不肖者終無自新之路則鬼神何所呈其靈而人將置虛空杳冥之說而弗信之豈復有聽於神者哉欲人之觀感而通者必借資於神然後良楛皆可爲用然後材者自信爲可必而不材者亦將勉強希冀徼幸於不可知之天其所造就斯已多矣余因以是勸路人士而又稽首斗樞自茲以往惟願 魁神盡錫包荒之度俾賢者遇而不肖者翻然悟自新之圖焉於以濟濟充

潞江府志

卷之五

引

士

廷爲

國楨榦神功報祀之典當未可以已也



銘

段瑞液先生墓誌銘

李發甲

余少游泮時段瑞液先生已負重望爲晉庠名宿顧獨心契余爲莫逆交乙丑余司葉榆鐸瑞翁司鄧賤鐸每歲科試瑞翁至榆城必主余署凡學中扶名教育人才諸事必同心齊力以行之復訂婚姻以季女字余仲兒當時余兩人落落廣文中人咸目之爲迂且愚弗計也乃余由司鐸謬蒙

聖恩提拔歷任中外二十餘年不免有菲才大任之慙而瑞

澂江府志

卷之五

銘

一

翁遷鎮南旋以老乞休優游田里以歿其胸中抱負不得大用於時徒以道德文章傳之後人藏之名山可慨也矣今令子如芸等卜地以葬乞銘於余余考段氏爲大理平章思平之後自孝友公俊移居晉陽生永盛公舉鄉飲賓誥封工部都水清吏司主事永盛生承恩中嘉靖辛卯亞元壬辰進士三簡巡按守辰陽進階嘉議大夫承恩生霑授徵仕郎霑生宮榮誥封中憲大夫宮榮生渾然由鄉薦歷任貴州思南府知府渾然生三子長諱繡生早逝仲諱紳誥封奉政大夫浙江嘉興府同知季諱縉卽瑞翁也



翁性至孝事父母順志承顏孺慕終其身事兄推讓敬愛自少至老未嘗有違言爲人倜儻樂施與赴人急難傾貲不惜幼穎敏刻苦讀書於周程張朱之旨剖厥幽微爲文精潔純厚得歐曾遺法弱冠補晉庠弟子員旋食廩餼屢困棘圍僅於康熙十年應歲薦值逆藩之變滇中士大夫多爲其所脅受僞命瑞翁慨然曰是烏能辱我耶遂隱於仙湖玉筍之間讀書課子閉戶不出嗟乎時窮見節義如瑞翁之見幾守志不爲富貴所污溺視古忠臣義士如一轍矣辛酉大師克滇有司以名上之詮部選得鄧川訓導

澂江府志

卷之五

銘

二

明理學課士子單寒之士假館受餐周其家室於是人皆奮勵文風爲之一變有諸生宋甲芳以直傲忤州牧中以他事詳府府檄學博證之州牧陰遣人說瑞翁冀曲成其獄瑞翁卒直言白府脫其罪其守正不阿類如此繼遷鎮南學正興教育才一如在鄧川時壬午歲年六十九具文乞休還於澂精神康強晬面盎背與人言藹藹樂易委曲開導家無餘財而建文宮賑飢寒修道路放物命命三子捐貲力爲之康熙四十九年學校公舉鄉飲大賓越二載以壽終康熙五十五年又爲學校公舉崇祀鄉賢翁生於



甲戌年十二月十二日卒於辛卯年八月初八日享年七十八歲生子三長如芸澱江府貢生次如蒞如蘅皆廩增名宿孫長昭明庠生曦明昌明昇明晟明暹明俱業儒嗟夫瑞翁砥行礪節復以道德文章施當時傳後世視世之富貴利達而名稱泯沒者豈不相懸萬萬哉余爲之銘曰  
滇雲翻覆避地撫仙清時講道風流於鄧鎮之間瞻佳城之鬱鬱將流光煥彩於繼起之名賢

辨

三教辨

通判來度

澱江府志

卷之五

辨

三

大雄氏西方聖人也以虛無寂滅爲說自成一家闡化西域絕無意入中國與吾道分門角勝如楊墨等迨永平閒流通東土或興或廢總聽世緣卽琳宮梵宇金碧壯麗而其徒著衣持鉢亦惟檀越依稱爲弱門終不失本來面目蓋大雄立說行教原是如此雖歷千數百年龍象繁衍支分派別然未始有越厥志也至夫柱下史爲周室老臣一片忠心愛國肝腸與吾先師正有同然特知天王守府歷祚已衰無處下藥匡救故浩然西出流沙卽是先師乘桴浮海意獨老人能擦手爾關尹畱便爲著五千言



以去彼其心豈若是愒哉且五千言中言言是治平實際何嘗說元說妙乃後人無端稱曰太上奉以道祖竟視道德爲皇斗諸經所初始而遂與正一牽合水木不其寃哉若吾先師中庸君子所行者君臣父子夫婦昆弟朋友之倫所言者日用尋常之事所謂德侔天地道冠古今上下千禩無有望其肩背者於是辟雍鍾鼓虔肅頌宮春秋祀典爲禮樂之所從出前明允禮臣議易像以主益見尊隆生民以來允稱極盛卽起老子於今日知必不能以猶龍而軼鳳德時稱兩大何況釋迦如來原是物外一宗自

修己性大千世界中有不爲益無不足損詎能與吾儒竝稱不衰乃儼然中坐跏趺置先師於左个不幾恫至聖之靈而亦大貽老子釋迦以不安矣甚至叢林宮觀所在皆然婦人女子焚香祈禱視同土木其爲慢神瀆祀悖禮滅制所關於世道人心豈渺小哉滇近西域俗多佞佛夫以老子爲道祖固屬不經迺復由三教而褻先師於一龕司牧其地者以非簿書期會所關切習矣不察因仍敝俗絕無開導迷惑建議禁革者不亦羞學宮而辱當世之士乎謹著辨以告夫同志者



贊 郭母顧太孺人像贊

庶吉士 李應綬 郡人

古今慈母類推淑媛母儀在德節孝居先繫惟 太母懿  
德渾全幼事翁姑蘋藻潔蠲內相夫子箕箒無愆修爾分  
鸞忽喪所天撫育遺孤五十餘年諸艱備歷督課芸編維  
子克家裕後光前宏啟堂構書香躋肩三孫繁衍頭角爭  
妍蜚聲藝苑捷足聯翩惟母錫類惟德鍾賢方近期頤跨  
鶴登仙環顧一堂四世團圓指日 飛黃戚里欣瞻芳流  
女史徽被筵絃繪茲遺範禩葉相傳

澂江府志

卷之五 贊

五



澱江府志卷之十五 下

藝文

賦律

五言古 七言古 歌行 五言律 七言律 五言排律 七言排律 五言絕 七言絕

絕 六言

賦

本朝

讀書賦

趙士麟

溯人生之伊始恆負陰而抱陽萃五行之清淑超萬彙而稟良心無不宰性無或偏氣無不充材無不全其或不全非材之愆氣質之異學術之差見異物而遷焉故今人與

澱江府志

卷之十五

賦

古人遂殊而庸人去聖人乃懸欲祛其惑反其天登之於昭曠之域引之於義理之途證之於未發之前其必由學乎河洛效靈苞符剖秘書契肇興制作俱備緒衍唐虞功隆床泗離離乎如日月之經天淵淵乎如江河之行地遭秦火而不燬藏孔壁而不刊名賢繼起探索日繁志於聖學可謂得矣然有殊途苟悞趨焉若面墻而自蔽直望洋而徒歎讀書之樂爰有數端廢志失業自畫不前循其淺顯匪云要焉或慕雄駿宏辨之通儒至於感憤齋誣驚高任達齊生死之岐趨至於放蕩虛無脫巾狂歌之風追隨



僧妓之僻談兵說劍之雄皆非所以端志向厚風俗也昔人足不窺園食不甘味雪案鑽研螢窗讎對孜孜矻矻而不知年歲之已逝無他有本木焉有次第焉若升高必自下非下而高何由升也若陟遐必自邇非邇而遐何由陟也今夫書之有語孟也童子之所習知也聖賢以之爲成終者學人以之爲始基要惟熟誦涵泳勿遺豁然以解渙然無疑而後治經之功起矣治經之功惟詩爲首四始攸分六義斯剖蔽以一言無邪是守能歌詠而流連自溫柔而敦厚詩治矣可及於書刪書自唐實啓庖羲一中相嬗

潁江府志

卷之十五 賦

二

四代遇師欲疏通而知遠在今居而古稽書治矣可及於禮禮本人情和以協宜視不過乎袷禕行必中乎采齊母或不敬匪仁則濟旣崇節以教讓亦別嫌而明微禮治矣可及春秋明功罪以抑強正綱維以尊周昭一王之大法定萬世之大猷非游夏之敢贊豈何范之能脩至此則體用克全變化默運學易數年至道斯近夫乾坤之義猶書之有疇範也爰象之詞猶詩之有比興也盈虛消息卽禮之進退周旋悔吝吉凶卽春秋之是非邪正易理明而詩書禮春秋益明然後還而證之語孟之篇可幾於窮神達



化矣夫經以會天下之理史以載天下之事其傳於今者如廿一諸史皆學者之所當究心也法董狐之直筆倣歐陽之體裁考資治之綱領思綱目之防維則史不異經抑經以載道之大全子以誌道之一偏如老莊之寓言管晏之霸術孫吳之兵法荀楊之論性河汾之說經亦學者之所當博采也取其長而略其短誦其禱而錄其醇則子不異經又象數至康節而通其奧性學至程朱而集其成粹然一出於堯舜禹湯文武周孔之正直繼前聖之心傳而開來者之迷津若夫詩文字畫猶古之六藝耳文以載道

澂江府志

卷之十五

賦

三

詩以言志六書繼興八法攸備可以藻身可以華世固流俗之崇尚亦君子之所不鄙風雅而降爰有離騷詞賦繼起分路揚鑣上林甘泉音諧金石三京兩都響擬雲韶乃賦家之正匠囊括天地包舉四海較聲律而獨超至於正行草書科斗篆隸漢唐晉魏法乃大備何不可借之以資吾指腕準之以樹吾標的也歟如是而治經經治語孟子史兼及六藝且崑精於濂洛關閩之性理此卽窮理盡性至命之極功尊德性道問學之大旨矣首以去欲存理爲急次以躬行實踐爲真如臨深而履薄卽主敬而存誠旣



謹言而慎行務寡過以脩身充拓乎浩浩落落之氣敦篤  
乎親親長長之倫如是則富貴貧賤之間有無入而不自  
得之妙視聽言動之際得逐處逢原之貞出則發爲經綸  
以兼善天下處則蘊爲康濟以先細民可以立德可以立  
言可以立功爲孝子爲悌弟爲忠臣此名教之樂庶不與  
草木同腐朽苟且碌碌以偷生



五言古

明

華藏寺

巡按鄧漢新城

梁州仲冬月氣候如秋蚤憂俗省煩暫乘閒恣幽討鳴笳  
越脩阪停車渡清潦攀林踐香界漸近山更好斲翠開筠  
房疏碧架蘭橈銀榜倚虛壁紅亭映深島鑑泉珠自瀉雜  
英霰微冒回飈蕩松林蒼翠若可掃山菓摘霜橘蔬食甘  
蒹藻跼促鮮勝韻遺榮得曠抱去住久已審懸車豈待老

題官塘詩

塘在西浦

太守童璽賓山

澱江府志

卷之十五

五言古

五

公餘事登眺縱步西山湄源出泉弗竭波動清不移本是  
造化巧豈假人力為官塘自誰名起我盤銘思澡淪復澡  
淪白壁無瑕淄冠童羣少長浴沂春暮時載德滄浪歌濯  
纓亦在茲貪泉非此水來飲吳隱之題詩寄清興風雪詠  
歸而

華藏寺

陳于陞劍門

天開地闢久仙跡隱山麓華藏偶發里多寶溢心目惟石  
既嗟峩奇樹亦樸檉高高低低徑委委曲曲谷燈光照澄  
鏡洞口懸飛瀑爛熳崖上花搖曳影中竹玉拱射朝霞瑤



臺布綺縠天籟和鳴烏短笛度吹牧暇矣卽來遊尙平徒  
自覺

澁陽道中

督學 鄧原岳 閩縣

歲晚厭行役單車豈遑處衾冷不成寐出門復何許雪霽  
天色寒風急江聲怒何處落梅花徘徊日將暮

耕讀軒

爲謝恩題

叅政 王 杲

絕俗晚塵網隱居城南曲誅茆剪荆棘自結數椽屋經史  
度其中充棟富牙軸春來霖雨零辛勤課黃犢利耜釋土  
脈乃始播百穀收成有餘暇拂几展書讀心易探庖羲秘

澁江府志

卷之十五

五言古

六

法破鬼谷諸兒侍傍側伊唔斷還續匪徒事口耳必欲飽  
心目所以盡得傳亭亭挺芝出筮仕正伊始顯達良可卜  
卽此是真樂所願亦旣足嗟哉柴桑翁允可接芳躅

節義堂

爲謝節婦題

新興 陳 恕

謝家有節婦義行尤殊常年未近三十隨夫戍戎行萬里  
就遠道辛苦應備嘗有姪幼且孤有子長未將中道值暴  
客劇掠傾行囊提攜難兩全計畫何踉蹌棄子向采石負  
姪來求陽撫育盡成力繼業賴不荒天道果有知生兒便  
軒昂幹蠱自起家遂使世裔昌中年失所天矢心求居孀



獨處五十春持守久愈剛真心貫日月厲操凜冰霜佳譽  
聞二司懿行藹一鄉緬懷魯義姑真可蹈遺方行將紀太  
史千載垂休光

追墓堂

爲王珪題

給事中

李

蕃

郡人

哀哀親之恩罔極如昊天一旦作遐逝相看隔重泉椿堂  
虛白晝徒有遺容傳芸閣春風暖塵封舊青編哀慟切心  
曲血淚常漣漣所以結草廬傍爾松楸邊朝夕親祭奠牲  
果供豆邊風雨不憚勞泣拜塋之前精誠貫金石至孝通  
幽元遂感芝草生仙葩絢荒阡佳聲藹里閭不讓王祥賢

敬江府志

卷之十五

五言古

七

往事今已遠人尤動謳絃信哉偉丈夫裕後還光前我欲  
作表傳慙無筆如椽

本朝

贈張節母李孺人

尚書

張玉書

京江

孤松挺勁幹不知嚴霜寒阿母冰雪操豈恤撫稚艱靈匹  
卽奄謝中閨淚潛潛講堂舊書詩篋笥皆叢殘繞膝雙鶴  
雛課誦日掩關遂繼名父業致身簪笏閒辛勤二十秋白  
髮凋朱顏逐子蒞學舍曩餐日承歡貞風披溥海高節齊  
蒼山遙傳敬姜教紀徽在史官



前題

尚書 陳廷敬 澤州

坤德秉貞恆淑秀孕世閱雞鳴相夫子一經歸泮壁倏然  
失所天中道瓊枝折撫此襁褓孤啣悲氣嗚咽膝前課遺  
書懷中探棗栗寒機膏火熒素壁圖史列偉哉渥洼駒奔  
騰誇汗血孝養日方長康寧躋大耋鍾郝遜徽音金石標  
奇節何以擬清輝皎皎秋明月

望羅藏山

河陽 李丕垣

仰上羅山高羣山誰與偶天中青濛濛盤鬱帶陵阜寸雲  
下玉峯仙湖神龍吼萬古鍾靈奇元氣塞高厚何時陟崇

潞江府志

卷之十五

五言古

八

巔披襟天左右

張烈女連理樹墓

王佐命 新興

在昔古城女弱齡甫十二未習女誠書不識一丁字許配  
田舍兒乃兒夭折至嗟哉此女子尙未主中饋未審何所  
思便欲求自斃不令父母知竟以長繩縊同室生未得同  
穴死相誓在女女為豪作鬼鬼非厲不難慷慨死且易從  
容義正氣在乾坤矢志心屬天地茲女負性來千古何有愧  
卜言合葬斯安魂傍古寺枝枝生連理年年長墓次如生  
大道傍頻下丈夫淚之死匪無人仗烈多奇異從來女史



中亦曾有是事

盧先生鑣冢生連理

步出城南門相觀連理樹讀書昔舊址卜葬今生厝冢土  
兩纍纍士心幾怖怖由來宦定邊先生沉疴故傷哉未亡  
人倏爾自僵仆夫鬼作今宵妻魂返次墓靈載一雙軸血  
灑千里路歸來安樂斯茲樹千人慕

諸生王褒華罵賊而死

求州寒素儒時作人中傑定國入吾城立門相面折徒步  
連馬尾嫚罵口不絕詈聲哮似虎憤懣心如鐵嚴顏不顧

激江府志

卷之十五

五言古

九

首常山豈愛舌惟知賊犯顏那管身喋血求生便害仁視  
死何剴切滿腔浩然氣誰能奪彼節

雙洞雲封

新興知州任中宜

朝氣凝雲白橫封雙洞門仙人不可見遺事安足論綠水  
流千澗青山隱一痕漠漠輕陰盡烟樹靄前邨

雙林聳翠

石屋集招提樓閣隱地秋喬木參古迳蒼藤翠欲流雲淨  
千峯潤鳥鳴一澗幽三車如許載祗樹定可求

九龍泉湧

任中宜



山環淵氣靜清泓匯一池涓涓流不息長逝復如斯萬井  
資洪澤幽人賞漣沔我欲濯雙足振衣馭蛟螭

種樹篇 並序

太守景謙 錢塘

澂郡東西兩大河歷年山水奔瀉沙石填淤亟籌疏  
濬而民力未逮為議種樹束土以固隄根曾記歐公  
治河疏云尋常之計善擇利者之所為斯言可三復  
也吾民日久未應為作五百字勸之

俞元鮮平彝環城皆山麓山泉百道飛下有兩河東一綫  
納奔流千渦生怒泝排沙湧石來水過沙石蓄爬疏紀前

澂江府志

卷之五

五言古

十

明賴有古良牧

蔣德宏 蜀人

垂今三百年蔽翳不可復我來守

是邦遍覽歷川谷臨河重咨嗟此病在心腹良疇平似階  
靈源高比屋圻岸注汙斜猶之頂濯足上策惟開濬惜哉  
民力感移沙議穿渠或謂牖可築但恐費鑿空利害還倚  
伏持籌十年計不如樹以木盤根結土性隄乃無傾覆周  
畿千里封固險先溝瀆干楊汾水青萬柳海天綠 海天隄名舊為  
湖非徒庇航葦將以代櫂竹十圍始拱把名言可甄錄他  
年茂成林奚止衛百穀樊侯種梓漆成富華宗族山陽樹  
榆果民用饒村俗惰者日以偷能者養以福故實信有徵



良謀勸應篤此意告吾民唇乾頰且禿而自春徂秋如十

寒一暴勸教之始有勉應其事者未幾仍廢枝艱碧玉移泥受明珠掬誰工

橐駝術勉赴燕侯牘先事未綢繆後患空躑躅微弱歎吾

民其如末之卜根本既不求萬事更何欲今年苦霖潦七

月隄摧衄徒貽賈讓憂那得王尊宿隄潰時子在省可憐三變

禾不救干言祝大令李公先事祈禱轍覆當鑒前弓傷宜警曲吾身

雖未先吾過良可贖棄髮尙須愛爲政亦猶沐見韓非子吾今

勸吾民不憚語諄複此後農事休晴趁一百六東坡詩細雨晴時一

百六言自冬至至清明也千花雜五果一一皆綺縟沿陸布週遭長堧

### 澱江府志

### 卷之五

五言古

十一

種接續金錢費差省畚鍤勞非獨所望眾志堅毋再負責

督村可尋棗桑歌可賡械樸上有鶴棲枝下無魚走陸勞

去聲置軟脚酒傭散長腰粟甘棠戒勿伐剔弊絕流毒官工採木

民不堪其擾坐是憚於栽種今擬事竣刊立禁碑杜絕百弊從茲葉葉昌大快田田熟

我作里人箴用代官符促覽者鑒於斯莫笑累篇幅

贈路南徐母趙孺人節孝

學使 葉覲儀

鬱鬱女貞木森森松柏姿經寒節愈勁性定天難移卓哉

徐母賢女訓百世師盤匝修婦職井臼親操持藁砧忽見

背痛賦柏舟詩教子盡成立繞砌皆蘭芝當道爲旌表楔



棹光門楣我筮周易理節苦甘隨之行見載彤管

鸞誥錫

丹墀

澂江府志

卷之五

五言古

三



七言古

明

星雲湖對月

進士 侯必登 江川

玉露淒清秋氣涼星雲湖水澄明光近嶼合烟凝紫翠遠  
山削壁摩青蒼水光山色渾相映萬里無雲碧天淨俄驚  
龍女湧銀波忽訝姮娥懸寶鏡姮娥龍女竟何之一片飛  
來印酒卮寒生几席冰壺徹影轉闌干玉漏遲闌干几席  
此清輝曾向關前耀鐵衣寂寞長門砧杵急歡娛金谷管  
絃低長門金谷總人寰寂寞歡娛自往還惟有星雲湖上

澱江府志

卷之五

七言古

三

月年年如舊照青山

本朝

贈張節母李孺人

尚書 王 熙 宛平

仙湖張母冰雪操早歌黃鵠聲哀嗷鏡塵永廢沐與膏屏  
跡空閨影亦韜孤雛在懷殫劬勞培護漸看長羽毛篝燈  
課讀徹夜挑機聲常伴晨雞號遺經有績令譽高先後秉  
鐸羅羣豪芳名媿孟兼頡陶佇看棹楔膺榮袞銓宰趙公  
濡彩毫垂諸彤史千秋遙

壽張節母傅氏

貢生 刁 畧 郡人



乾坤立定健而順人倫始自夫婦正二南風化咏關雎宜  
室宜家父子慶君臣之義行其中地道无成大有終母儀  
樹極天下則豈徒中饋與女紅猗歟張母夙端莊敬事夫  
子媿孟光鹿車共挽從荆布藜粥同甘苦倍嘗篝燈佐讀  
牛衣泣還冀雄飛早破壁時不遇兮可奈何不是文章不  
中的家計蕭條少纓烟齊眉案舉覺堪憐晨昏拮据期偕  
老中歲誰知忽不天痛腸擗踊心如裂不難義殉歸同穴  
轉思門戶那支撐忍舍伶仃三骨血強起吞聲誓柏舟淒  
其風雨登一樓雞鳴起早遲眠夜十指千辛不自由機聲

澱江府志

卷之五

七言古

古

響徹書聲和丸熊課子名成播相將班舞博懽心七袞筵  
開賓滿座後先競獻百年卮柳母歐母潔芳儀十千句響  
光潛德願進采風前致詞曰予生母亦早孀往事依稀莫  
闡揚少宰縱寄題詩序恨不如君壽北堂君壽母譜詩章  
予念母淚千行感君錫類中心傷母子天真刻不忘名垂  
青史扶綱常坤貞食報應無疆

贈楊母段氏雙節

李應綬

乾坤正氣在人倫畫成大道共相尊誰其全之堪不朽悠  
悠千載節惟新卓哉楊門兩貞姝姑持冰操媳與俱前後



孀居四十載幾歷寒暑靜相扶失天誓不再移天金石難  
渝此心堅撫育一孤全母道不料中殂媳效焉之死靡他  
心膽裂任教兩鬢欺霜雪姑成媳志勵貞操媳事姑幃孝  
更烈吁嗟門戶那支撐十指千辛代經營軋軋機絲虛夜  
月蕭蕭風雨對長檠盥櫛計偕二十五方今五十七十許  
青髻互憐白髮生顧影相依良獨苦撫仙湖畔鑑雙哀筠  
節高聯玉筍崇漫道吾澂佳山水鍾靈女子亦英雄由來  
此事重綱常況逢一門兩水霜歐柳遺徽今不遠直俟采  
風使宣揚

澂江府志

卷之五

七言古

五

題史節婦

段琦

妾命薄妾夫中道游碧落阿姑將老阿叔幼妾爲寄生藥  
獨活撫叔長成叔不樂人言叔狠將奈何叔不惡妾命薄  
之死不負夫之約

謁太和楊忠烈公祠

閃靈旗吹陰雪睢陽指常山舌千古英雄一腔血先生正  
氣鍾奇矯賜以經神才更老黔陽刺鎮畢節城水蘭霑烏  
穴屢搗七年九戰賊寒膽崇明邦彥蜉蝣撼苗蠻數萬邇  
孤城生擒黑乍爾其敢螳集烏合動地來蒼茫短劍何匆



哉誓死與城俱盡爾飛書望援日登臺是時奢安益驕縱  
重慶獲安競紛閩中丞徐王將軍楊驚傳一死入幽夢烽  
火糾連道路絕孤城固守六逾月援兵方至何據遁奸阮  
世爵陰謀發倉皇竹筒書五紙以榮阿弟吾往矣散納溪  
邊計竟洩妖劍揚光血縷紫先生就義鬼神泣鴿子營頭  
悲鷓集一門被害十三人九泉長路同嗚咽鐵石之堅松  
柏瘦前代卹廕酬芳耐

聖朝雨露渥且隆春與秋兮綿俎豆乃知君子是則儆不爭

名利爭忠孝蠃羶鴟嚇渾等閑百鍊之金精更耀琦也後  
澱江府志  
卷之五  
七言古  
六  
生樗櫟子俞元相距咫尺耳慚無傑句發幽光紫玉山頭  
勤仰止

西山法雨庵古梅

五十年光看一酒當年我壯梅花幼今年拄杖看梅花豈  
料梅花比我瘦梅瘦有花花尤奇根如籐蔓曲肥遺倏然  
右右復左左積薪一束誰擲之我欲劍斷投諸火細玩忍  
爲斧以斯薪中含新有生氣長枝短枝每蒼蔚幹蒼不作  
老蒼蓬條青肯受蝨蠹膩霜皮着花花箇箇以手援之堅  
不破繞樹百回嗅古香艾納松苔和雨那我昔賞梅龍泉



觀兩樹唐梅枯已半支頤倚杖動客憐未若茲梅骨更換  
相對情移神清秀痛飲一斗一斗又痴狂把酒問東風到  
底我瘦梅花瘦

郡署優曇花

太守蕭炳春 江右

羅伽郡署有優曇花甚高大相傳滇省有名之物遠  
近多來採其葉以療目疾因賦之

昔我購得優曇畫

予得富春董文恭相國所藏倪雲林優  
曇花圖詩畫傍有董文敏宗伯重題

此圖明時藏曹重甫暨程季白家

今年乃見優曇花種移西域花一鉢其

香清幽無以加瓣類蓮朶色黃白葉大於掌如枇杷此本

澂江府志

卷之五

七言古

七

屈曲高二丈蒼柯老幹多歲華夏初秋深風露夜芬芳竟

體滋萌芽

花開每  
在夜分

靜惹旃檀別有悟氣吹蘭桂奚足誇菩

提自宜空王地長與貝多叅無遮胡乃風烟歷凡劫盤根

錯節來官衙我知前人手植有深意相期生佛慈悲庇萬

家東閣官梅興不淺南國甘棠愛無涯杞梓競秀相輝映

棧樸賡歌同拜嘉趨民福林勤愛惜毋令樾蔭凋謝羣咨

嗟



歌行

明

河陽曲

李蕃

河陽之山翠雲疊河陽之水清皎徹合郡花開春日遲東  
風上下飛蝴蝶桃花初開點猩血梨花亂落飄香雪遊子  
尋芳不忍歸行人到此輕離別余心自是堅如鐵對景看  
花亦優劣應向花前賦短歌好花畱與潘郎折

泛舟歌

副使朱應登直隸

澉江江波翠蕭爽扁舟遠泛臨江上烟消日出意興殊牙

澉江府志

卷之十五 歌行

一

檣楫拖平如掌南方嚴冬氣仍煖馮彝擊鼓同歡賞山黛  
石碧透迤開蘋花荇葉參差長水鷓鴣魚時出浦宿鷺將  
雛不驚榜白雲不動青山移四面合沓排銀榜須臾長風  
起天末寒氣颼颼振林莽驚濤駭浪倏怒號神龍錦鯉分  
來往人生憂樂頃刻異世事浮沉足深想憂樂浮沉那可  
哀且將新酒溢金杯長江西南入交趾馬援征行安在哉  
幾多掀揭回頭少古今偉絕俱塵埃江流不管古今事明  
日江頭人復來

界魚石

推官張鵠雲蘭



界魚石似鳩溝楚漢劃然息戈矛青鱗白鯉各分投奇峯  
插天至今留我從雲間歷滇黔山水奇觀半九州何爲有  
此石突兀屹中流海門橋外湮波滿暫憇石前解敝裘山  
爲樽洛爲酒蛟龍夜舞海浪翻魚蝦恬然循故道碌雲循  
吏天下才持杯進酒相慰勞中間一亭屬余題絕似郎官  
湖脫藁酣歌擲筆思李白星雲撫仙風浩浩

孤山歌

貞生侯度江川

玉峯秀出何峩峩特立仙湖萬頃波鐵脊橫肩擔日月孤  
標直豎鎮山河水惟四合東西岸烟帳中分上下舸懸巖

激江府志

卷之十五 歌行

二

掛壁參差見削岫飛霞遠近羅仰射九霄棲鸛鶴俯臨百  
仞隱蛟鼉雲起丹邱如被錦月來銀浪似拋梭春江倒樹  
雙花發秋水涵空一鏡磨贏得朝暄寒氣少平分海氣夏  
涼多徑隔車塵無牧跡石畱棋局待樵柯鶴從天上聽琴  
韻魚向江頭覷釣叟客來湖裏看星斗猿向空中臥薜蘿  
誰把方壺移此立應從巫峽飛來過當湖自作撐天柱一  
任狂瀾可若何

本朝

甘霖歌

少宰趙士麟郡人



炎帝南巡駕颺車赤土灰山滌海涯不霑不濡民望賒勢  
若倒懸空谷嗟失期東作可奈何幸得滂沱足萬家金鏡  
弗耀千丈蛇火珠倒啣三足鴉倏來雷霧烝母遮倏來飛  
犴煽魑譁使君憂勞舒頰尾使君引咎輯紅霞步向東浦  
及西巖清冷之淵濺齒牙三沐三薰敬有奢龍伯驅魃引  
靈車須臾寸合不焚假商羊屢舞動鼓蛙雷輶電掣驚沙  
走農夫荷插頌無呀綠玉平鋪清漲滿銀瓶橫注花鬢邪  
既感蒼昊鑒明德又祝彤庭降白麻槁者已蘇焦者沃使  
君之賜定無差隴南饋饁有濁酒飲酣拍手唱歛巴二賦

澁江府志

卷之十五

歌行

三

無憂且有獲千箱萬箱總非誇甘霖歌歌使君能爲吾民  
回颺車能使江神擁雷車

澁陽春社行

和楊用脩先生臨安行韻

太守

劉驪

二月澁陽寒復暄繁花滿途各爭妍童男歌舞肆塵塞燈  
花綵毬街巷闐社鼓邨曲趨廟寺聞說紛紛迎佛至須臾  
明威列綺筵轂擊肩摩臨淄市北去征鴻鴉噪晚雙飛燕  
子棲梁遠翠鈿農牀春夜遊遷客寓士好消遣當場傀儡  
明月中南北角技又西東只愁春來春易散紅顏轉作白

頭翁



激陽春社行

進士謝儼郡人

春光處處總相宜春社年年花柳時激陽社事春更好花  
堆錦繡柳攢絲排花佈柳迎仙佛四城相繼喧聲沸珠幡  
寶馬隊翩翩歌扇舞衣香鬱鬱忽疑仙子自天來瑤島瓊  
樓次第開掌中飛燕輕無骨屏上颺風不動灰士女紛紛  
如雲至冰紈散落金鈿墜看罷梨園日已沉黃昏早是花  
燈熾晝鼓爭敲笑語濃遙指兒童戲火龍西巷茶歌猶未  
歇秧歌東唱又重重高低爆竹催雷鼓奇恠波斯伏獅虎  
老僧合掌接蓮幢羽客飛符謁仙府道是俞城祈穀辰千  
惟耕者布穀聲聲在田野

激江府志

卷之十五 歌行

四

奇百巧競備陳彈指仲春三十日已是嬉遊過兩旬如茲  
風景渾不一自來相習是何年遊女踏殘芳草地詩人醉  
滿杏花天翠鈿珠履何足惜柔柔秀麥誰爲憐試聽隴上  
勉學歌二章勒石書院示主童

太守

柳正芳

太康

儒生爲學務求忠孝有虞聖人順親是樂西伯貞純始終  
圖報文王我師舜當則倣無忝大倫足與議道讀書明理  
洵哉至要俯仰無慙有德有造實大聲宏陟身廊廟家修  
廷獻光生學校蕩檢踰閑慎勿躬蹈願言勉加共樂名教



又

凡茲童蒙敬聽戒傲入孝出弟言信行謹汎愛親仁入聖  
標準洒掃進退由末探本起蟄休殺方長莫損習慣自然  
擴充惻隱餘力學文六藝勉黽聖賢垂訓爲人喫緊口誦  
心維合當猛省豈曰弱齡老大俄頃當惜分陰慎茲隙影

鳳凰臺歌

江川 張方起 進士

鳳凰之山何崔嵬下有清江拍岸來悠然一瀉南到海方  
洲蟠鬱神明培獨障本流分二水迴含靈秀環三台金城  
北峙良屹矣砥柱中流何壯哉鳳凰於飛羣鴉散爰向洲

潑江府志

卷之十五

歌行

五

前築高臺江圍碧玉月初上橋鎖晴虹瀾白迴帆檣遠近  
帶烟雨林木葱葱生風雷有時登之望祥瑞千峯萬壑陰  
霾開目極郊原徧耕稼耿耿雲漢光昭回良朋共眺愜心  
賞我姑酌彼黃金壘

石林歌

潑南 張端亮 學正

何處飛來怪石叢盤根竇竅鬱玲瓏森森稜稜鐵奇列千  
門萬戶曲澗通崖窟層層鎖玉關羊腸鳥道苦難攀恍疑  
紫雲天上落五丁把住畱人間危磴高峯眞鬼斧球琳琅  
玕奚足數中有一線清泉流老藤穿壁苔痕古



插秧歌

舉人黃毓彩 郡人

聲聲布穀啼煙樹村北村南亟農務車軋軋兮水盈盈郊  
原羅列同棋布今年雨暘獨應候秧苗出水稠且秀碧毯  
蒙茸漾曉風栽蒔恐落西鄰後課僕呼僮運秧馬田翁欲  
寐不遑假雞聲聽罷卽招呼叱犢攜蓑趨綠野小兒歡騰  
持酒樽大兒踉蹌負雞豚老翁虔祝古壇側迎貓祭虎開  
秧門泥行俯首裸雙膝如蜀行行間疎密昨日白水今青  
塍風捲雲飛驚駛疾夕陽影裏歌聲動買勇愁噓身入甕  
始知退步是爭先世事從前渾如夢東鄰茹舍讀書人終

澂江府志

卷之五

歌行

李七

歲咿唔徒苦辛何如隴上又耕鑿秋成鼓腹樂盈囷

石林歌

路南 知州 蔣元楷

巖崖突兀疇能補縹緲常飛雲色五萬狀離奇地底生巨  
靈摩作芙蓉塢瑤室璇房宛轉通縱橫四達紛難數鐵壁  
摩空天削成開鑿無容修月斧龍蛇窟仰雲根穿峽坼枝  
撐若門戶嵌竇虛張結綺疎月夜娟娟明玉宇巖洞黝黑  
莫敢窺積陰神物蟠水府探奇歷險學猱升褰裳犖磧翠  
如組圖開八陣隱旌旗叱起羣羊能跪乳高挂玉女洗頭  
盆底覆容成丹竈釜或類仙掌或虎牙鳥跡微茫似石鼓



重重樓閣自玲瓏彷彿趨蹌鳴珮瑀伏流清冷寒於冰奇  
峭干霄無尺土蒼皮駁落轉光澤石痕皴裂偏多媿白日  
還疑山魘藏驚看恠石如蹲虎左孥右攫鳥道纏哈呀對  
面相吞吐遙岑日入壓黃雲崖前迸落山花雨振衣木末  
忽蒼茫悲哀四顧羣峯俯羅列兒孫說本奇巖巖競秀將  
何取劉厓歲月手頻捫數行蝌蚪文同禹當年避世迹猶  
存結構依稀不可覩凌嵩躡華亦常事梯雲躋勝全忘苦  
李實冬鮮是幻成翻思縮地通崑圃松風石韻水潺潺清  
音誰復調琴譜眼前屹立指難履米顛笏拜我狂舞心耽

激江府志

卷之五

歌行

八

幽賞發長歌假以文章大塊主乃知造化鍾神秀羣玉峯  
頭留太古



明

分司留題

僉事 杜朝紳

明月激江夜霜臺獨坐清樓高連海氣山近湧溪聲塔影  
橫多竹天涯更此城浮雲無限意白髮老親情

由壘浪石步來仙洞

司理 陳荀產

嶺原聯鳳翼路莫是鸞叢疊浪看奇石孤雲伴遠公洞開  
虛受月仙至幻凌風若更窮幽處何山不可通

拱玉巖

陳荀產

激江府志

卷之十五

五言律

九

仄徑層層下纖流處處分乃於幽僻處常結古今雲不雨  
含霞液留曛照蘇文西山羣玉峙海色隔氤氲

瑤光臺

陳荀產

壁削層蓮出亭澄一鏡開波光搖几席山色淨塵埃身已  
還他綬名猶戀此臺青螺浮處小嘗泛掌中杯

華藏寺

太守 許 侑

曠遊風色異縱覽地岡雄碧海堆銀浪青山擁貝宮穿雲  
車蓋濕隔樹管絃通欲問王維畫輜川即此同

過路甸

路南舊名

參議 彭嗣健 鶴湖



歌哭皆無地乾坤路未遘身留多難後家在亂雲中溪水  
春來漲羈懷老漸空不知天下士猶有幾人雄

本朝

華藏寺

河陽 陸鳴鏊

幽尋綠麓近數磴已窮巔人引龍華藏雲流鴻跡天禹經  
分黑水義割剝青田長日山光靜悠然似小年

澁江卽事

太守 張聯箕

天涯殊節序物候亦逢時鳳尾攢新露雞壇剝細脂薯甘  
嘗夏果收苦供秋炊一夜涼風起悠然故國思

澁江府志

卷之十五

五言律

十

奉委踏田卽事

張聯箕

初晴笛韻遠秋爽柳風斜偶憩山僧院閒過種竹家繞籬  
瓜瓠葉夾道刺桐花屢畝勞田峻停車一啜茶

清賞亭雅集

學使 吳自肅 北海

小隊來華藏清風淨俗氛護泉欵老樹觸石吐晴雲海近  
波光動亭虛日影分山禽偏有意對客語殷勤

其二

有客攜杯至歡言共此亭尊收千畝綠塵落萬峯青樹葉  
閒中辨泉聲醉後聽幽情良不負純勝托山靈



疊前韻

太守 張聖猷

面湖山寺聳幽幻絕塵氛松翠常含雨峯高每積雲古堤  
臨渚斷邨徑到橋分老衲渾無事焚香掃地勤

其二

巖下清流急中分夾小亭碑欹生蘚綠壁削擁蘿青僧磬  
當窻度樵歌隔隴聽平疇千萬頃賴此一泓靈

立夏日同王別駕過西巒龍潭

太守 黃元治

冰署饒清暇相攜過浦西龍泉澆萬畝蟻穴閉長隄怪石  
根藏洞垂楊葉飲溪村村爭祭賽雜逕醉如泥

潞江府志

卷之五

五言律

七

秦刺史招遊華藏龍池

清暇欣同調招遊到碧潯傍山開石穴隨地灌秧針亭射  
斜陽影崖欹古樹陰微風噓細浪彷彿有龍吟

碧果菴

趙士麟

地偏人不到曲砌徧苔磯自愛尋真入何嫌與世違薜房  
閉白羽藤樹掛緇衣毒熱愁無那蕭然一坐微

登清虛閣

張羅彥

鑿石開雲磴臨虛接大荒雲歸烟樹合鳥逐海天茫閱世  
青山古陶情綠草芳好攜康樂句搔首問穹蒼



贈刀節母韓氏

趙士<sub>長</sub>庶

苦節原非易存孤尤獨難  
閨幃誰有此嬰白可同觀  
清書  
簾櫳靜殘燈刀尺寒不知  
多少淚留得兩琅玕

西園小飲

太守裴待度<sub>山西</sub>

雅集忻良日幽齋屏俗塵  
屬樽先遠客序坐屈鄉親  
與劇  
嫌杯淺詩狂得句真相逢  
萬里外莫厭醉歌頻

玉皇閣

知州張西銘

仙宮城市裏烟樹靄蒼蒼  
晝靜丹臺迥秋清碧殿涼  
琪花  
含雨氣瑤草散天香時見  
祥雲繞氤氳五色光

激江府志

卷之十五

五言律

三

觀音閣

進士譚溥

乘閒來古寺石徑暗苔錢  
花木深禪院香烟靄佛筵  
磬聲  
僧梵裏旛影燭光前坐覺  
禪機息儵然斷俗緣

三姑井

王佑命

三媛誰家女生來一樣賢  
堂前應有訓性內豈無天  
竟血  
金山土忽崩玉井泉後人  
爭洗目禮祀有餘年

香山寺

路南知州許維祚

錯認東林路幽深曲徑連  
嬾雲低講席怪石咽流泉  
日落  
烟光集山空雨勢懸未能  
結茅宇知是少清緣



行來清軒

夕照依樓盡歸鴉破曉烟凭欄因待月默坐學安禪草木  
經秋變星河人夜全清樽供眺望得意在林泉

堰城偶賦

路南羅之熊

引水平山麓分流逐甸斜沿堤栽柘柳遶屋種桑麻男事  
耕耘計女成初績家公租輸已畢何必到官衙

星湖夜月

江川李密進士

雲影虛空際仙槎縹緲時蘆花何處岸桂酒幾人卮四面  
山如黛中流鏡可窺此湖良不厭遮莫挽舟維

潞江府志

卷之十五

五言律

三

海門垂釣

小橋通一線幾處釣舟多風靜長閒纜雨來便着簑海連  
石自界山斷水相過檻外漁歌起冷然韻薜蘿

海壖

張方起

不到桃源口焉知天地悠憑高山水濶極目古今愁處世  
歸漁艇生涯上酒樓自憐官瘴癘易土盡為流

仙湖夜月

教授李含和

湖頭一片月皎潔獨相親光自澈寒水清常照古人天空  
來野鶴波靜躍潛鱗若奏霓裳曲乘槎欲問津



仙湖夜月

訓導 李光弼

愛月瀛洲客秋宵興若何清光芟桂樹游泳狎鯨鼉碧落天無翳仙湖水不波琉璃成萬頃隱隱聽霓歌

羅藏朝雲

訓導 段繡錦

羅藏高無對龍從直逼天東山晴日上北嶺碧雲還觸石千年雨穿林一縷烟何當臨絕巖俯瞰二湖連

寂照禪林

李應綬

小闢叢林勝山環景一偏海棠花映日古柏樹參天一逕莓苔滑千村禾稼連讀書曾下榻回憶幾經年

澂江府志

卷之五

五言律

十四

西山伏虎

千峯攢伏虎形勝跨西山松柏森陰立人家羅翠環澂澗清澗遠縹緲白雲閒俯瞰仙湖際疑居萬仞間

咏懷

學正 李汝相

寄跡昆州裏遊心太古天窗疎雲補密吟歇鳥聲連縱飲薰深竹陶情小漆園此生多樂趣隨在自悠然

黔闈和魏大主考原韻

山斗才名重論文更漏深十行飛玉屑一片識冰心列炬光騰漢清風韻入琴千秋逢大雅側耳聽元音



游華山瑤光臺

吳虎昌 郡人

曲徑通幽寺危亭倚石梯  
山花畱客坐林鳥近人啼  
水出龍泉北雲歸鳳嶺西  
一官離昨日閱品舊詩題

詠春曲

李可杖

春雨來何急風雷曳大荒  
勢傾山岳動氣透土膏香  
虛願懷霖楫冥心究石臧  
應知蟄伏者鼓鬣奮蒼茫

重九前三日陪崔興丈宴秦使君卽席分韻

白雪因君飽黃花笑我饑  
餐英情脈脈爛醉語喃喃  
險僻分詩韻殷勤謝酒監  
龍山高有約吮墨待秋巖

澱江府志

卷之五

五言律

五

秋日華山晚眺

楊申元

秀巖盤曲上憑眺一身閒  
柳暗烟村近花明月路灣  
微風涼古剎細雨點秋山  
望入斜陽外遙遙翠岫環

雲谷別墅

郭聯奎 郡人

問舍鄰修竹蕭疎意象幽  
此君當谷口故我到山頭  
攤飯眠虛牖澆書醉小樓  
白鷗如有約聊與共沉浮  
浩浩人間世孤棲興轉幽  
蟻情能入夢蝸性解藏頭  
竹密寒侵戶松高韻滿樓  
箇中叅妙諦應笑此生浮

華藏山麓有元野喇丞相墓

段琦 郡人



舊說元丞相荒墳冷薜蘿小塘芳草短古寺夕陽多碑字  
沉苔蘚山名詔缺摩爲將一斗酒澆向白雲窩

秋日華山晚眺

段 璠 郡人

雨霽斜陽寺奇觀出小亭雲多連水白山是隔江青岸柳  
烟猶濕棲鴉語未停逸情欣自得歸路照飛螢

題撫仙湖上峭壁間有石肖二仙撫肩竝立

段 琦 郡人

提壺上舟立烟環古洞前如何幾日月常住小神仙對我  
人三個笑誰手竝肩湖名因此著峭拔彩雲邊

澱江府志

卷之五

五言律

六

過尖山坡

李匡鼎 郡人

日暮撫湖西空山鳥亂啼村烟一帶鎖海色半篙迷路僻  
雲根近坡高樹杪低樵歌來曲徑入耳韻清淒

玉溪橋

毛 岷 山陰

萬里乘槎客尋幽到玉橋千峯圍碧落一水下層霄龍臥  
蒼江穩鸚鳴祇樹遙前村何處去隔岸鳥相招

觀音閣

高閣枕西郊風雲護鳥巢花飛隨雨捲鐘濕帶烟敲境遠  
心常靜機忘慮不淆試看溪上月清影遍林梢



秋日上靈照寺

萬嶺環孤寺層巒擁翠臺香飛天竺去雲壓五華來西塞  
爐關峙東靈日照開憑高閒極目遙惜馬卿才

玉溪橋落成

學正王瀧

溪淨層樓結濤翻鵲架橫撥雲尋古渡倚閣聽流鶯月魄  
臨波皎柳陰入檻明瓊瑤誰踏破載誦石杠成

靈照秋興

進士舒偉才 郡人

靈峯推勝蹟挈伴喜同遊山靜雲依寺僧閒鶴與儔松梢  
凝晚翠梧葉落新秋月出東山上清光未許收

澱江府志

卷之五

五言律

七

靈照山雪中觀梅

訓導游鏞 昆明

雪舞梅初放衝寒得得尋到來香在樹望去玉爲岑掩映  
情偏好賡歌韻轉深調羹知有待春色艷瓊林

勸義館諸童勉學

路南金廷獻

兒曹休作輟歲月不常留開卷賢如對潛心業可修門迎  
千嶂翠座繞一溪幽滿目皆文境隨人筆下收

石林

知縣金瑛 廣寧

幽林何太僻萬石鑿深宮徑轉疑無路山鳴似有鐘古苔  
緣草滑邃窟倩雲封半點塵難到惟餘谷裏風



獅嶺

積翠盤千丈攀躋路入遲  
紆迴難駐馬蹲踞果如獅  
梵鼓催松浪薰風響竹枝  
憑高誰作侶極目夕陽時

村居

舉人繆炎昆明

桑麻行處有卜築暫芟茅  
掃榻琴爲伴看山石訂交  
狂歌奚問譜劇飲不須殺  
覽物偏增慨誰憐鵲有巢

水月橋

貢生金成憲

三五團圓夜金蟾上碧池  
潮頭初起處海上半騰時  
魚咽滄波影鶯窺綠柳絲  
杖藜扶我過誤誦月明詩

澂江府志

卷之五

五言律

六

春興和米紫來韻

許維祚見上

園林朝雨後風剪落花輕  
鸞鷲山常在呢喃燕有情  
身閒塵思減境靜道心生  
幸少曳裾處誰能倒屣迎

蔣別駕邀飲杏花下

杏圃祇園外春深雨後涼  
人依芳樹坐風送落花香  
晚岫歸雲冷荒城蔓草長  
連朝頻載酒幾度醉斜陽

龜山郎事

路南楊化元知州

跣丈龜山道清秋一望賒  
石田多草子瘦地拌葭花  
破碎牛羊寨敵危農父家  
空傳名勝久到此始堪嗟



花園卽事

舉人 韓名伯

爲愛花爲友清齋種一畦常懷春日麗懶看落霞樓寫意  
琴頻弄陶情酒自攜與君貪醉賞直到日垂西

贈徐九徵

學正 張端亮

性癖耽幽勝時來叩草廬高梧留繫馬小沼坐窺魚僕解  
供園職兒能讀父書家醅堪取飲多爲故人儲

又

爽覺秋先到庭陰溽暑收風藤垂紫絡雨竹臥蒼虬擗向  
南山下尊同北海留相將聯二美共作醉鄉侯

澂江府志

卷之五

五言律

九

春宵

貢生 楊鍾裔

滿目春光富良宵不忍眠琴橫明月下鶴睡綠池邊飲酒  
忘新歲張燈似舊年千金增一刻况醉艷陽天

遊三台蓮峰閣

貢生 董文英

三台層壘上數武入蓮峰瞻象山川古談心風雨逢煮茶  
看去鶴把酒對蟠龍聞道遠公杳蒼然尙識容

遊李子箐

峭壁崎嶇立無人敢獨先路綠鞭石就窟是鑿空懸攢磴  
難窺地排峰欲刺天石林偶一過回首卽茫然



弔鄒公祠

舉人蘇瑞路南

巫峽鍾名秀 昆城挹潤多  
源開東注水 秀發南山禾  
遺廟經風雨 殘碑挂薜蘿  
爲披循吏傳 懷古動吟歌

澂江府志

卷之五

五言律

二十五



七言律

元

華藏寺

右丞 相 埜 喇

法鐘聲遠透禪關  
華藏招提烟霧間  
塵世已更新態度青  
山不改舊容顏  
洞門水湛潛龍臥  
竹頂風生野鶴還  
擬欲敲開名利鎖  
洗心常伴老僧閒

賀吳令尹

段文瑞 郡人

家傳青白舊源流  
兩世榮膺部闈侯  
金鵲印光忠孝譜  
玉麟符鎮海山秋  
歌聲近在康衢壤  
智策長施報國謀  
計吏

澂江府志

卷之五

七言律

三五

已知推異等應留  
蘭省報恩優

明

秋日邀遊鳳翔寺

副使 張繼孟 扶風

天外金風送早秋  
相邀共上七重樓  
昔因戎馬謀長策  
今為江山識勝遊  
筆陣掃開迎敵陣  
酒籌換却運邊籌  
醉當夕照朦朧眼  
直把鳳翔作虎邱

白龍泉

叅政 王 泉

世間水性皆趨下  
此水如何獨倒流  
九折縈迴來谷口  
一泓澄澈浸溪頭  
豈須搏激勞人力  
應喜霑濡救旱憂  
不是



山靈呵護謹肯容神跡至今流

靈照寺

知州郭鎮新興

步入禪關覓遠公登臨不憚石梯重數聲清梵鳴天籟萬壑寒濤響澗松風動經書翻貝葉僧傳衣鉢繼蓮峯葛藤話久忘塵慮忽聽黃昏起暮鐘

西門城樓觀火把

學使劉廷蕙

滇節朱明事最奇然松極目更披離山農秉畀聊炎火俗賽相傳為泣婺光入千門盆照夜碧凝萬頃斗明時樓頭聽雨饒西望含燭青龍總自知

激江府志

卷之五

七言律

三六

望梁王山

知縣朱鳳

梁王猶記舊時名東北魏峩對郡城深谷樵歸寒雨霽故關人靜夕陽明屯兵尚有當年跡懷古空餘此日情來往悠悠何足問悲風落葉自秋聲

耕讀軒

知州鄧駿

結屋城隅遠市喧幽清絕似浣花村驅牛漫把菑畬闢別蠹間將子史溫食到太羹偏有味理探無極已忘言君家積慶源源久擬見巍科發後昆

失題

失名



未解澄心學閉關  
攜筇直上翠微間  
潭寒老樹龍蟠影  
籠點丹楓鶴醉顏  
古碣蒼苔留偈在  
危橋繫石度僧還  
藉茵試傍平林酌  
笑看山雲出岫間

遊華藏寺

釋大錯

倚杖危峯望十洲  
凌空清嘯俯長流  
殘虹氣隱妖蛟窟  
宿雨晴開幻蜃樓  
沙影蠻荒生鬼域  
萍踪天地嘆蜉蝣  
山河往事難重問  
夕照寒鴉下古邱

留別華藏寺

釋大拙

又辭筇屨過棋州  
冷落龍泉水自流  
半架圖書懸小閣

澱江府志

卷之十五

七言律

七

天風雨送孤舟烟霞有韻光  
銷色猿鶴多情復抱愁  
笑囑老僧為釀酒黃花遲我餞深秋

華藏飛液巖和太守李若金元韻

太僕寺卿吳宏業 郡人

層峯獨步望來賒  
佳景清奇疊翠瑯  
琪樹高疑天上露  
金沙錯落雨中花  
珠成仙掌分餘瀝  
雪噴飛巖淨遠瑕  
白是上方飛玉屑  
不隨流水到人家

杯湖亭憶舊

禮部尚書雷躍龍 新興

杯湖亭上不勝思  
為憶年年秋早遲  
同是好花開落處  
可憐明月缺圓時  
參橫斗轉鷄鳴矣  
人去臺空室遠而  
誰道



別離千古恨悠悠此際即天涯

同鹿翁雷太史遊環玉

知州 鄭清允 新興

海上孤峯峯上樓巍然形勝冠南州  
窻吞四面千山色座納三湖萬里流  
把酒正逢天氣爽凭欄更愛月輪秋  
夜深共醉歸禪榻不覺鐘聲報曉籌

白雲寺

大理寺 評事 黃夢禔 首寧

蓮花開居榭葉齊幽人不到鳥先啼  
山門墜果松風細石壁吟蛩柳月低  
鳧氏考鍾銘佛歷龍媒遺跡瞰樵溪  
秋風莫足生愁黛翹首相將問粵西

寺有古鐘國初物也甚佳

涉江府志

卷之十五

七言律

天

北極宮

新興 知州 郭 鎮

瑞氣氤氳映瑤窻五雲樓閣擁旌幃  
亂飄珠箔花千點閒立瑤階鶴一雙  
劍匣欲開山鬼泣茗甌初試睡魔降  
坐間誰寫滄洲景剪碎吳淞水半江

慕親堂

為朱伯度題

大學 王景常

沉香灰冷博山爐坐擁羅衾客思孤  
寢去不知成夢否覺來還問有書無  
霜秋時墮敲窻葉寒月頻驚遶樹烏  
明月清風吹彩袖萱花堂上足懽娛

節義堂

為謝節婦題



萬里從夫上遠途  
乘兒負姪陟崎嶇  
高風不讓鄧伯道  
淑行貞同魯義姑  
守節況能霜半世  
立家猶善撫諸孤  
母儀節婦俱堪表  
直筆應慚匪董狐

王珪廬墓

副使張淑

一自椿庭殞九泉  
哀哀遺恨絕終天  
蓋棺纔掩墳三尺  
編草隨營屋數椽  
落月啼烏徒夜夜  
悲風搖木自年年  
古來孝行如君少  
已有佳名汗簡傳

前題

太守向侃

一從霜露摧椿樹  
警欬無聞隔九原  
悲慘徒增今日恨  
劬

澂江府志

卷之十五

七言律

五

勞莫報此生恩  
秋風落木常興感  
夜月啼烏幾斷魂  
化鶴不歸大寂寂  
石楠花老易黃昏

千里迎養

為洪九思賦圖

主事喬英

乞祿榮分到耆我  
九重無自答烟波  
最憐一鐸音初響  
正喜雙親鬢未皤  
迎有軟輿肩處穩  
養餘珍品進時多  
從來遂却斑衣願  
門弟無勞廢蓼莪

遊觀音樓

進士曹允昌

浪盤高閣出中流  
竹樹蕭疎水檻秋  
客醉小橋漁唱起  
僧歸曲徑鳥聲幽  
十年詩酒分禪幕  
千里風塵感宦遊  
安得



勞人身既退載將明月對鳧鷖

題忠節太和楊公祠

督師

楊繩武

彌勒

縱橫萬馬一城孤賭命還將半壁扶宗社有靈鍾間氣山河無恙鞏呈圖九迴抽盡腸猶熱七尺推餘骨未枯廟祀悠悠千載後青霜細雨淚模糊

西山詩

雷躍龍

海氣澄空一鑑浮千山瀉出水長流菑畬百頃連雲合禾黍千家帶雨收時有歸鴻多自得暮無驚犬更何憂西山頂上疑眸望浩蕩恩波萬古留

澂江府志

卷之十五

七言律

三

登雄文閣

進士江西大參 侯必登

一閣巍然鼎峙雄文瀾渙彩漾天風校書祿閣思劉向題鶴仙樓仰灑翁夜靜寒光凌斗極波恬漁火映琳宮鰲頭豎有丹梯在回首青雲捷徑通

雄文閣月下聞雁

太史 王元翰 寧州

碧落秋高雁隊分飛來底事苦云云懸知青影沉湖去空有遺音帶月聞關塞弟兄誰失路雲霄點畫自迴文上林審顧休輕下滿地虞羅足破羣

星雲湖

江川 尹 羅世守



我來幾度海之涯  
赤日風生浪作花  
星映湖光連碧漢  
雲侵水色靄烟霞  
壯懷已逐滄波邁  
華表偏驚歲月斜  
塵網應難羈野鶴  
倦游到處問仙槎

撫仙湖

兵備道曹達

澄湖似鏡酒如澆  
酬酢相將幾盡情  
兩岸雲山畱晚翠  
一溪烟柳弄春情  
浴鳧未起歸帆遠  
釣艇初回拂浪輕  
倒影漸隨西日淡  
前峯浮動月華生

孤山次韻答劉念臺

太史楊慎蜀人

秋動湖頭悵斷鴻  
來無握手去匆匆  
釀成新法皆吾黨  
卻

潯江府志

卷之三

七言律

三

卻浮名是彼傭  
一水滢盈人自遠  
萬山迢遞月相同  
黃冠白衲堪逃世  
珍重交情片紙中

遊孤山

孝廉監軍道侯宏文 江川

悠悠一艇破烟微  
鳥嶼空迴歛霽霏  
黛色抹巖巒  
障翠雲根護  
筍竹芝肥  
笙驂鶴背飄  
緜嶺線倚虹霓  
下釣磯最喜月明風靜處  
湖心嬾嬾奏湘妃

本朝

西嶧龍泉

劉蒞川南

春服郊行未暮春  
湖光潏灩絕纖塵  
晴沙漾漪魚堪數  
小



樹微茫草作茵陌上村粧喧笑語河干田父話新陳祀龍  
老稚車前問今歲蠲租可是真

觀音巖

張聯箕

攬勝層巔擁翠微諸天環拱日重暉泉光浮動蒼蘿逕山  
意低垂白板扉萬樹鳥聲隔葉轉半巖花雨逐風飛公餘  
得覓幽棲境竹塢雲深僧自歸

河澗舖中養白午至玉符道中

久滯迤東家北海由來滄海不揚波泉非有約流聲一花  
不知名作態多亂茁虬松難偃蓋無根蔓草效藤蘿巡行

澹江府志

卷之十五

七言律

三

欲采風謠獻夜雨荒邨冷綠蓑

岩泉古寺

河陽 袁肇繼

茂林深處隱招提岩下流泉共止棲清水一泓禪性寂閒  
雲萬片悟心迷花開幽徑隨時發鳥落空林盡日啼習靜  
老僧如有約相邀徐步看前溪

澹江懷古

提學 吳自肅

鳳儀山麓峙孤城入望仙湖照眼明漱玉草迷丞相墓雲  
龍烟閉武鄉營菜花曾許遊人醉幸藏還憐浦水清凭弔  
無從採往牒細將遺事問諸生



金蓮捧日

趙士麟

蓬花峯頂影重修捧出金盤隱  
頰松曙色初分開齒替夕陽返  
景射芙蓉披離五綵明丹鳳照  
耀六經起燭龍從此乾坤常不  
晦文明萬載煥堯封

玉筍擎天

青峯遠峙人湖清秀骨嶙峋淨  
若瑩似筆生花詞可寫當天作  
柱手能擎波光蕩影終須直風  
力吹襟自不傾四壁無隣真突  
兀千巖萬壑羨孤撐

仙湖夜月

澱江府志

卷之五

七言律

三

俞元仙跡問仙湖一片烟波點  
荻蘆天上自來通碧海人間不  
道有蓬壺鳧泛眠沙渚桃柳陰  
陰入畫圖最愛夜深蟾殿啟琉  
璃萬頃一痕孤

羅藏朝雲

地連北斗鬱岩巖曉起惟看旭  
景饒一縷寒烟迷谷口千重白  
練鎖山腰香燈直到上方見雲  
靄應從亭午銷華嶽名高須讓  
此遙知神女紫鸞朝

萬花春谷

風和日暖共幽探白白紅紅種  
未諳豈是天孫織錦室還



疑天女散花龕香車寶馬紛無數載酒彈琴興倍酣  
園苑瑤臺差足竝莫教人認小江南

九苞鳳城

鳳城遙接鳳山隈鳳翥雲聯百雉開瑞應已徵千仞外德  
輝猶帶九苞來西山爽氣迎秋入東浦榮光逐曙催烟樹  
萬家簇似錦此身已覺在蓬萊

西山伏虎

西山崒崒有仙蹤古刹凌雲響梵鐘寶相莊嚴能縛虎花  
宮迢遞近盤龍登臨祇覺無寒暑嘯詠常思憩栢松自是

澱江府志

卷之五

七言律

五

諸天多法力萬年食福慶時雍

東浦流虹

泉流瀲灩度平沙灌溉東方利賴賒遙望彩虹趨澗底却  
隨舞鶴到山家層層碧樹籠高寺濯濯游鱗戲淺涯水閣  
風亭客坐嘯詩成隨意酌流霞

華山古寺

華陽東峙五雲間一逕迢遙次第攀六詔山川開梵宇千  
章樹木隱禪關峯攢巍閣丹霞上水繞平疇綠玉灣傳自  
齊梁名最古香林紅葉曉斑斑



龍巖靈湫

泉流浩浩注西陲水色晴光盪碧漪四面澄潭清肺腑一池寒玉照鬚眉魚龍隱現搖萍梗臺殿參差冒柳枝勝事年年沂浴候春風童冠樂難支

己亥平滇紀勝

地介蠻荒聲教違頻年盜寇阻重圍黃巾煽亂誅求盡白馬橫戈煙火稀春燕已巢林木徧秋鴻惟望塞垣飛幸逢聖主綏南服不藉三年破斧歸

其二

澂江府志

卷之五

七言律

三五

熊羆南下萬民蘇後舞前歌滿路衢疾似秋風驅敗籜藹如霖雨潤焦枯

帝王自具懷柔策將士多嫻樽俎謨從此太平應有象市塵喜見醉人扶

此二首本通志稿補入

春日翟蠡侯明府邀同李子曰上游華藏寺龍潭

黃元治

君於山寺未經遊載酒翻攜客上樓顧我病餘難著屐許來池上獨臨流沙明苻帶絲絲翠風蕩波紋疊疊柔清入



心脾涼到骨南中春日尙羊裘

其二

僧閣茶烟望已銷主賓吟嘯下山腰花深曲塢香迴轉風  
吼虛亭勢動搖放鶴湖頭雲度水啼鶯谷口柳當橋春光  
如此何容負縱飲醇醪不記瓢

清明郊遊和前太守李公韻

郡守裴率度曲沃

和風薄靄雨新晴日暖花開四照明草軟沙平輕試馬春  
深柳密乍聞鶯樹陰野叟荷鋤立牛背村童橫笛耕雨足  
年豐逢令節聊憑詩酒洗塵纓

澂江府志

卷之五

七言律

五

春郊

虛舟泛泛興偏賒散策青郊石徑斜四野烟籠迷遠樹一  
行鷗起落晴沙山光刷翠勻新雨水色浮紅映曉霞暫釋  
勞生恣眺望暮雲隱處是誰家

南城登高

令節囊萸興自豪南樓緩步漫登高孤城落木黃花冷異  
地悲秋白髮蒿葭露拂林皆淡漠商飈入韻自蕭騷從今  
悟徹秋聲賦齊物鴻鈞等一毛

南浦荷花



綠縠平鋪十里長，紅蕖孃孃映湖光。  
風吹菡萏香生韻，雨淨琅玕影倍涼。  
碧竿摘來新翠葢，玉環夢去舊珠房。  
花神解語羞花貌，懊恨多情比六郎。

初秋雨後遊華藏寺

層雲相壓未能流，浙瀝空階聽轉稠。  
桐乳垂金光積暗，芙蓉盤鋪翠味初。  
柔澗深細浪環香刹，沆瀣遙波影畫樓。  
天棘江蓮足乘興，相邀達士約重遊。

撫仙湖卽事

中丞李發甲

四面晴嵐接遠天，湖光瀲灩抱城還。  
風含細浪文成藻，雲

澱江府志

卷之十五 七言律

三

郁千峯錦作烟，村舍桑麻耘綠野。  
井閭刀尺促新蟬，清禱此日成嘉會。  
少長追陪玳瑁筵。

夏日郊行勸農

李丕垣

薰風一曲鼓虞絃，連騎青郊興灑然。  
麥隴雲蒸黃犢雨，秧畦水浸綠蓑烟。  
老人送餉平疇外，稚子開渠夕照前。  
勸爾農民勤耕植，西成轉眼是豐年。

羅藏山

刀略

丹雘碧嶂聳層霄，雲鎖苔封去路遙。  
高樹鳥啼人寂寂，幽溪鹿過雨瀼瀼。  
不殊辰洞書藏西，錯認天台石架橋。  
可惜



荒殘餘古寺誰披斷碣問前朝

金蓮山

貢生 段如芸 郡人

撫水澄空漾碧川奇峯疊翠擁金蓮青霏曉露光逾潤紅  
染朝霞色倍鮮豈有靈根石內出漫同寶炬禁中燃名山  
不久淹風雨應待籠紗學士傳

三清閣

張聯箕

憑高俯眺遠烟橫十里平疇近市城人世滄桑隨地換上  
方觀聽坐來清山藏寶鼎三峯峙波漾仙湖一片明目極  
南天烽火淨中原暇日可銷兵

澂江府志

卷之十五

七言律

三七

桃源牧唱

署新興事 林兆哲  
永昌通判

紆迴絕勝武陵溪芳草斜陽一望迷片片桃花隨水去聲  
聲鳥語和歌齊秦人跡杳雲橫度漁父重來月滿隄若見  
前邨飛酒旆典衣且博醉如泥

前題

新興 蔡 琨  
知州

驅犢前邨傍水隈幾家烟火曙光開笠翻紅雨香泥滑唱  
徹溪雲短笛催扣角誰知犇隱逸迷津休笑隔塵埃桃源  
今已成囂境盡日酣歌任往來

靈照松風

新興 魯華國  
知州



古寺松陰不記年，千岩萬壑秀參天。  
枝頭猿鳥啼秋雨，樹裏樓臺鎖暮烟。  
風帶濤聲過別院，色攢烟影罩晴川。  
上方竺國應如此，靈照西望鷲嶺懸。

玉溪春漲

吏科給事 管 灝 新興  
中進士

東來銀漢瀉城西，碧柳拖烟遶岸齊。  
却羨安瀾涵玉浪，不聞走蟻潰金堤。  
流膏潤處千邨溥，麗日晴時百鳥啼。  
攬轡長橋看景色，氣蒸雲雨自成霓。

普門夜月

古道城闌出普門，一龕燈焰射黃昏。  
月生露井疑天倒，蟾

澂江府志

卷之十五

七言律

三

吐珠光藉日吞市，裏歌聲連暮鼓。  
刹中旛影動雲根，年年顧兔來相照。  
彩絢銀牀水不渾。

遊路南獅山

舉人 文化遠 呈貢

建文遁跡原非此，也號獅山俯一州。  
十里松聲傳爽籟，半天石壁倚危樓。  
仙凡只隔閒忙界，今古唯爭旦暮秋。  
且向僧房欹片枕，層巖一任馬蹄留。

凌雲閣

路南 金廷獻 知州

凌雲高閣跨城墉，四顧層巒若伏龍。  
彩棟縈迴天際日，朱簾舒捲嶺頭風。  
江聲斷續欄杆外，樹色依微烟雨中。  
此會



登臨多逸興恍如身入斗牛宮

石碕仙跡

金瑛

層巒深處白雲迷  
畱得仙踪石上題  
冠履豈隨荒服變  
棋枰猶伴夜烏啼  
巖關疊鎖紅塵遠  
峭壁橫撐綠翠低  
乘鶴悠悠去不返  
芳名千載在盤溪

題忠節楊公祠

學正 李汝相

浩氣畱芳近五溪  
一身輕葉草萋萋  
忠魂鬱結晴雲暗  
勁節高撐古木低  
曾達宸聰題漢柱  
還從祠角繞虹霓  
孤臣一片衷腸苦  
野鶴於今和淚啼

澂江府志

卷之五

七言律

三

凌雲閣

知縣 李義傳 路南

撐支畫閣挹長颺  
高踞城墉好勝遊  
烟樹迷離千嶂遠  
風光掩映四時收  
雨淋簷溜難拖地  
月吐山巔光照樓  
此日登臨空萬象  
恍如身御碧雲頭

題忠節太和楊公祠步韻

知縣 速秉植

君門萬里歎臣孤  
危孰與持顛孰扶已  
拚一死匡國難遑  
因數口作私圖  
火溪血化草猶碧  
玉嶺神依柏未枯  
當日曾經太史筆  
丹心萬古不模糊

同太史董文山會稽劉蕺香武昌徐怡亭兒子永秦遊



孤山

江川張鐘

仙湖萬頃小孤山買棹同遊到此間四面波濤隨出沒一帆風日好回還斷碑剩有黔寧蹟古壁惟衣苔蘚斑勝國樓臺何處是夕陽江上水潺潺

欄柯枰

按院朱泰楨東海

短策乘春入翠微仙人殘局紫芝肥月光潮漲迎歌拍風送花狂濕舞衣吉夢再逢金粟母澄霞應鑄玉川妃燈輝海面連魚水龍女冰盤照夜璣

萬松寺

張方起

澱江府志

卷之五

七言律

早

戰馬嘶風血未消征山萬里水雲迢迢僧歸野寺雙扉靜人倚江樓一櫓搖踏遍荒原哀父老驅開車馬混漁樵長安不見愁如許明月當頭意豈遙

仙湖夜月

教諭李敏

星雲東下接山阿湛湛停泓一鑑多最喜晴霞聯碧落尤宜皓魄濯清波新秋籟靜逢仙子永夜風微引素娥我意亦同湖水瑩乘槎遙泛草堂過

金堤柳浪

學正華朱禎

金堤環帶柳婀娜蘸雨牽風百尺波體態未疑秦塞少丰



姿空憶漢宮多綠濤深處藏黃鳥玉水浮來漾碧羅最是  
春明遊士女攜樽隊隊宛乘槎

澂陽卽事

學正 查奉璋

俞元在昔稱名郡極目南樓興欲浮四面青山環鳳嶺一  
泓海水注龍湫春風犢臥提壺喚秋月聲喧促織悠況際

太平風景麗車書萬里達

皇州

羅藏朝雲

經歷 張學轉

崇山處處曉雲封瑞彩繽紛靄九重薄霧幾時藏殿閣疎  
烟昨夜宿芙蓉飛巖有意迎朝旭出岫無心挂碧峯觸石

澂江府志

卷之五

七言律

四

偶然霏澍遠精神何日不從龍

仙湖夜月

李應綬

萬頃平湖一鑑清誰教皓魄湧波明光搖碧落通銀漢影  
盪秋風動石鯨望若全疑瓊宇合觀濤恍識水晶瑩憑虛  
不用乘槎想時泛仙舟到海瀛

鳳山書院校試示諸生

郡守 景 謙 浙江

擎天玉筍撫仙流妙手宜添五鳳樓愛士類如佳子弟分

符慚負古諸侯六條漢詔誇成俗三日豳風冀有秋是日

三之日 正要諸生醉經史借將酒課作詩籌近日以酒課  
于邦



九日鳳翔寺登高

張琮 郡人

浮沉宦海半生遊贏得歸來雪滿頭羞折黃花雙鬢插喜  
逢佳節一僧畱風高梵刹開新釀雨歇林臯散晚愁但少  
催租人阻興題糕猶得附名流

又

高世澄

幾年幾日得同遊須折黃花插滿頭節候雖佳偏易過秋  
光漸老更難畱詩非得意休稱作酒只沾唇亦解愁白首  
狂歌天地外還知風雅屬吾流

又

李聯庚

澱江府志

卷之五

七言律

四十一

滿載茱萸選勝遊穿雲策杖立峯頭烟霞有意供瀟灑日  
月無心任去畱白眼疎狂容我醉黃花爛漫破人愁鳳山  
當作龍山會落帽題詩總一流

歲試澱陽示經古諸生

學政汪如洋

竹粉粉

名園新籜解檀欒淺碧輕勻糝未乾玉立千尋歸潔白金  
銷六代笑單寒湘臯日暮鉛華謝漆簡年深蠹蝕殘欲乞  
仙家雲母法調成合付鳳凰餐

榆錢



清明雨過幾含煙連理鎔成萬箇圓粉社春嬉囊未竭柳  
纏宵炯帶難穿屑羹儉歲知無價雨粟蒼穹不任權苔砌  
荷池休一例暗從改火惜流年

示鳳山書院諸生

太守 王厚慶 山左

絢秋花柳拂旌旃得隙觀風肆管絃被裏放衙過鹿洞山

中揮塵做臯筮占星久許人稱壽夢烏曾聞令是仙裁到

故園桃李樹無言春色倍媿妍 時山長為邑人前金壇宰段可石先生

之乎者也矣焉哉將相都從問字來何地無材程杞梓有

人得意到蓬萊 謂新科計庶常 齊孚莫漫吹南郭湘管疇能嗣玉

澎江府志

卷之五

七言律

星

臺糟粕文章歸小技科因孝弟力田開

此間有草記科名去歲今朝賦鹿鳴比戶雲聯添額影 上年

秋郡人中式者占通榜六分之一 隔牆風靜送書聲人誇舞鳳山光好我

飲撫仙湖水清堪笑兒童太多事篠驂誤作細侯迎

鞅掌經時困簿書秀才結習未全除草堂舊約羞猿鶴藜

閣殘編豢蝨魚在讀龔黃循吏傳愧來鄒魯聖人居硯田

竟已荒蕪盡辜負寒窗廿載餘

暮春之任澂江卽事詠懷

鄭心一 浙江

簿書填委亦堪憐出守仙湖快若仙路峻休辭九折坂俗



淳待撫七條絃和風恰似民風靜  
小雨剛逢穀雨天豆麥  
盈疇花滿樹桃源卽擬此山川

小園水木湛清華草綠裙腰間雜花  
署中有園頗饒亭池花木之勝到此

惜無佳士共有人曾向樂天誇  
忘機魚鳥塵寰外隨分軒

窗野老家獨把清樽竚良月  
西山落日起紅霞

此邦歷數住名賢為政風流沐  
我先得第諸生徵宿秀

臨軒

聖主憫窮邊

今上念滇路崎嶇近科會試取中頻多

已聞捲酒添文課更擬

儲才釀俸錢最好為農端士習  
各安耕鑿守青氊

土子務農兼讀

澱江府志

卷之五

七言律

四

山崖翠竹一庵幽行雨潛龍有古湫

翠竹庵及東西龍潭為郡城名勝父

老不知求判牘吏胥祇合導清流  
盈筐野筍時將出徑尺

河魚味可謀到郡不過三日耳  
煩襟已足滌三秋

萬壽聖節彩雲見南中恭紀

拔貢王偉郡人

小春佳氣靄晴暉南國臣民望

紫微霄漢流光昭

聖瑞天孫織錦映朝衣

九重德峻千秋麗五色雲蒸萬古稀  
自是

太平垂景象



御香飄處彩霞飛

西來寺盤松

太守 郭聯奎 郡人

法刹何年種古松  
雨花深處走蟠龍  
枝低不改烟霞態  
幹老難爲桃李容  
濤逐風簷音自賞  
鬢披煙徑翠還濃  
問君領畧西來意  
叅透禪關第幾重

奉和龍郡伯中秋同顧邑侯遊華藏寺由鏡光池步至

呂祖閣望月

謝公屐跡滿秋山  
待月凌空意自閒  
分外清光穿竹徑  
異常霽色透松關  
情同泛渚應忘倦  
人擬乘槎肯就還  
我亦

激江府志

卷之三

七言律

聖

憑欄深夜坐孤懷  
直到翠微間

和王阮亭先生秋柳詩四首

舉人 許鑑衡 郡人

碧雲片片蕩吟魂  
烟鎖江橋薜荔門  
枝映月明搖素影  
葉飄露冷掛疎痕  
西風不斷紅蕖岸  
涼雨紛飛黃葉村  
憐爾柔條憔悴甚  
笛中淒切不堪論

幾日明湖墜曉霜  
橫波眉黛斂池塘  
瑤姬霧擁鸞臺鏡  
楚女塵封翠鈿箱  
馬拂五花馳輦道  
衣沾金縷媚君王  
如何秋至嗟搖落  
遠愧春園碎錦坊

樹頭有汁染宮衣  
九烈神言是也非  
天上星芒千古麗  
詞



場篋子近來稀盧家梁燕朝猶舞京兆庭烏夜不飛好語  
柴桑陶處士吟秋莫與素心違

涼秋相對倍相憐鴉背斜陽帶暮煙雙鎖彈琴音宛轉同  
心結縮意纏綿梁園景物思今日張緒風流自昔年珍重  
章臺休屢折感人無限灞橋邊

梅花

百首錄四

刀

畧

郡人

應候推誰占早春江邊簇簇一枝新纔經雪夜舟中見翻  
覺空山夢裏真素質不妨登逸品孤榮只合少芳隣廣平  
賦就雖堪艷別有奇文索解人

澂江府志

卷之五

七言律

哭

瘦骨離奇不受憐向來顏色頗爭妍何須葦破姿方澹却  
愛冰清品是仙孤潔客分茅店榻古臞鶴伴石堦眠妙探  
消息看無處畫意詩情酒債邊

冰雪肝腸頗自豪不徒仙種博名高山青雲白歸幽雅短  
笛清琴寫怨騷條嫩尙然欺弱柳枝疎豈但厭繁桃欲酬  
風韻稱知己裘敝猶堪換濁醪

花信風分南北枝暖寒意別定先知窗前掩映疑殘雪夢  
裏分明伴醉卮每向家山勞涉想偏於客路寄相思誰從  
格外看開落悟得行藏自合時



抵潞江府任紀事

太守 蕭炳椿 江右

一官萬里到天涯問俗觀風聽鳳喙

府治形勢為丹鳳銜書

慚愧陽

春稱有脚周流函夏見無懷連雲麥氣通鄰壤佇月書聲

達郡齋廡念年來生意促挽回人事屬吾儕

近年四屬俱有災疾

河陽節事

邑令 吳 繩 武進

訟庭餘暇自栽花拙宦年年感歲華未得題詩先擇韻偶

聞鄉語便思家新晴鳥雀鳴春樹薄暮胥徒散晚衙獨自

小窗閒兀坐遠山斜照透輕紗

孤山

學博 李 燾 昆明

潞江府志

卷之五

七言律

七

特立孤湖萬頃間中流砥柱一孤山雲連海氣晴嵐鎖水

接天光碧練環疑是客來蓬島上旋知僧住翠微灣殘碑

剩有沐公蹟讀罷凭欄意興閒

遊鳳翔寺續鄉先達副使張伯功題壁間一律即步原

韻

王成德 扶風

蕭寺留題不記秋相邀重上仲宣樓早披信史欽先正今

見遺詩識舊遊激烈殉城雙盡節

傳稱張獻忠寇成都值公協守城破不屈死妻

賈氏同被害

從容殲賊獨持籌

傳稱公守滇之廣西時普明聲久亂未靖公設計醜之遂卒

百年忠義知誰仰寥落鄉邦一土邱



九龍池

毛岷山陰

疊石奇峯旭照開碧凝秋水浸樓臺鶴飛嶺外遙天雪龍  
隱池中滿地苔幾處雲堆隨雨散一行人影渡橋來滇南  
勝地多雄峻作賦相如子細裁

橋閣落成

劉天敏衡陽

碧瓦疎欄瀉玉渠長虹高架接清虛濤翻銀浪迎珠閣山  
插青霄掛草廬那見黃龍遊禹甸却來白鶴話堯初笑看  
題柱人經過飄渺鸞聲萬里車

玉溪橋落成

訓導游鏞

澱江府志

卷之五

七言律

吳

放眼乾坤氣象清濠梁堤畔問鷗盟晴嵐翠疊千峯秀叢  
樹烟環一水橫閣外鳥吟藏暗柳濤中月印映丹楹依稀  
風景蘇堤上笑逐兒童竹馬行

雙洞雲封

王鐸郡人

層巒競秀簇芙蓉古洞苔深翠幾重戶啟雙扉開闔苑巖  
懸千尺隱仙踪參差石竅祥光入巖巖山煙樹色濃自是  
塵氛飛不到桃源有路白雲封

玉澗長虹

張昕

溪河如帶碧湫盈鵲架橫空漾太清斷續鶯聲花外嘯高



低人影鏡中行山圍祇樹千峯繞波擁蓮臺一線縈最是  
雲煙堪畫處柳陰夾道喜新晴

贈徐母趙孺人節孝

李崇琬

風清月白一身孤喜得新鸞又失夫敬事孀姑欽孝婦撫  
摩幼穉作名儒香飛古墓依雲樹秀發新枝入畫圖桂譜  
流芬傳母教幽芳畱作百年模

贈需野徐君夫婦雙孝

商水趙士蘭昆明

雙孝曾經珥筆題芳名直與斗山齊剝膚入藥能痊母濺  
血和羹復有妻一片精神昭日月滿腔至性貫虹霓倡隨

澂江府志

卷之五

七言律

巽

共篤天倫事典重

恩褒待紫泥



補明

雄文閣

楊師孔

傑閣臨湖水壓天望中縹緲欲浮烟簷懸星斗還隨手坐  
有洪崖可拍肩燭影遠搖峯外樹蓮花近發火中船迴瀾  
砥柱尋前事敢謂雲山此地偏

襟海亭適有百歲老人曳杖而至卽席賦之巡胡其慥

把酒登高興爽然孤山風景異諸天危橋跨海中峯近虛  
閣平臨北斗懸造次喜逢方外侶追陪幸接飲中仙尊前  
不盡盤桓意津吏頻催報艤船

澂江府志

卷之五

七言律

率

振衣岡

楊師孔

萬仞飄搖鍊骨輕醉來却喜傲風行蟠桃海上看花實栢  
子爐中數甲庚猿術漫飛雲外劍鶴翎吹落月中笙狂歌  
不盡盈樽酒勿向東方問啟明

陪直柏臺朱白翁初泛撫仙湖登眺孤山

胡其慥

問俗追驄覓上方輕撓容與出江洋四圍翠染千重碧一  
鑑波搖萬頃光陟磴探竒俯澤國臨高把酒傍空王飲餘  
回首寥天際幾點冥鴻帶夕陽



五言排律

華藏寺

許 佑

倚杖陟層階登臨極望來湖光浮玉鏡山色拱瑤臺野鳥  
飛還聚閒雲去復迴談禪僧院寂琢句雨花開條竿回名  
泝旋車踐濕苔鶴眠亭集雪龍起水生雷景是江風舊人  
殊今古哀東南今際美遊醉莫辭杯

十景

欲識河陽勝閒來與細評南峯遙競秀東谷近分清日照  
金蓮晚嵐開玉筍晴仙湖浮夜月羅藏帶朝雲陽浦冬含

澂江府志

卷之十五

五言排律

雪珩溪綠繞城西泉騰蜃地北沼羨魚情自是佳山水當

留嘯詠聲

壽張節母傅氏

太史 李應綬 郡人

懿範由來美難如太母賢閭儀堪樹極內則夙云嫺井臼  
時操也藿粥亦甘焉篝燈頻佐讀木榻幾經穿夫子相資  
益大家可齊肩鸞鳳岐中歲號呼失所天操與松筠潔矢  
同金石堅千辛惟卜指三鳳竝高騫畫荻惟歐繼和丸媿  
柳賢克紹書香遠能開甲第先荆枝榮次第鵬路羽聯翩  
嘉平懸彩悅踰濟列瓊筵揆藻揚芳節稱航祝永年



采風史珥筆載彤篇

讀友人高玉海集唐詩卷賦十二韻

南天風雅寂吾友同雙瞳寄興三唐上遊情一卷中瞻前  
成獨賞睨後豁羣蒙李杜分光焰玉劉讓渾融恬吟風出  
腋朗咏雪飛空製錦非關織梯雲假藉虹穎思原慧業神  
巧通天工寤寐羹牆近推敲肺腑同定云才吐鳳漫指技  
雕蟲不媿詩稱伯無妨文號翁一鳴驚赤幟萬選擬青銅  
卽此堪不朽何必嘆飄蓬

澂江府志

卷之十五

五言排律

二



七言排律

玉溪橋

雷躍龍

試問溪橋古有無於今高插一虹孤  
層樓異氣浮足練銀  
漢長烟散曉珠雙鎖五雲巢  
翡翠倒流九峽引蒼梧  
龍城歸騎爭笳鼓  
驢背詩囊自畫圖  
未許濤潮通近信  
有教明月下平湖  
西南紀載誰相似  
銅柱橫斜大海隅

五言絕

瑤光臺

趙士麟

洞開千年棘  
岩吞萬頃波  
觴飛綠影亂  
遙聽隔溪歌

澂江府志

卷之十五

七言排律

三

水月橋

李汝相

素月清溪上  
遶橋綠影留  
臨淵寒色逼  
誤認是仙舟



七言絕

明

秋日同藩臬諸君陪朱白翁侍御遊孤山以十詠命題

卽景漫賦

胡其慥

雄文閣

閣裡新詩憲府裁羣公績藻和歌來漢廷誰薦雄文似自有長楊作賦才

鰲極峯

突兀孤峯島嶼懸斷鰲立極謾空傳一經豸史新題後留

澱江府志

卷之五

七言絕

四

柱西南半壁天

魚樂國

海國蒼屏對碧灣化城終日掩禪關客來倚檻岩花落潛躍不驚生意閑

襟海亭

高高亭子海之濱上有蟬嘶咽樹頻日落平沙秋色遠碧天如洗月如輪

虹飲橋

百尺虹飛掛海樓紅塵隔斷擬滄洲丹邱亦是人間地何



必仙槎問斗牛

又枋曰隔凡

航海陟山幽逕開尋花問水認天臺塵飛不到閑亭闋草  
色青青長綠苔

爛柯碑

滿目山川四望開望中枰石闕蒿萊南天在處皆戎馬誰  
是當年賭墅才

弄珠崖

仙湖崖畔水悠悠黃葉丹楓敵素秋坐久靜看波月上恍

澱江府志

卷之五

七言絕

五

疑神女弄珠遊

振衣岡

疊翠重茵千仞崇掉頭拂袖似乘風憑高極目雲烟外指  
點山河夕照中

觀生臺

驄馬行邊生態新觀生且止爲觀民滿前魚鳥皆生趣悟  
入無生是徃因

界魚石傍有人我幢

界分魚國力雲鄉夾岸石幢雲作梁是法本無人我見還



從柱下覓和光

遊江川之澂江同王鈍菴再東董西泉三首

楊慎

通海江上湖水清與君連日鏡中行孤山一點橫烟小何  
羨霞幃掛赤城

澂江色似碧醞醕萬頃烟波際綠蕪祇少樓臺相掩映天  
然圖畫勝西湖

海鼈江鱗四時供水蓼山花月月紅自是人生不行樂  
蓐鱸何必羨江東

澂江府志

卷之五

七言絕

六

清風亭

御史王諍

愛爾澂江千頃波澄清撓濁定如何水清亭榭塵囂外莫  
似西湖涵綺羅

秦華之南濱海東柏臺亭子遍清風瓊窗半啓閒來往人  
在蓬萊月在宮

海口舖

別駕晁必登

郡門一望遠溟溟百里湖光小洞庭最愛澂江風日好未  
曾春到已先青

本朝



孤山弔狗難周明府

儒學馬敬

孤山碧海月黃昏千古睢陽誰與論一戰存仁惟背水清  
波是處泣忠魂

前題

劉景忠

江城失守避山隈之死靡他不復回環玉峯頭堪痛哭蔽

山遺烈共徘徊

先曾大夫蔽山先生殉節絕食十有四日而卒

抵澱江二首

郡守裴率度曲沃

三關控制古兪元二浦中分舞鳳原羅藏山頭雲靄靄太  
平橋下水浚浚

澱江府志

卷之五

七言絕

七

孤舟匹馬入遐荒黔雨滇風萬里鄉偏我來時春正好看  
花一路到河陽

入署二首

一抹紅林碎錦坊漫教誤作午橋莊開窗恍對松雲嶺軟  
碧池中繡尾長

西園水榭柳飄颺宛轉清溪繞畫廊地僻年豐廳事靜坐  
看澄澹帶花香

畫梅詩扇送蕭素村吏部出守澱江卽示諸舊遊

學士顧菴吳縣



我無遺澤愧桐鄉常得音書附雁行近况煩君聊慰藉打窗風雪晝寒香

蓬萊庵

學博李燾昆明

踏破白雲山外山曾來松下叩柴關一溪流水當門繞別有蓬萊在此間

靈照松風

劉天祥新興

重重翠靄護靈峯半在雲關半在松為問濤聲何處發天機自動應鳴鐘

雙洞雲封

澱江府志

卷之五

七言絕

八

石竅相連長綠苔幽人尋勝抱琴來千秋素練將門鎖扁就桃源不復開

關嶺樵歸

夕陽斜照野榛菅山路丁丁去復還日月兩肩擔不盡息機更覺有清閒

玉澗長虹

萬株綠柳鎖西溪髣髴蘇公十里堤更駕彩虹雲路近騷人沉醉賦新詩

白雲瀑布



山高雲鎖寺連峰  
片片銀光掛玉龍  
直上疎籐猿路古  
紅塵隔斷幾多重

孤山弔狗難周明府

學正 金大印

鐵柱功成百戰終  
江川何處問遺踪  
綠蕞高枕乾坤小  
無數青燐對晚風

當年捍患有殊功  
想見鳴弓露雨中  
一自血膏原上草  
至今湖海聽悲風

宿江川縣讀施愚山前輩詩口占二絕 劉藻

攬轡河陽許看花  
仙湖一曲繞城斜  
曉來湖外踏泥濕

澱江府志

卷之五

七言絕

九

處新紅雨後加

半輪涼月掛城頭  
稻已抽秧麥近秋  
下榻江川添逸興  
愚山一卷足風流



六言絕

玉溪雜興四首

明尚書雷躍龍

坐臥玉溪沙畔嘯歌白石江邊樹頭樹底秋色橋北橋南  
晚烟

前溪花滿草滿隔岸雲寬水寬一樹蒼梧未老千家明月  
驚寒

溪上春遲秋早天涯水濶山遙在畫屏風江雨去寄參軍  
鮑昭

一望菰蒲楊柳萬家烟雨樓臺江南何處相近桃葉渡口

澱江府志

卷之五 六言絕

十

歸來



澂江府志卷之十五

藝文

宸翰 募疏

奏疏 引

銘 記

傳 贊

序



澂江為滇文獻地而典籍缺如吾甚疑之澂地僻小古帝王制詔不及此又無大興革名臣疏議不及此宜弗載獨怪歷來守牧豈乏博雅卽鄉先正如段總管董侍御輩皆文行名臣而著述之流傳者甚少何也兵燹疊更而紀錄無人故也今幸值

聖天子右文之盛加意遠人凡沐教觀光爭自濯磨而且

綸音敷布封事對揚有為是邦掌故者他如黃縉之辭陽春

澂江府志

卷之十五

藝文

一

之調所在都有其閒顯宦名流屈指不乏近如玉峰趙少宰雲谿李中丞著作盈千亦但取其有關志乘者載之而是邦人事勝蹟無微弗彰亦可備輪軒藏石室矣志藝文

宸翰

謹案舊志

宸翰內列

御製孔子贊及四配贊皆非郡志所急者又于記內列重修善慶寺碑文中述三教之興以孔子竝釋道塑像于寺尤非所宜存者今像已易以上數篇概刪



御製訓飭士子文

康熙二十八年閏三月

國家建立學校原以興行教化作育人材典至渥也朕臨馭以來隆重師儒加意庠序近復慎簡學使釐剔弊端務期風教脩明賢才蔚起庶幾樸棫作人之意乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功源委有敘爾諸生幼聞庭訓長列宮牆朝夕誦讀寧無講究必也躬脩實踐砥礪廉隅敦孝弟以事親秉忠貞以

澂江府志

卷之十五

宸翰

二

立志窮經考義勿襍荒誕之談取友親師悉化僞盈之氣文章歸於醇雅毋事浮華軌度式於規繩最防蕩軼子衿佻達自昔所譏苟行止有虧雖讀書何益若夫宅心弗淑行己多愆或蜚語流言挾制官長或隱糧包訟出入公門或唆撥奸猾欺孤凌弱或招呼朋類結社要盟乃如之人名教不容鄉黨弗齒縱幸脫褫扑濫竊章縫反之於衷能無愧乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利



營私種種弊端深可痛恨且夫士子出身之始尤貴以正若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用加惠爾等故不禁反復惓惓茲訓言頒到爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志寧俟他求哉若乃視爲具文玩愒勿傲毀方躍冶暴棄自甘則是爾等冥頑無知不能率教也旣負栽培復甘咎戾王章具在朕亦不能爲爾

激江府志

卷之五

宸翰

三

等寬矣自茲以往內而國學外而直省鄉校凡學臣師長皆有司鐸之責者竝宜傳集諸生多方董勸以副朕懷否則職業弗脩咎亦難追勿謂朕言之不預也爾多士尙敬聽之哉

康熙五十年知府裴率度遵奉立石於明倫堂

御製訓飭士子文

乾隆五年冬月

士爲四民之首而太學者教化所先四方於是觀型焉比者聚生徒而教育之董以師儒舉古人之成法條規亦旣詳脩矣獨是科名聲利之習深入人心積重難返士之所



爲汲汲皇皇者惟是之求而未嘗有志于聖賢之道不知  
國家以經義取士使多士由聖賢之言體聖賢之心正欲  
使之爲聖賢之徒而豈徒沾沾焉文藝之末哉朱子同安  
縣諭學者云學以爲己今之世父所以詔其子兄所以勉  
其弟師所以教其弟子弟子之所以學舍科舉之業則無  
爲也使古人之學止于如此則凡可以得志于科舉斯已  
爾所以孜孜焉愛日不倦以至於死而後已者果何爲而  
然哉今之士惟不知此以爲苟足以應有司之求矣則無  
事汲汲爲也是以至于惰遊而不知反終身不能有志于

學而君子以爲非士之罪也使教素明于上而學素講于  
下則士者固將有以用其力而豈有不勉之患哉諸君果  
能致思于科舉之外而知古人之所以爲學則將有欲罷  
不能者矣觀朱子此言洵古今通患夫爲己二字乃入聖  
之門知爲己則所讀之書一一有益於身心而日用事物  
之間存養省察闇然自修世俗之紛華靡麗無足動念何  
患詞章聲譽之能奪志哉况卽爲科舉亦無碍于聖賢之  
學朱子云非是科舉累人人累科舉若高見遠識之士讀  
聖賢之書據吾所見爲文以應之得失置之度外雖日日



應舉亦不受也居今之世雖孔子復生也不免應舉然豈能累孔子耶朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用浮僞與時文等耳故學者莫先于辨志志于爲己者聖賢之徒也志于科名者世俗之陋也國家養育人材將用以致君澤民治國平天下而囿于積習不能奮然求志于聖賢豈不謬哉朕膺君師之任有厚望于諸生適讀朱子書見其言中切士習流弊故親切爲諸生言之俾司教者

澂江府志

卷之五

宸翰

五

知所以教而學者知所以學



諭祭文

明

維崇禎四年二月二十日皇帝遣雲南布政使司左布政  
蔡侃諭祭原任貴州貴陽府同知贈光祿卿楊以成曰惟  
爾經緯長才忠孝大節撫民慈惠兩任克著循良奉職精  
虔七載宏敷愷澤多方解霑烏之難竭力平水蘭之爭當  
逆酋未叛之初謀殷曲突及豺狼肆行之後守比睢陽詎  
變出不虞遂孤城被陷乃遣吏懷印因密書求援合豬塲  
而內攻搗巢有日約海洞爲外應滅寇可期竹筒一槭丹

澂江府志

卷之五

宸翰

六

心萬古豈料淵謀忽露以致罵賊隕身慷慨撻鋒壯懷竝  
天壤不朽從容就義烈志與日月爭光至一十五口之捐  
軀允數百餘年之正氣川嶽振色社稷式靈覽令子之陳  
情悲死忠之獨慘特隆祭典兼晉卿階錫以榮名營其兆  
域建祠傳芳于今古賜廕延世于河山英爽如存歆茲茂  
渥

本朝

維康熙四十年四月初二日

皇帝遣雲南分守永昌道布政使司參議陳良弼



諭祭一品夫人萬氏之靈曰朝廷宏錫類之恩典均存歿臣子著靖共之節榮被庭闈爾萬氏乃原任吏部左侍郎趙士麟之繼母爾子歷任有年勤勞厥職克承家訓宜賁彝章特頒諭祭以光泉壤爾靈不昧其歆承之

維康熙四十年四月初二日

皇帝遣雲南分守永昌道布政司叅議陳良弼

諭祭吏部左侍郎趙士麟之靈曰鞠躬盡瘁臣子之芳踪卹死報勤國家之盛典爾趙士麟性行純良才能稱職方冀遐齡忽聞長逝朕用憫焉特頒祭葬以慰幽魂嗚呼寵錫

澂江府志

卷之五

宸翰

七

重壚庶沐匪躬之報名垂信史聿昭不朽之榮爾如有知尙克歆享

維康熙五十七年八月十九日

皇帝遣雲南糧儲水利道按察使司副使張士伋

諭祭偏沅巡撫降二級加三級李發甲之靈曰鞠躬盡瘁臣子之芳踪賜卹報勤國家之盛典爾李發甲性行純良才能稱職服官年久素有勤勞方冀遐齡忽聞長逝朕用悼焉特頒祭葬以慰幽魂嗚呼寵錫重壚庶沐匪躬之報名垂信史聿昭不朽之榮爾如有知尙克歆享



御書

康熙年

御書百歲字賜吏部左侍郎趙士麟繼母萬氏建坊

康熙四十一年五月奉

旨賜巡視中城福建道監察御史臣李發甲

御筆唐詩一首獨坐幽篁裏彈琴復長嘯深林人不知明月

來相照

康熙五十三年

聖駕南巡左通政使除管天津河道臣李發甲迎

澱江府志

卷之五

宸翰

七

駕蒙

恩賜高松賦一本耕織圖一部

御書唐詩李嶠詠風字一幅解落三秋葉能開二月花過江

千尺浪入竹萬竿斜

御書扇一柄內律詩一首漁家在江口潮水入柴扉行客欲

投宿主人猶未歸竹深村路遠月出釣船稀遙見尋沙岸

春風動草衣今藏

賜書樓



奏疏

本朝

請改正衛所就近歸併疏

巡撫

王繼文

廣寧人

看得滇省衛所出地原與州縣錯雜相間軍民兩分徵輸各別自裁去衛所分歸州縣管轄軍民始獲歸一此因時之得宜者也惟是衛所田地人戶向來原係散寄於各州各縣境內在初行裁併之時不過以某衛某所應歸某州某縣取其地勢相連便行歸附此當日不得不然之勢今除歸併得當官民相安者無議外其有遠近相違統轄未

潞江府志

卷之十五

奏疏

八

便等屬未免以一縣之官而追呼數邑之外以一衛之軍而分隸數境之官以至此州納糧彼縣徵丁官苦於呼應不靈民困於奔走無日逋欠日多逃亾益衆兼有當日歸併之時冊內悞將荒熟互移彼此交錯者官民俱若未便再查不係衛所民間錢糧雖爲數無多向來徵解牽混者亦有數處俱當一併改正前撫臣石琳曾於康熙二十八年內亦經彙冊達部在案臣自莅任以來訪其民間利弊適據楚雄府申詳臣復與督臣通行徹底查酌茲據布政使于三賢儲糧道副使張仲信查明將前經達部者照前



開列前次未經查達今次確查得實者一例登明造具清冊詳請具

題更正前來臣復加詳核無異相應據實入告倘蒙

皇恩俯允改正丁糧如故而歸轄得宜將見小民出入皆有自得之安官吏徵輸更得統攝之便實為地方永遠之利也

請減屯糧疏

巡撫

石文晟

奉天人

題為密陳屯糧之重仰祈

激江府志

卷之十五

奏疏

九

睿裁以廣

皇仁事竊惟經

國必先裕課體野端在定民故正賦自貴充積而民瘼亦

當痼瘵臣本庸陋世受

國恩蒙

皇上曠典以郡守末吏不次優陞

特簡滇撫叨此邊疆重任敢不竭盡駑鈍以報

高厚故自莅任以來諮詢地方利弊體察吏治民生其閒之生聚殷繁安藝樂業熙熙皞皞如入時雍之世皆



皇上聖德滂流所致惟是猶有重困於民者不敢不以上聞也查滇省屯政因明初沐英世鎮雲南將帶來官兵分作十分以三分差操七分屯種卽以七分屯種之租以養三分操軍此卽古之寓兵於農原非上倉糧米可比迨我朝廷定鼎順治十六年關滇吳三桂遂將昔日之租改爲額徵之賦及後變亂之時固恤民艱任意坐派致使各軍紛紛逃竄因而遺累存丁典鬻賠累苦難殫述幸賴

皇上天威殄逆民得安全但浮糧過重仍困輸將計恢復之後自康熙二十一年至二十七年屯銀米穀等項歷年拖

澈江府志

卷之十五

奏疏

十

欠此非軍戶敢於頑抗亦非各官不善催科總糧額太重血比難完業於康熙二十八年內經前督臣范承勳署巡撫時特疏

題請分年帶徵隨蒙

皇上特頒

上諭朕念雲南百姓前曾供億王師繼又遷移叛屬家口運送勞瘁本年止賦輸將尙屬艱難復令帶徵逋租必致益滋困累著將歷年所欠屯賦銀七萬二千二百餘兩米麥等項十萬七百餘石盡行蠲免以示朕軫念民生至意欽



遵在案則彼時

題請帶徵早蒙

聖恩隆重悉荷蠲除是此項屯糧徒有重額之名竝無清完之實歷歷可考久在

皇上睿鑒中矣况各衛所久經裁歸有司是在前日猶存軍戶之名在今日則無軍民之別一切徭役自應一視同仁乃查通省民賦上則田糧最重者莫如河陽縣每畝八升一合八勺三抄其餘五六升以至四五合而止上則地稅最重者亦莫如河陽縣每畝五升九合二勺一抄其餘三

澂江府志

卷之十五

奏疏

七

四升以至二三合而止及查屯田每畝則有七斗二升六斗八升至一斗五六升不等夫軍民田地阡陌相連肥磽相若天時人事耕鑿播種亦無不同何至輕之屯額比至重之民賦尚有四五倍之數若較輕額則屯賦與民賦竟有十倍之重所以屯軍終歲勤動種收之穀不遑瞻顧父母妻子惟事納糧而究竟不能以一畝之出全完一畝之額故康熙二十八年臣叔石琳撫滇時曾於奉

旨編輯全書案內將此屯糧重困敘入瀝陳未經部覆而以



後督撫臣未敢復請者蓋以

國用浩繁豈容遽議輕徭况各省屯糧皆重猶不敢獨爲請減是以前撫臣王繼文不得已於康熙二十九年有屯荒減則貼墾之請也但江浙等省屯軍現今領運且有船隻行月漕截等項給贍旗省屯軍則無此項贍養兼之衛所旣裁軍卽是民則與別省迥異况此軍戶係沐氏帶來官弁竝非發遣有罪之軍所納正供似應與民一體矜恤臣於康熙二十二年守開化時早已深悉今撫茲土見烟竈相連林林總總生聚實繁大非昔日氣象此雖邇年以來

潑江府志

卷之十五

奏疏

三

前督撫臣撫綏之力實沐

皇上柔遠宏恩所致惟此一項因吳逆作亂時各軍多半逃竄殲逆之後前此逃丁或遭兵火或戀他鄉聞未回里以致遺糧賠累本以最重之糧又復包賠逃戶日復一日重復更重故於康熙二十八年以來仍舊歲歲不清每遇奏期各官俱愛功名竭蹶借墊者有之以欠捏完者有之一遇陞遷事故便束手無策百計哀求逢人募助洵不可悉數也臣自入境以來目覩荒蕪田地甚多百姓甚衆及抵任後批閱各屬詳驗報墾無幾隨行飭催旋據百姓紛紛



具呈述糧額過重無力開墾懇請

題減復批司道查詳所議僉同總欲爲民請

命臣思減賦薄稅非臣子所敢輕議祇因多寡之數甚是不  
伴苦樂之形異常各別今我

皇上恩同天地德邁唐虞頻年蠲賦不惜數千萬金是恭逢  
聖明在上今此民隱若不據實上達負百姓卽負我

皇上矣况滇省僻處遐方係外域觀瞻之地不得不冒昧陳  
情如荷

聖恩將此屯糧悉照河陽縣則例起科不特現在軍餘易於

激江府志

卷之十五

奏疏

三

輸納卽未墾荒產臣自鼓勵各官加意勸墾亦無有不踴  
躍樂墾者也仍將墾過數目隨卽具報按年科徵是減賦  
於今日安知不增賦於將來也理合恭疏

題請但發政施仁端望

皇上特霽洪恩臣何人斯敢以瀆

奏謹具密本如果芻蕘可采伏乞

皇上特頒

上諭或令臣等會查或

勅部臣議覆則九州四海無不頌



皇上端居深宮之中明見萬里之外其樂被

深仁厚澤於靡涯矣至此項額糧如邀

恩減而通省兵食或有不敷則現有本省折徵米麥等項  
可以仍徵本色撥給似可無厘

睿懷也再查

題奏事件如不應密而密者有干定例但此邊疆減糧重務  
相應密請

皇上睿裁字多逾格貼黃難盡可否允行伏乞

聖明全覽立賜

澂江府志

卷之十五

奏疏

十四

乾斷施行爲此具本謹密題請

旨

康熙三十四年五月初一日具題六月二十日大學士伊

桑阿阿蘭泰張玉書學士戴通阿赫禮齊稽顧藻徐嘉炎

張榕端以本拆啓奏奉

旨伊所奏本內止言屯田雲南省有官田公田馬場等項伊  
本內並未指明此等田地有無在所奏屯田之內又此等  
田賦若行減額照民田則例徵收雲南省應給兵糧可否  
足用爾等以此行文詢問石文晟令伊詳悉籌算明白具



文回覆欽此內閣照會巡撫作速查明具覆可也

澂江府志

卷之五 奏疏

十五



記

遷郡城記

明知府童璽

元以郡爲路澂江滇之東一路也我朝混一天下始易爲郡焉而簡命指揮使胡思領篆來視郡事於金蓮山頂前守王君彥修之溫君廉復遷於山之前嗣是來守者舉不利屢欲遷而未得其地歲丙子余以比部出守斯土初入境於肩輿中遠矚城之三里餘面崇巒疊翠綿互而來轟兀而起或偃臥而伏中環如半月外翼如蟬聯因訪征夫曰上爲陽浦山下卽普照寺余默然曰是可以遷郡矣旣

澂江府志

卷之五

記

夫

下車整理庶務之餘偕同寅夏君必用登陽浦山乃瞻前有點蒼如賓主對居南峙玉筍北縈華藏如拜如揖如迓如退與鄉官楊祐輩籌之曰善哉謀諸父老皆愕然聞有一二唯唯而退詢其故謂郡治屢遷民心怨違余以易寺爲郡材用不慮餽糧不需徒庸不計而胡不可眾又惑以寺有佛且古不宜變置余復慰諭之曰天地生育萬物祖宗勦業垂統聖人明道立教功莫大焉而崇報之所僅一壇廟而止佛卽有功莫有過於三者矧其說邪僻用之修齊治平無一可者故人當人居當廬書當火排之當急惟



恐緩而胡不可易耶於是駭者定疑者釋詢謀始僉同乃  
易佛像徙僧徒因仍其故址脩補其圯壞斯牧愛有堂帑  
錢有庫察案有廨吏胥有舍復移金蓮寺植爲儀門爲監  
房堂之後梯石數十層易觀音閣爲東山亭可以望雲物  
也堂之東鑿池引泉爲小西湖可以滌煩襟也規模遠邃  
制度宏壯無財力之擾樸斲之繁也無節稅之巧丹雘之  
華也旣遷之明年歲時豐和民安物阜或以爲兆遷郡之  
祥於不替民亦私相較議前之遷郡取諸州邑裹糗糧負  
楨幹肩摩相望至則丁丁焉斧斤役役焉版築勤勤焉歲

月噫民鼓舞倦矣今工必償值程不踰時而成功反多多  
益速郡之遷得其所哉旣而以郡地移學宮移郡堂爲明  
倫堂復築城垣券石門植樓櫓疏河隄千餘丈濬洪濤而  
北注之海取次而成子夏曰信而後勞其民柳子云德及  
故信孚信孚故人和人和斯可以興作今衆務畢舉民不  
告勞余之德未及信未孚而人和固如是耶是郡經營於  
丁丑秋八月落成於戊寅春三月董其工則經歷楊萬鎰  
照磨陳軌義官余陳昇李文聰白祐李綱亦皆有事於茲  
郡者是宜具顛末末鐫諸石正德十三年秋七月朔旦記



築府治城垣記

布政司 朱應登  
參政

正德己卯春三月澂江府童璽以狀授弟子生員張時舉  
李時新來謁曰澂江古羅閣甸也元以路名我朝混一區  
宇始更爲府焉歲丁丑璽以刑部郎中來守茲土顧府治  
居山之半先是守者相踵不利謀遷之未果璽至乃得請  
於諸當道始改遷之顧惟茲郡壤僻而山藪恆苦盜憂又  
密邇省會郭之不治將用以爲厲也乃相地定方乃計材  
程工乃揣度厚薄高卑而鬻舊治之隙畀之民得若干金  
爲堵五百丈焉乃節縮羨餘取贏逋積得若干金爲堵二

澂江府志

卷之十五

記

六

百丈焉乃募之士民之樂從者令自築之爲堵四百五十  
丈焉堵基以石上覆之瓦乃殖陶於郊伐石於山各因其  
近以便輸焉澂之軍民以千計月二簡練之至是則罷其  
操而俾之輸力以故民無感焉其木石瓦甃之材以數計  
之凡十萬七千有奇役入之力以工會之幾十萬而雉壘  
矗立障壙崇峙大體備矣門闢爲四東咸和南安阜西朝  
天北宣武各券以石樹之岑樓其安阜朝天則徙郡譙之  
植仍敵樓之舊棲其上焉經始於戊寅春之孟乘農之暇  
也落成於己卯春之季見事之同也是役也材有經而不



靡工有漸而不擾請爲記之非有其功也將以詔夫後之人以無隳前功也應登乃作而歎曰守之用心勤矣哉可謂不懈於位矣去年秋九月嘗按部澂江視其植幹之役羣趨而薨薨也衆和而登登也竊計其民則病矣徐察之則熙熙也愉愉也若無所事事也謂守能得民之用茲旣訖工所以述美而彰信者於余其何辭方今海內乂安縮甲不用諸所爲太守者以發財摘奸爲健羨以防患揀弊爲末圖本則顛矣語曰不植則僵不脩則壞禍患所從來久矣吏苟以習常蹈故爲安固不望其脩且植也卽脩矣

澂江府志

卷之十五

記

充

植矣而繼之者弛焉則僵與壞者不翹足可待耶守莅澂江旣二年其自奉甚約至於保障安養之政凡可以衛民者則甚急可謂知所本矣乃若扶僵於微杜患於漸獨非將來者之責與詩曰哲夫成城然則繼守而守者苟無隳於職雖百世可也斯記其前爲之慮乎城之役協謀者通判姓夏名釜餘姚人督事者經歷楊萬鎰射洪人照磨陳軌浦江人教諭楊祐義民蔣春耆老張佐皆以勞得次書於後

遷澂江府學宮記

通判晁必登



澂江儒學在金蓮山巔山去闔閭高數百尺觀覽者咸以爲非宜今守閩之連城童氏璽再徙郡治於郡東普照寺更念學宮當改圖遂卽舊治址建爲學宮運斧斤旌黜聖次第新之經始於正德戊寅冬落成於庚辰季春仍以舊學改前爲仰山書院後爲仰山祠以祀鄉賢名宦曩余謫倅茲郡今再臨府已易地學復改爲新厥觀焉守以記請余按元至元十九年夏四月命雲南諸路皆建學以祀先聖澂之有學始此我朝洪武十四年取雲南明年建置諸司設學校宣德庚戌學修於知府白永年輩正統七年又

澂江府志

卷之五

記

三

修於知府王彥至今復有茲役蓋自有學以來修者不數人乃知畱心教化者其亦相望希濶耶爲有司而不知崇學校以興教化是之謂俗吏守之所舉其賢於人遠矣嗚呼不以學校爲急務者有司之責也有學校而不能藏修以待用者非諸生之責乎凡學宮之修非直事粉飾以求美觀而已將以造就人材興道致治國家之所以立法有司之所以宣力胥不出此今日被其教育者必博學強記以盡致知窮理之功躬行實踐以求修身體道之效窮可以淑一鄉達可以兼善天下若羣居嬉戲德不加修學不



知講則非良有司脩學之意余之望於諸生者安在也記  
斯學也凡與有其責者庶幾有警於斯文正德十年夏四  
月朔旦

新建潯江府城記

布政 陳 善

司馬相如曰非常之原黎民懼焉及臻厥成天下晏如也  
余觀潯江之役益有驗於斯言云往隆慶四年夏內江劉  
公按莅此邦登臺眺望計無城郭太守徐侯進曰此方接  
壤賊藪環以諸彝頻年抄掠民鮮安枕四境內桴鼓相聞  
設險守邦誠不可緩侍御公躋之侯乃以城事請於是都

潯江府志

卷之十五

記

五

御史江陵陳公同侍御史檄三司諸大夫會議維時左使  
鄔公珽與衆謀曰在者安銓首禍遂破嵩明長驅無前震  
搖省會使州有堅城民當固守矣近如督府呂公旣城武  
定後有鳳賊之變城守頗堅賊勢遂靡聞其時省城皇皇  
危在旦暮也思患預防太守議良是乃命廣西守戴君時  
雍度地計費七千有奇具白兩院疏於朝下兵部覆議如  
都御史請制曰可九月臨元兵憲曾公一經往視廣狹謂  
徐侯曰建邦啓土將以安集元元然形勢不全民固攸賴  
盍慎圖之翼日請視舞鳳山曾公陟巘顧診凝佇久之謂



徐侯曰左右何山也曰東爲金蓮西爲玉筍曰靈秀鍾於此矣蓋是山馳奔雲壘互數千百里注首於此兩山環列中滙大江斯誠天設若有所待徐侯乃白侍御公曰人和爲上形勝次之大功肇建宜屈羣策余承公志乃約叅知莫公如善羅公元貞分巡僉憲蹇公來譽躬往視臨庶民子來千夫荷鍤驩欣趨事聲震原野諸大夫喜相賀曰舉大事者在順人心此可以覆侍御公矣先是兩院具疏以動鹽課羨餘爲請戶曹恐虧解額乃請旨奉勘曾公與侍御許公議曰戶曹所難者解額耳今解額如故城工聿興

澂江府志

卷之十五 記

三

亦當事者又安西南大計也七月侍御公將臨視之細民請張言人人殊少叅徐公中行蹇公來譽主持正議屹然不動侍御公至上新城據府堂諭衆曰辨物居方孰踰於此乃大書保釐堂三字懸於府治由是人心大定毋敢言不便矣乃使曲靖府同知朱瑤令各投牒按籍授廩先是言不便者從如流水侯乃於八月之吉肇建土城至十二月終訖工發治四門府縣公署儒學院道行臺次第落成民居相望百堵俱作蓋舉大功動大衆未有若此其速者也侯又以西浦龍泉源流浩大西民恆苦漂蕩東民不霑



餘澤乃導民開河引泉至城西北隅會東北龍女泉由東南入於海自是西民無水患東民資灌溉之利矣計用民三千人甫三日畢工惠利溥矣府居僻壤商貨不通侯於西城南門開小河通海子商貨自臨安來者舟行由江川海門橋直抵南門由是集商旅聚貨財民多稱便侯視國如家忠誠任事苟可利民不遺餘力民竭力從事亦如子弟之於父母故凡有興作咸不謀而自來也豈待發徵期會哉雖然侯爲民厚矣然非兩臺主議於上則謀不成謀不成則事不就乃今萬年之功成於一舉安宅之固人荷

澂江府志

卷之十五

記

三

平安長老子孫不騫不崩所以貽之者非淺鮮矣故曰必有非常之人然後能建非常之功其中丞公侍御公之謂乎記云有功德於民加地進秩又云法施於民則祀之中丞侍御與徐侯之施於民者如此雖百世祀可也

設三關哨兵記

知府王彥

古者關隘必置守吏兵衛所以防察奸細捍禦內外而濬禍亂於未形也其所繫甚重後世因之而不敢廢若居庸雁門潼關函谷之類是也他則山溪之險固人迹罕至盜賊恃以爲奸者天下之廣不啻百千億萬人固不能無憂



而無繫於成敗與亾古今史冊不載悉聽有司因時制宜設方略拒之故無守吏可也潑江府治直西有羅藏山重巒巒嶂千崖萬壑起伏傾側林箐深密南跨江川北抱陽宗連亙二百餘里路介其中東始河陽西入歸化二縣相去五十里無居民烟火元時土人僭稱梁王據山頂爲寨山口則壁立峭拔石徑險峻人馬踟躕趨步恐墜因號梁王關洪武大軍削平有司以其地設舖舍置司兵走檄名曰提古舖其後四方盜賊相聚隱伏其間日嘗出沒關之上下搶掠民財商賈無敢與敵者非經辰積旅腰弓挺刃

潑江府志

卷之十五

記

十五

不得度爲患最深議者多欲增置巡司哨兵六十餘年終未有能區畫者正統壬戌秋八月余領郡守職來知府事問民之弊莫甚於此於是召募附庸其有願爲關民者復其身樹藝衣食而不征得四十人又司兵五人總四十有五遂以舖爲中關東西二里各置一關如中關制是爲三關命醫學正科南海曹成祖河陽縣老人張三生楊春平楊政苗矣則李敬矣才張原等董治木石夫匠官爲積施粟羨餘以給廩餼工直總爲屋一百二十餘間募丁攜妻孥分居三關遇警則告或伏衆攻其後或要絕其去路所



獲盜贓量給捕者以旌其勞人各奮勇從先效技惟恐其弗至也由是盜賊知懼歛迹遁藏散處不敢復顧其地往來者前呼後應夜以繼日未嘗少絕雖寡妻隻夫攜挈老穉無驚怖其法之良無或議也今年春復貸近民之願趨事者五百餘丁自中關而下北抵竹園坡南至赤麥地各半舍許緣舊路斬荆棘鑿亂石使險者平高者下紆者直狹者廣月爲市者三今西關猴街子是也其視城郭通衢殆不能遠過尙何盜賊之足憂哉後之爲守爲令者倘能念勗始之艱保斯民如赤子無或傷殘則彼得仰事俯育

澂江府志

卷之十五 記

五

以遂其生而必效死弗去千百載之下尙亦有利焉又何必張官置吏假公營私以病吾民者哉大明正統十二年歲在丁卯夏四月六日

華藏寺瑤光臺碑記

楊于陞

澂郡山川甲滇南華藏秀麗稱最下有浦泉上極三清金蓮繞其左鳳翔翠竹峙其右襟帶撫仙近對玉筍遠曙孤山洋洋奇境也哉不佞戊辰行役浪遊有記今年季秋季郡伯緘書不佞云頃於華藏山麓闢一勝地三百年來人迹不到之處眞仙境也年丈素抱泉石之癖可不一觀加



以品題令山靈生色乎併寄玉拱二律讀之勃勃神遊此  
中矣會讞事復至激郡伯同王別駕景明府葉武魁攜不  
佞往遊往日見矗然一石插天羅近溪題特立二字不佞  
謂此題甚不肖像郡伯實獲我心將特立二字移之左隙  
地題插天石曰天削芙蓉入處署洞天初闢數武中巨石  
足有小石若撐持狀奇樹上覆前列樹左右二大株題曰  
玉拱岩玉筍前立若朝拱然新砌腰牆如帶如弓如琴樹  
蔭若疎若密又一石形類鍾乳一樹箕踞其上一綫之徑  
通西左堆石襍叢扳援而上名三生石數石爲几爲櫬可

激江府志

卷之十五 記

五

憑可坐稍下躡白雲梯梯自下復上中有一渠此桃花塢  
之下流也委委曲曲至錦雞岩岩名錦雞非自今日從來  
遠矣左轉右折稍西大絕壁五色光騰紺絳映日石列大  
屏帳頂上石液滴瀝三三兩兩可供餐服特構一亭曰飛  
液白練從天半飛落游觀者汜可小憇蓋不知其身之在  
洞天也又躡石梯三五步小小平原中列石桌四圍石櫬  
可坐可眠可歌可嘯壁上題三大字曰瑤光臺瑤光郡伯  
號云大都諸石透漏空曠非人力可成對玉筍猶爲端正  
下瞰浦泉勢若懸鏡郡伯集土人議竭力濬挑一資灌溉



一籍襟帶非遊觀覽勝之爲恣爾轉徑有石高三四處石  
几稱是又轉一小窩登愈高風雨不能爲之侵收斂閉藏  
之意居多上頭一石洞無斧鑿痕天然巧鑄玲瓏龕肖呂  
仙小像題來仙洞仙人杳矣胡爲乎來哉撫湖舊名撫仙  
此洞不當名來仙耶逼真逼真洞左上一武題大觀二字  
又上數武石几石桌非一處一奇最上有石曰人世丹邱  
語不虛耳四望郡城雉堞烟火雞鳴犬吠相聞而達平疇  
一派禾稼如雲折如東下數武石如碎磁樹如海榴花香  
撲鼻新植紫竹數竿是爲小會陀上有九級文峰品石疊

激江府志

卷之十五

記

七

浪諸石復折而東楝以梨果上苔蘚硃砂翡翠古色具備  
題以翠微深處溪以東徧列桃花題桃花塢宛然武陵春  
色至塢迴視洞上下諸勝面面如對此透彼控此開彼收  
互相對待良非偶然下此文昌宮牕牖八面軒豁右角怪  
石奇樹上爲木石居下爲西方覺路蜿蜒而東爲萬花谷  
學宮地脈實增之勝觀止此矣經始七月十九甫一月而  
落成郡鄉紳士民無小無大來遊來歌此舉不幾廢時妨  
務乎不佞以爲不然環溟處處彝夏襍居獨激無干戈擾  
攘之警有親賢樂利之休郡伯行所無事閭閻有生聚無



歎息漢詔下山東云庶民安其田里無愁苦歎息之聲與  
我共此者其良二千石乎先憂後樂郡伯良二千石家世  
謫仙苗裔到處吟詠足以發抒山水之趣夫廬山鄱湖郡  
伯生長其鄉視激纔拳石勺水拳石勺水與各山巨浸奚  
廣奚狹歐陽太守豫章人郡伯亦豫章人茲記或與許翁  
亭并垂不朽記成飛書報捷安奢授首薄薄內外邀聖天  
子燕喜受祉之樂樂事獨關激郡一隅已耶

新興先農氏祠碑記

御史陳表

求州之東古城在龍馬山麓麓有小山墳起平衍可築龍

激江府志

卷之十五

記

三

潭白山後作溪際洞而來抱山右繞而南注平疇連阡貫  
以溝洫近年以來旱澇蟲賊相繼爲災輸納告艱生聚日  
邁嘉靖二十二年癸卯居人張道正席瓊張道愷張雲鷗  
化孫裕馮昂等請諸求大夫三溪趙公曰正輩乃粒乃食  
神之是與罔知所自受災固宜而置神無所棄褻愈甚無  
乃不可乎今欲爲先農氏祠祀之報之所祈之竊不敢專焉  
者公曰旱乾水溢咎在守祭百種以報齊八蜡以記四方  
吾方有事於民庸若勑爲於是乎爲鄉會乃金乃貝乃穀  
各隨所便若醴聚然就木而材使土而陶鳩章程之爲祠



三閒以棲神前四閒爲門兩旁爲寢爲庖塑神農氏伯禹氏后稷氏三像嚴彩之立主香火者又有田以常住之經始於癸卯八月落成於甲辰正月自是神有依歆報有所矣乃往見草池子乞記草池子曰月令天子乘舟薦鮪於寢廟爲麥祈實命百縣雩祀百辟卿士有益於民者以祈穀實郊特牲曰天子大蜡八伊耆氏始爲蜡歲十二月合聚萬物而索饗之也又曰古之君子使之必報之迎貓爲其食田鼠迎虎爲其食田豕祭坊與水庸事也我太祖高皇帝有天下之初每春秋在都有社稷之享申飭各省郡

激江府志

卷之十五

記

五

縣以時舉行卽古天子百辟爲民祈實使之必報之意也休茲盛哉夫我國家重農豈翅在上者今五穀先農之祠在在有之田夫野老執楮而疇者肩摩陌上誠上之人爲之所三溪大夫在求先農事祈穀實今九載五耆來備百穀用登三徵重儲藩劄報完九收民賦百姓罔負所謂既蜡而收民息已旣蜡而君子不興工是故知所重則政有經焉歲登而愉速恍然若有神助焉耆爾輩亦知所以事神之本哉夫神農始爲耒耜教耕禹平水土暨種稷爲農官親穡三后殷民旣爲之祠像矣潔爾牲體存爾明禋脩



爾圮壤庸以祈諸神也爾股肱藝爾黍稷早完爾軍民儲喜慶爾父母庸以盡諸己也如是而神之賜多矣眉山蘇氏曰迎貓則爲貓尸迎虎則爲虎尸戲近乎優子貢又言一國皆若狂是故先自祈而後以祈之神先自盡而後求盡於神則不誣己不誣神夫不誣己者神存乎人在己者可必也不誣神者神存乎幽默在神者可必也或不可必也如將有年焉或歉焉吾知歸諸己吾非以盡歸諸神也吾又恐吾之弗誠且敬則智者以爲戲以爲狂吾懼焉方將自咎不暇也而又敢歸諸神嗚呼此爲記者之至願

澂江府志

卷之十五

記

三

新興城隍廟碑記

嶺峨周澄  
教諭人  
錦江

神有廟所以棲其靈而嚴其貌所以昭其貺而闡其休必其德被生民功施社稷能禦大災能捍大患然後推而立之嚴而祀之廟與時新享與世遠歷千載如一日豈偶然哉國朝稽古爲制懋隆祀典郡邑城隍在在有之歲時伏臘凡五祀焉皆以表其德而旌其功用是神受其靈民受其福至於今榮且盛也新興城隍廟去州治一舍許基址堂廡肇自皇明歷時既久傾墜圯靡前爲政者雖因時補葺然隘而不宏敞而不飾自太守江夏魏公來視篆之初



首謁神下竊謂有司之職不過事神治民而已今廟宇傾廢使不重而初之何以妥其靈而福其民乎於是捐俸出力鳩材募工堂寢撤而新之廊廡改而作之牌有額用有器繚以周垣築以正道轉朽敗爲堅完新鄙陋爲都美容像尊嚴丹碧照耀經始於己卯之秋落成於是冬之暮財非外取力不妨農而宏規偉觀視昔有加咸謂宜記以垂不朽余惟新興雖地不滿百里然川原廣遠人物阜繁以神之靈廟食於此吾知其曰民曰兵有事必禱有禱必應四時於是乎順序五穀於是乎豐登則神之功質之於人

澂江府志

卷之十五

記

三

爲無愧太守魏公又廉而公能而幹事神有齋沐之誠治民有孝弟之化麥兩岐歌五袴則守之功質於神爲無歉所謂陰陽表裏者此也吾今而後廟旣一新則知神有所依而靈有所聚兵民之繁出入瞻禮於以致如在之誠於以篤駿奔之敬雖曰視之無形聽之無聲然默佑於冥冥之中賜錫於昭昭之表則神之休澤不諂而自臻不媚而自洽矣詩曰神之格思不可度思矧可躬思用書此以爲

事神有勸

按舊志以下錯亂明代本朝不歸一類茲正之



江川關索嶺廟碑

王廷表

江川巡嶺有將軍關索廟圯甚嘉靖壬子兵備虹泉蔣公過而慨曰功禁不戢有功者之祠以報戢也若此其何以振之吾馭岡區振武合索舊軌而神也佐漢桑烈非可崇者乎命新之且益之中奉神后奉如氏左右繪布戰蹤祝以司之俯以享之多子等人莫不禮之厯礮如對鎧衝礎如聽驚觀采畫如飄幟覽燎架如慮茅鳴風如奔馬落葉如奔號鳥聲如伏起垣枝如槩操激江如砦滇址如營轟岳如汎遠卉如兵盱高岸則憶賈逵撫多移則想包順守

激江府志

卷之五

記

三

戍則感龐勛綠洞則怒黃賊皆忠赤之所奮索神之所幻動焉者也按關王二子長平與王喪於臨沮幼興卽索從諸葛亮南征亮由越嶲索何不與偕而自翔此地耶蓋與亮分往而會於南中耶康降都督李恢領交州刺史亦從亮按道向建寧追殺南人於盤江牂牁之間與亮聲相連索蓋同恢耶雍闓反於建寧恢建寧人今索廟在建寧路蓋其所擊者耶抑索父子威名蓋世說者畏其駐居者喜其來如入公山草木及靖州鑼灘耶代遠史湮莫可詳訂虹泉公新其廟而崇之大叅直齋汪公僉事明山歐公俾



碑記之索之功不泐矣虹泉公涖政清肅地靖人和虛衷  
謝施台輔之器其禮乎神者戢眾以忠國也卽神父子之  
心也濟濟僚部是慇是法將不戰而勝深有得於此神之  
助之永無不戢之禍矣

新興創建武侯祠碑記

御史 陳 表 郡人

此新興有武侯祠之始嘉靖庚申二月大夫滙東公具文  
請諸先巡按及泉王公曰武侯以王佐之才延炎劉正統  
以禽縱之威奠南邦於底定今祀典之有稽而廟貌之攸  
稱也況諸葛山在百里外則吾求郡固武侯恩威所及而

澂江府志

卷之五

記

三

廟祀闕焉何居及泉公可之併申達巡撫中丞虹泉蔣公  
乃市地郡墉之南約動公帑三十金不及則措之求地平  
曠沃衍量處公費後爲殿堂危楣巨櫺櫺櫺相承欒栱交  
結彩椽粉壁甃階疊道塑侯像其中羽筵綸巾臥龍在卽  
顏曰漢忠武侯祠春秋應祀有公辦粢牲式昭饗獻乃蘋  
蘩行潦旱溢災疫聽民時禱經始於辛酉五月落成於壬  
戌三月公不甚費民不告勞皆滙公措置有方非刑非斂  
乃採石龍馬山陰屬表記其巔末按丞相渡瀘方深入時  
賜金鐵鉞一曲蓋一羽葆鼓吹各一虎賁六十人以爲不



重其儀衛則不能攝祭天而攻蠻心時雍闓以永昌附吳  
建興三年由博南開蘭津率兵討闓所至克捷出越雋至  
白崖斬闓孟獲收闓餘眾相拒屢禽之大破之天威逕猶  
遣之獲止不去時四郡皆平改益州爲建寧分建寧之西  
永昌之東置雲南郡今據史志次第其所以服南中也譜  
次九隆世緒以爲甲門用其人爲渠帥圖畫山水而封建  
之凡九十餘部收其金銀鹽布氈罽以益軍儲使張伯岐  
選其勁卒以增武備不置官留守以有三不易也遂至滇  
池經畧遠邇以懷以柔夫求州北至昆明池程不半日南

澂江府志

卷之五

記

三

至諸葛山程不百里則求人在經畧懷柔不俟贅吻而辨  
而其懷恩畏威歷千百世猶一日侯曾作八務七戒六恐  
五懼皆有條章訓囑臣子初薨所在各求立廟後主不聽  
百姓祭之道陌上校尉習隆上表曰周人懷召伯之德甘  
棠爲之不伐越王思范蠡之功鑄金以存其像況亮勳蓋  
季氏而使百姓巷祭戎狄野祭非所以存德念也遂立廟  
夫當是時孟獲受御史中丞夷戎乃北奔成都號泣野祭  
況天威所臨深懷德惠之地乎固知求民之心卽當時奔  
成都野祭之心也昔武侯還師旣久營屯相謂曰若等諸



葛公遺民相率安營以生以長乃構侯祠事則致禱夫恩威者遍九十餘部皆通是故求民何異營屯之人而其心卽前日建廟致禱之心也我皇祖收滇置之禮樂教化幾二百年而武侯之功於今爲烈則侯名益重西南而彰於鼎峙是故求州今爲盛化黔黎享太平之福慨艱危之世遡懷柔之恩益重其思焉者盛衰相感也宋公劉裕修張良廟傅亮作教日子房道亞黃中昭隣殆庶叅軌伊望冠德如仁夫謂其風雲默感蔚爲帝師夷項定漢收拯橫流誠有之如仁者所以開漢霸殆庶則溢稱也子房比孔明

# 潞江府志

## 卷之五

記

三五

雖得便宜而勢有難易沛公天授與漢事旣去時又天淵而其神解淵籌自能動物開遠然人物正大出處明潔謂之三代遺才叅軌伊望也非耶匯公牧求幾六載爲政務存大體不作矯飾其創武侯祠順民心而已民心於武侯也大名遺像若日月亘天見卽瞻仰而匯公之心與廟俱存瞻武侯之像懷武侯之恩見匯公所立之廟懷匯公爲民之心後將有立祠以其懷武侯者分懷於公是故去後有思民情之真曠百世不渝求民於武侯是也故知民於匯公可以必去後之真矣公姓楊名杰四川舉人是爲記



遊撫仙湖孤山記

御史

王元翰

寧州人

孤山注一巒於銀鏡中或沉或浮乍明乍滅特焉而無與助者直指鄧壺邱公偶陟其巔嘆曰彼金焦安得獨美於長江乎遂更名環玉山賦長篇以紀之而山益重今秋余張帆三宿精舍見澄湖凝綠真與瀟湘鬪色而金蓮玉筍撫仙諸峯飛眠掩映繞碧呈黛始信環玉之名逼肖恍然此身如坐西湖南北兩高峯間少焉鐘動月上波光月彩自相摩盪則金紫閃爍狀不可名生平看月自洞庭秋霽

澱江府志

卷之五

記

三

以外此為大快吁佳哉然猶恨山巔固平平無奇也或曰茲山之勝不在頂而在麓於是晨興飲罷爰命小艇三繞山麓凡一水一石一壑無不領會森奇古怪都非塵世中品因謂游環玉者非破巨浪乘皎月周遭其麓不足以窮茲山之勝也他日誅茅容膝斯亦不佞投老之菟裘矣

始建路南州學宮記

學使

鄧元岳

福建人

高皇帝之平滇南也蓋實以重兵臨之於是草創未遑講馬上之業釁孽時作無歲而不屢王師經理既定始圖久



安之策郡縣碁置漸以俎豆代干戈久之瀕乃益治文風  
且振椎髻之民率襲冠裳登其賢能而賓興之一視中土  
翩翩乎明德遠矣而路南故隸澂江自成化閒始改設流  
官地絕僻什一依山箐而居閔不知學其穎者稍通章句  
籍博士往往寄他庠厥後益多道路跋涉諸生苦之而山  
箐之民亦竟不識衣冠作何狀則何繇顧化越人被髮視  
章甫猶弁髦何以故不習故也卽引而置之通邑大都文  
物從容有面赤而走耳萬歷丙申鐘君應麟來守是邦圖  
之三老咸以爲建學便上其議於視學使者兩臺疏請於

澂江府志

卷之十五 記

三

朝得報可越辛丑而竣役不佞受成焉凡所勦建者曰大  
成殿曰明倫堂皆五楹曰尊經閣曰敬一箴碑亭曰啓聖  
祠曰文昌祠曰鄉賢祠曰名宦祠皆三楹泮水戟門齋舍  
衙廡無不備具蔚然鉅麗之觀矣今守史君載德幸而語  
之曰是諸大夫之寵靈而載德藉手以告成事者也願使  
君勒石記之夫古造士之法則莫詳於成周考成周之所  
爲學者其名曰庠而釋之曰庠者養也養也者作其孝弟  
忠信之心銷其暴厲恣睢之習六禮三物皆此也辟如養  
木者然置之於深山大澤無斧斤之擾至於干霄以備明



堂之用此寧可以歲月冀效哉高皇帝養士二百餘年其  
法稟之成周而其大要乃在伸士之氣而培其節夫士之  
氣不扶則抑士之節不植則墮以廟堂之威欲行於縫掖  
之細何求而不得毋寧自屈而伸之凡以培倫常而明綱  
紀使之有所維持而不壞古聖王所爲久安長治之術其  
率用此邇者利孔旣開盡山澤而涸之卽學宮不免焉遂  
至右鹽鐵之利而左文學之說薄其所爲養者而重其所  
謂罰士者之氣節幾抑鬱而不得伸彼都人士且儼然依  
於夫子之教而凜然習於高皇帝之約束堅持其孝弟忠

信之心而盡絀其暴厲恣睢之氣夫以荒服反覆之國易  
動難安曩日金革所不能靡者而今以非道加之猶不易  
其素此無他教之所懷上之所作也史言文翁守蜀蜀地  
僻陋有蠻彝之風欲誘進之乃選郡縣小吏開敏者飭厲  
遣詣京師受業蜀人士化之比齊魯焉今士生右文之世  
不出戶而得師何論漢德故被服聖教則爲良士沐浴聖  
化則爲良臣毋自卑其氣毋自隳其節期以用夏變彝較  
然不負其所學則豈惟諸大夫藉以榮施不佞視學於此  
有厚幸矣鍾君內江人史君潛山人前後守澂江者王君



祿厚卽墨人陳君子侃休寧人皆與有勞者其經費則二  
刺史捐俸爲大役先而庶官羣弟子亦樂助其成云

路南州守題名記

知州 李敬可

周禮大司徒施教法於邦國使之各以教其所治民蓋重  
親民之任云自秦置守百世不易以至今日官有全減地  
有邊腹而品級無異焉國朝輿圖益廣視滇在萬里外路  
南又滇中一巖郡耳自漢唐以來爲建寧爲昆州天寶末  
爲落蒙所據元置萬戶府尋置州領邑市縣我朝因之宏  
治開始省縣入州二百年來大化雲烝人文苑起異省之

澂江府志

卷之十五 記

三九

民與土著編籍居半而溪洞山箐披纒衣皮無年甲書契  
刻木爲信庶幾標枝野鹿草纓艾服可治也茲茲土者蓋  
無難於御彝而破琢作奸畛畔爲寇兵燹之後軍饑稱難  
今上壬子不佞奉命來守茲土兢兢與民彝相安於無事  
而賦稅無幾經制有限歲時人事渾樸無文又相與遊於  
純菟之天至其剝竹山之寇障黑龍之潭建師儒之官甦  
里甲之疲又前諸君子所較著者不佞亦何所事事故相  
與守章程平政理耳職官舊無所考自元末及洪永開始  
列土知州名至成化開改流今紀其名籍亦自此始而得



失之林循否之辨鈴閣閭閻之間有非峴山龜龍之石所能悉者觀者惟命

濬路南黑龍潭水利記

知州 吳元孝

蓋水利之爲政治要也國賦民生實根本焉古昔名臣循吏靡不惟是爲務涇之三渠漳之十二渠尙矣其後倪以公脩治於六輔范文正濬築於廣陵信陽令有子貢坡之號胡襄守有如春陽之歌流澤無窮聲施後世豈偶然哉慨諸當年所爲慮始以臻厥成者相視營度功誠偉矣路南州界深阻山澤未闢水源出自黑龍潭而坡堰弗建蓄

濬江府志

卷之十五

記

甲

洩無備旱潦曾不得一勺之用自贈中大夫大叅鄒公莅茲土奉職循理以爲治百姓樂業訟獄平反他如增課解羨種種又其緒耳然於水利尤加之意爰築堰束水勢鑿渠數十里通水道由潭口抵大屯原隰幾千頃皆爲沃野無凶年州民粒食之休貽於萬世洋洋乎惠澤流傳與古爭烈而建祠崇祀俎豆無替視歌頌殆遠過之矣歲久陵谷遷徙渠漸闕而野幾涸夫亦川澤在前弗因之者之過也公聞孫今憲臺總滇臬平反無冤世德直與于門竝稱尤勤水道遺迹以光大先澤方元孝入境贊謁首舉以詢



時故拙劣未遑開濬蒙臬憲授以方略始知所嚮以從事爰循故道閱視實由谷口之衝水激沙崩此塞彼必決毋怪乎旋脩而旋湮也於是堅墊谷口增規橫石洒盪沙泥使不墮塞滿溝瀆中而後潰者築之闕者疏之渠復其故而沃野再覩於今日軍民之懽忻鼓舞戴德於憲臺者猶當日之戴德於贈公矣惟贈公經畫之遠猷憲臺繩武之極思精神潛孚而不隔故功烈經久而聿新路南億萬世之利孰非食鄒庭兩世之澤也哉祖孫濟美德業交輝寧啻李贄皇黃安陸已耶楊伯起之五代張子孺之七葉其

澂江府志

卷之五 記

聖

繩繩無多讓矣無煩公帑非餘澤之浸灌有以感動之烏能若是元孝下吏何敢以不文之辭爲揚厲幸附畚鍤之役而興仰止之思敢綴誌之其董督則本州吏目黃君應登實有勞動焉分脩則水利老人夏時泰王朝栗正芳也例得併書

重脩江川縣舊學記

少宰 包見捷 臨安人

江川縣重脩學宮告竟而李生綬以貢來臨安謁見捷爲記按李生言狀江川故學寄澂陽越九十餘里直指使劉公思問與邑大叅侯必登苦諸生跋涉且人文日盛特旨



建學卜地於邑治之西黃岡杜侯鳴陽當其事總率料理則學博馬龍彭君世年樞星去戟門五十步戟門內爲正殿傍爲兩廡後齋明倫堂左啓聖文學衙右文昌祠計年歲餘就工蓋事方草昧難一蹴盡美卽騰蛟起鳳幾二十年無勦者則他之缺略可知乙酉夏宜賓馬侯有慶下車視學顧而歎曰嗟乎合甲以學爲首務今若此謂博士諸生尙且堂濶而屢傾孰若稍改而永固乃捐金申請堅其基煥其舊兩齋之朽敗從而更新設飭垣堵與齋稱立禮門義路二楹與堂稱闢側路兩厦與殿稱左建騰蛟右建

澂江府志

卷之五

記

聖

起鳳與學稱開文昌祠門於學宮右竝儒學之列事竣不可無記記曰自秦鞅變古庠序與井田共廢後代有興有墮雖關氣運亦人事也江川有劉侯二公勦之於前而學校設有馬侯修之於後而制度增三公之惠諸生博士世世戴之矣顧開闢者侍御也增飾者有司也藏焉修焉息焉游焉惕然振奮求無愧聖人徒在諸子乎嘗覽星雲澄秀關嶺疊奇山川之靈毓爲人瑞則步武侯公者重道以崇儒嗣任焉侯者景行而興作庶幾一邑永有光哉侯庚午進士今轉南直隸通州守在邑多善政不具書蓋江川



良牧無竝者

江川海門橋記

失名

江川之南有海焉周圍凡百餘里瀟澄渺漭一碧無際海門其要津也南抵臨元北接瀕澗商旅之輻輳使節之交馳重譯貢篚之往來絡繹先後動以萬計嘗樹柱棧木布土爲梁以濟行者每歲霖潦漲溢輒爲洪濤所摧至冬復哀民脩之隨時補罅糜耗財力居行竝病焉景泰甲戌彭水張侯俊來宰是邑三年政通化行民用康阜爰謀以石

澗江府志

卷之十五

記

望

易木爲暫勞末逸之計首捐俸以倡遠近聞者舉欣然奔走相率出金助之由是鳩工募力輦石殺流甃垠岸以錮本址岫三洞以通舟楫橋之兩傍翼以石檻層級巖密華質得宜侯之用心亦勤矣是役也肇謨於天順庚辰春二月迨終十二月訖功望之若長虹截淵履之若巨鰲凌波雖濯錦之昇仙昆明之雲津殆不是過凡取道者不惟曠然四達無稽滯之患抑且夷然自安絕傾圯之虞莫不擊節鼓舞而相謂曰仁哉侯之惠利吾人也厚矣耆老李士輩嘉侯之功弗宜湮晦走郡庠請記其事以壽諸石惟橋



梁之脩以利民也而王政係焉然子產乘輿濟人固昧爲  
政之體周人十月成梁亦非經久之規君子所弗與也張  
侯下車以來孜孜焉奉揚天子休德以綏緝所部興利去  
害日夕究心觀是橋之成規制一新屹然鞏固其利澤之  
及人博且遠矣視彼緣木通便橋金沙以濟師功豈居其  
下哉遠近樂於趨命不迫而從知侯之興作志在利民也  
傳曰悅以先民民忘其勞張侯有焉是宜銘銘曰維昔海  
門梁木以濟波濤蕩決朝暮夕隙賢侯曰呼茲實要會矧  
茲輿梁王政攸棘曷若大舉易木以石募力於民衆力雲  
集輦石於山巨石山積程督劬勩及時奏績如躡垂虹如  
履平地觀者怡愕游者欣懌嗟侯之功永矢無歎

雄文閣記

黃以陞

激江府志

卷之十五

記

四

若夫岷源東去小孤峙彭澤之交鐵甕南蟠浮玉作東冷  
之渚吳楚於焉包束靈祥以之發敷江川孤山者俞元故  
郡碌異古城立於撫仙之湖早有海瀛之號激流萬頃光  
明影照夫眉毫怪石千層班駁文成乎脂粉蓬壺咫尺虹  
飛比鞭石之橋滄海芥鉞驪領得採珠之象黝洞則通天  
一綫燈穴如穿懸岩則突地孤梯羊腸莫擬伯昏無人之



據石伸足虛垂周王子晉之吹笙軒翔欲舉峻嶒發塔鈴  
韻和風縹緲珠林鍾聲過岸曩者乙丑之秋直指同李朱  
公肇興傑閣命曰雄文指點幽雲辨癡龍於洞府揮毫白  
石珍繡虎於雕垣而薪木毀傷曾未廿載墨客含悲於灌  
莽巢鳥攫食於伊蒲天佑斯文人能宏道則今學憲孝感  
魯公文旌至止品題助爾於江山孔鐸餘閒登眺喟然於  
興廢爰咨下吏式命鳩工陞自悔出山斂鳥終懷於林麓  
有慙越俎烹鮮亦聘於川原民樂而同樂偕春子來而成  
之不日繡闥與朱甍竝麗綺牕對藻井齊輝呼吸則帝座

潞江府志

卷之十五

記

五

可通盱衡則鮫宮環接秋冬不凋之木倚石骨以猗猗霞  
日相映之花照波心而蕩漾當開景韻祇合詞英自司馬  
長卿王子淵以下至王子充楊用脩輩若而人皆有事於  
滇地總不岐於今古春秋矜蠻文運日新漸逃墨而歸儒  
實古人以尙友然此聊紀山之奇勝猶未足乎水之大觀  
也爾其溯洄浩漾擊汰空明驚飛魚雁之鄉觸走魚龍之  
國微茫漁火入荻港以難尋款乃櫂歌出樹巔而乍響鄭  
交甫之解佩緣遇神妃張博望之乘槎源通織女若乃宿  
雲方霽暑雨初收鱗集百千恍鬪魚麗之陣羽羣喧噪莫



伸鷗侶之盟皓魄當空元彝罔擾挂席而拾海月扣舷而  
詠蒹葭水混太清比君山之一點樓明殘夜夢江上之數  
峰偃柯枰而忘歸坐釣磯而未曉斯亦擅遐陬之大觀備  
中區而曠覽者也嗟呼滕王屢葺黃鶴常存非仙迹之有  
靈卽文章之不墜金鰲巖巖如同煉石之能青雀踟蹰特  
賴迴瀾之陣未培風氣錫我士民系之銘曰澁澁仙湖香  
阜騰爽卷石巘岈聊供奇賞高構井幹平臨沆漭凌雲巍  
觀承露漢掌爰闢文壇先詰是安高則仰止下則觀瀾鯨  
揚斗星跳擲雙丸鍾靈絢彩百禩不刊

澂江府志

卷之十五

記

巽

重修府城隍廟碑

知府倪 霽 錢塘

余嘗讀韓文至柳州羅池碑云柳子神羅池歐陽翼見而  
拜之廟成過客李儀醉酒侮堂上得疾扶出門卽死余甚  
駭其涉怪也夫子不語怪力亂神而韓語之其信然乎或  
曰不然天祿青藜牛渚然犀章章史傳學者不以爲非子  
雖不語怪未嘗謂其無也但云敬鬼神而遠之可耳何可  
泥余曰若然則狄公花月之妖呂公南城老樹亦有據矣  
是則在古涉怪豈獨一柳哉我國朝之制自京都以至窮  
荒下邑莫不有城隍廟祀祀於一方厥職與守令等幽明



實相表裏無閒然也於凡民間災傷疾苦罔不赴訴以祈庇佑斯固神職不可得而辭也歲甲午春椽舍遭崇夜擲瓦礫居弗寧處乃爲文牒本府城隍次夕忽堂史魯楊生神憑大呼索斧自謂城隍遣牌頭趙世金捕楸精起搗衣努力揮斧斫堂前老楸樹俄頃伏地復蘇扣之莫知前所爲也自是遂不聞瓦礫聲余因神城隍之神而怪老楸之爲怪也柳子神羅池呂公識老樹其信有矣乎雖然易曰過化存神書曰至誠感神何怪之足語哉於是是一方感動居民胡英黃明德張志學輩首倡捐金葺新廟宇煥然改觀若赫始然意固良也激俗本恢抄一毛以利天下而不爲若英者幾百中一人耳故爲文以記之

西碧龍泉碑

董雲漢 郡人

激江府志

卷之十五 記

宅

吾郡附郭邑維河陽距治所十餘里乾隅經松枰西下而南雙壩高特題曰西泉勝境轉小石梁沿隄向龍岡少南祠曰西碧龍泉厥源左自本境羅藏山澗右則昆明之海寶山涯脈竇縈連至龍岡巨石巉巖下混混分注冽而寒合流於祠之前遷運南達於撫仙湖近者向東引之極於犂華魯溪諸邨營放於湖濱其利甚溥祀典具載每歲春



三月上巳日郡守率僚屬致祭諸邨營繼之因脩禊事壇  
墀松陰鬱鬱蒼蒼有浴沂風雩遺意迄於初夏相傳昔近  
邨楊鎮寧理岩下勸建祠四楹後其子堅移前數十武中  
設神像又前丈餘爲門屋傍列神馬及執轡者顧公祭畢  
燕休無所卽於神像之傍嘉靖癸卯春署郡事會省貳守  
李侯允簡首捐西市征稅堂食白金十有六兩擇委近邨  
民楊憲尹貴督建壽樂亭於祠左之後側爲庖所周以垣  
復楊之後一人司祠事縣令劉侯鼎亦量助贖金更募諸  
邨營建豐樂亭於祠右餘胥如左又建寢殿於祠後奉移

潑江府志

卷之十五 記

四六

神像虛其前爲堂壽樂亭後岩建小亭四尋向上去鑿磴  
盤旋而登至最高處岩石環抱直祠後俯視數十仞構亭  
曰高明凡湖山林野天光物華舉在目前祠前中流疊土  
石爲臺構三亭其上曰觀瀾宗瀛會澤其脩禊所爲垣以  
障之惟是土木之功必資脩葺辛酉春尹貴等白於郡邑  
爰稽沾利諸邨營酌其多寡使分任其責伐石爲碑以刻  
之庶垂永久以漢與聞其設請爲記惟茲實爲報本矧便  
我公私自今始事及嗣脩葺者尙勉殫心力共圖堅久毋  
苟且虛應以自遺累舊名西浦龍泉考浦之義不甚協維



石巖巖民具爾瞻更曰西巖龍泉斯允稱云

鳳翔寺碑

布政郭斗

澠江太守鹿塘徐公守澠之明年爲隆慶庚午爰因府治  
阨隘不足爲黎庶所止且無城郭以防兵患公甚憂之爲  
之度地旣得舞鳳山之陽改府治築新城有大偉緒於民  
方伯錢塘敬亭陳公常爲文勒石記之矣越明年爲萬曆  
改元之初公謂聖壽令節鉅禮也祝延習儀重事也不可  
緩圖復謀諸士民得地於舞鳳山麓東峙金蓮西排玉筍  
仙湖當其面羅藏山奠其北去城半里許其風氣藏萃可

澠江府志

卷之十五 記

完

寺以祝乃命之曰鳳翔卽舞鳳山之名取爲聖世靈瑞禎  
祥之兆也公於是捐俸薪百餘金伐石構材鳩工募力以  
經理之適侍御安肅保字許公代至重其事捐贖百五十  
金夫千餘役助之郡中士民及耆庶尙義者亦各捐己貲  
以給工費乃建茲寺於舞鳳半山之址外爲福地洞天坊  
一座歷阪而上僅百餘武又爲鳳翔寺坊一座次作大門  
三楹於坊北門內有池池上有橋皆甃石爲之上引山泉  
注之池內汨汨可愛溢則引至山下灌漑田畝橋左稍北  
爲伽藍殿三楹右稍北爲土地祠三楹次則二門三楹肖



以天王四大像當中建正殿三楹覆以重楹高三丈五尺有奇廣倍之爲祝延習儀之所左爲經堂三楹右爲齋堂三楹兩廊各十二楹肖羅漢像百二十於其中經堂之左爲更衣廳三楹俯瞰仙湖烟波浩渺一望無際亦寺中之奇觀也後爲寢室三楹住持居之堂右爲僧綱司一區厥制如左由殿後歷階而上可丈許前爲雨露臺上建玉皇閣三楹左右翼以元天觀文昌宮階之東稍南爲二天祠巡按保宇許公方伯敬亭陳公遷移建築二公之功居多祀之所以報德也至於庖廚寢室靡一弗備厥材孔良厥

制惟精咸公指授且不費民財不勞民力而事無不舉亦既美輪奐壯觀瞻矣寺既訖工乃介董生惇楊生道惇何文於昆明麓池郭子用記歲月以郭子知公之素也顧余寡陋曷能爲公記夫君子爲政其大不過尊主庇民而已然非豪傑之材莫能樹非常之勳猷而留不朽之事業潞江雖非鉅郡然邇年以來民庶漸繁人文日盛亦省南名邦也苦無城郭久矣人皆以爲難舉無能任者公力成之既成矣民且有寧居矣事君其可怠乎茲寺之不可已也公亟圖之郭子曰建寺祝延尊主也見公之忠焉築城備



寇庇民也見公之仁焉第城工大而難成寺工小而易就先其大且難者後其小且易者其序則然也斯不足見公之智乎忠仁且智非賢弗能矣傳曰人有不爲也而後可以有爲余觀於公持慎之心言若不出諸口而其撝謙之德體若不勝夫衣至於臨大事決大疑成大功則毅然自決斷然必行有人所不能爲者而獨爲之茲城與寺二公所由成也雖然公之美政其澤被澂江者未易殫述如興學校以崇儒分課會以作士導河泉以通水利改道路以便往來通商賈以積財貨省刑薄斂約己愛民端習尙正

澂江府志

卷之十五

記

五

風俗謹禮節禁游惰殫厥心思旣勤且勞公之爲政可知矣獨茲寺乎哉舉此一端見公之識其重耳未足以盡公也然已能樹非常之勳猷畱不朽之事業矣公眞豪傑也哉

華藏寺三清閣碑記

兵備道 楊應霈

閣在華藏山之巔山山門百盤而上則林木蔥菁怪石嶙峋捫蘿躡躡攀躑夫弄雲振衣之鄉至則金碧輝煌楹廊丹牖徒倚久之飄飄乎如遺世獨立羽化而登仙不覺形諸歎曰美哉歷歷乎茲全澂之大觀也顧謂楊侯曰君其



收峴山之樂步廬陵之塵而爲此者乎侯曰否吾不盡爲是於是二人相顧而笑曰否否吾知其不爲是也蓋民情之隱伏無盡故寒暑燥溼剛柔輕重遲速器械衣服五味奸尙縷縷乎異故古之王者必於省方觀民乎重之若目不睹閭閻之隱身不遊疆里之外卽有隱伏何以歷覽而周知陟斯巔也登斯閣也則晴川如掌仙湖若鏡卽田疇卽水利卽部落卽郊壘卽風土好尙靡弗一一觸目昭然大觀於是觀檣帆之往來而有通商惠賈之思觀田疇之豐歉而有興發補助之思觀邨落之星散而有萃渙離合

澂江府志

卷之十五 記

五

之思觀水滂之頻仍而有鑿山濬海之思觀郊壘之多事而有慎埃警斥之思觀彈丸黑子之地而有拊循節愛之思然則茲土也何可無此觀也茲觀也何可無此閣也若夫騷人墨卿之解帶畱衣嘲風弄月幽人之滄霞茹芝抱膝長吟流連光景之細又其後者矣直指鄧公登眺觀覽聞更籍籍稱賢侯不休謂凡物不足以講大事則不可舉是閣也於祀神之中寓勤民之意侯以宣洩民隱爲心又以宵旰求理之心爲心故輸力輸財輸木石不閱月而成可以觀政矣一詩守巡若劉李二使君罔弗首肯夫一閣



也直指賢之兩道嘉與之士若民爭趨之然則侯其賢矣  
哉此閣此觀不且竝存不朽也哉於是書之以俟後之遊  
豫者

東照寺碑記

羅萬全 郡人

佛教自漢明以來崇奉日盛諸大名山不乏殊勝道場乃  
實考最上一乘事不易多得豈非勝地之興必有待耶高  
岡匪鳳亦只岑阿碧潭無龍不過恆水假令名山未遇大  
士輩現化顯揚至今亦豐草長林耳何以與化城鷲嶺竝  
傳不朽耶吾澂瑞野張太翁應宰官身悟般若性倦還之

澂江府志

卷之十五

記

五

後掬水聞香闢招提於舊治東麓之下名曰東照稱靈隱  
焉而少府午岳翁及其孺人具大善根同圓種性純孝所  
發繼若翁之志而益擴充光大之一時信心前後人如出  
一轍率能咸供高人住錫而寺傳焉由萬曆辛卯春初以  
迄於今開剏旣久僧老松蒼時上首知識儒剛海嵩等欲  
勒銘以述前因請筆於余余歎曰不朽哉諸上善人之功  
行也則亦不朽哉張公世嗣之功德也昔文殊語維摩以  
無有文字乃爲眞入法門諸上人精練五空而求余以文  
不亦過乎比丘曰三乘無盡一指有餘文字無邊心法不



異願進大衆而偈之可乎余曰然夫今日之記記常住也若能知真常不常真住非住卽山河大地亦等之露雨虛花然非所論於現前實際也曷觀檀越乎一念善捨而壽苟福澤蘭玉森森引而不替脩有爲法之報如是則脩無爲法之報豈僅復如是惟常懷先德心燈默照將世世生共遊和合海而善事日益增長矣

西巖龍泉碑記

本朝知府 楊應策

順治己丑春余守潯江見環潯皆山滄泓注海時流明秀固人文之所烝變也迄乎暮春大雨時行淵水泛溢東西

潯江府志

卷之十五 記

五

浦民高告旱而低告冲請致祭於西浦龍泉廟及至而廟貌傾圮神像淋漓董先正紀牒罕有存者惟龜形載紋石若堆螺髻於其上濁泉通昆明池清泉本羅藏山左右映帶流一里許合而汪洋散布灌溉潯郡田疇千萬畝計是泉之有大造於西也國計民生實嘉賴之豈但爲遊地而聽其走沙塞路潰浪冲隄人迹罕至可乎溝洫未盡其力泉湧而潰東道之不通稼禾受之而反罹其害則疏濬隄防敬鬼神而務民義志烏容已或曰戎馬倥偬時拙舉盈非策也夫國之大事在農古昔神農氏爲民立命姚姒曰



一民飢我飢之也崇伯子灑沈澹災穰播樹藝立萬世生  
民之極詩曰粒我烝民莫匪爾極邠風七月惓惓農事孟  
叟告滕經畫於溝塗封殖之界非以爲國根本惟在是哉  
越明年庚寅政通民和調繁曲靖激人借寇將有事於西  
疇而濬川鼎廟力不從心寤寐展轉適元戎周公撫景興  
懷捐金首事譬平地一簣乎雖冰署蕭然苟有利於民社  
吾何愛於髮膚相與縉紳長者豆區釜筐委照廳趙時學  
勤其事因頽基而壁瓦棟宇一從新葺裝嚴肅雍堂堂如  
在又於祠前建三楹塑白衣大士於中設大門三楹題額

濬江府志

卷之五 記

五五

曰廣派庵右開甬道以曲徑通幽處豎庭三楹爲謁廟而  
更衣履祭畢而飲神餘左三楹僧房行廚在焉余守濬二  
年餘秋歛則罄折事神使濬民貼席春耕則日乘馬視築  
東西兩壩行水利道勞不肩輿暑不張蓋而盡力乎溝洫  
後之君子因流遡源毋壅毋潰其與我同志與若日取清  
濁而歌滄浪但以臨流興羨適觀而已非志也亦非記意  
也

重建濬江府明倫堂記

知府章爾佩



元史稱雲南不知尊孔子以王逸少爲先師至張立道任  
勸農使始立學建孔子廟此說也余嘗疑之孔子之教自  
漢高帝具太平奉祠天下已翕然向風迨武帝尤好儒術  
而瀕於此時正通中國其後王阜守益州郡以建學致白  
烏之祥晉宋之間雖治亂相仍尙設官奉正朔學校之制  
常不謬於一統主右軍生東晉蹤迹不出江左何至滇之  
入舍孔子而尊師之此不待辨而知其誣也激江漢俞元  
縣縣人李恢以郡貢入事先主擢庠降督從忠武侯討孟  
獲有功封興亭侯爲漢忠臣至元時段文瑞以孝稱後人

激江府志

卷之十五

記

五

追配李恢爲建忠孝坊巋然尙存焉夫五倫首忠孝而激  
江兩有傳人其被服於孔子之教可謂深且厚矣明三百  
年文教益盛府治舊倚金蓮山學宮據其北嶼嘉靖中改  
城羅藏山下別置縣庠於城府學仍其故地鼎革之變明  
倫堂爲駐弁所燬久未更建原武婁公甫倅是郡慨然捐  
俸率郡人士共治之方今天下太平滇初韜兵革復置博  
士員自舉制科以來激之登賢書者五成進士者一人文  
化成有開必先婁公之功將與王阜張立道等堂成廣文  
邇然張君請爲文以記余以爲公從事於明倫推其意固



欲使激之人講明君臣父子夫婦長幼朋友之道以實求  
不當徒以文應也余忝共事其可無以廣之於是爲作五  
箴遺張君以訓多士其一箴曰屬毛離裏初本一身婚姻  
仕宦旣長益分甘旨不脩溫清罔聞疾痛疴癢遂若路人  
讀書知禮僅習虛文先意承志此道久淪有覲面目匪獸  
伊禽我聞百善惟孝最尊勗哉激士父子有親其二箴曰  
古稱效忠豈惟納陛以身事人心當罔貳內不避勞外匪  
邀譽天顏咫尺萬里奚異直道而仕勿合遽去雖在林泉  
先求厥志勗哉激士君臣有義其三箴曰房闈旣親易生

激江府志

卷之十五

記

五

媿褻防閑倘踰流弊遂烈識梁在春舉卻自饒敬爲德基  
雖近罔越睢鳩定偶遊不相狎豈伊斯人視鳩猶劣勗哉  
激士夫婦有別其四箴曰父子最親次惟兄弟骨肉苟疎  
他將奚取徒爲大言民胞物與自利自私爭凌日起鬪牆  
成風紛臂奪取古鑿斯弊爰制典禮承箕及袂操杖納履  
文煩無殺用維人紀勗哉激士長幼有序其五箴曰經亦  
有言氣求聲應金燉愈純玉琢斯瑩凡百取友用長學問  
勿以僞交始美終吝饌候巨卿醇誇公瑾久遠靡渝前規  
堪鏡勗哉激士朋友有信



陽宗周令川記

章爾佩

陽宗黑子小邑轄兩鄉上鄉附城南枕明湖下鄉名炒甸  
繞山數十里無灌溉之利歲數旱五穀罔播矧有獲令尹  
潞河周君進父老而謂曰點畫造於聖人物所稱名禎咎  
分焉天比不雨而甸更以炒名宜其乾矣說文水流通爲  
川蓋名以川然甸實無川也君行山麓見草際有水涓涓  
沒根節則又謂父老曰刺刀得井卓錫湧泉專一所至鬼  
神應之况令爲斯民請命草際有水實告以端其奈何不  
具畚鍤從事於是以雞豚祀神訊吉啓土一時聽者咸竊

激江府志

卷之十五

記

五

笑甸苦旱且十年苟有水奚待今日難重違令言強從事  
然私計爲必不得徒勞民耳稍入水出石齒間如珠旣而  
泛溢掘之數尺浮出成渠引而行依山入明湖灌溉之利  
舉上下鄉諸邨俱受焉是年大穰問之竊笑者咸歌舞相  
慶謂非吾令不及此周君遂不居歸之於神復爲祠祠神  
逾年堂廡備適余北迎節度使過甸廣文武君述其事且  
請文以記余應之曰是陽民之遭也苟無水焉有歲苟無  
歲焉有民今得周君而正名以回天行野以度地致禱以  
格神信令以動衆枯焦之畝變而爲膏腴之坵矣抑不特



此也肇功以識立功以斷居功以讓失一於此不足以集  
事君此舉三善備焉事成民受其利神受其享而謂君可  
忘乎白公鄭國濬渠卽以名其渠諸葛君築堰卽以名其  
堰示不忘也茲甸名川而川未有名曷卽以君名之武君  
曰善爰礪石而題曰周令川云

新建河陽縣儒學尊經閣記

趙士麟

經者何易詩書春秋是也尊者何六經之書先聖所以明  
天道正人倫致治之成法也其文自堯舜歷夏商周之季  
興衰治亂成敗之迹揅弊通變因時損益之理皆煥然可

潁江府志

卷之十五

記

五

考包舉天地之大文章象器幽明之故死生終始之變莫  
不詳喻曲譬較然而數一一天無言經卽天言也天無教  
經卽天之教也後世帝王無不稟而承之以出治人臣無  
不奉而法之以事君賢人君子學士大夫無不資之以窮  
理盡性至命故尊之也自秦焚詩書坑儒士六籍殘缺漢  
儒收拾補綴至建元之間文辭粲如若賈誼董仲舒司馬  
遷相如揚雄之徒繼武而出雄文大筆馳騁古今沛然如  
決江漢浩無津涯後雖有作者未能涉其流波也然賈誼  
明申韓仲舒陳災異馬遷之宏肆相如之浮侈皆未足與



議惟楊雄庶幾近似然去道也遠至於唐文籍之備蓋十  
百前古韓柳輩出咸以古文名天下然其論著不詭於聖  
人蓋寡矣自漢迄唐千餘歲而士之名能文者無過是數  
人及考其所至卒未能倡明道學而窺聖人闕奧因以歎  
唐虞之世六籍未具士於斯時非有誦記操筆綴文然後  
爲學也而其蘊道懷德優入聖賢之域者何多耶其達而  
位乎上則昌言嘉謨足以亮天工而成大業雖窮困在下  
而潛德隱行猶足以經世勵俗其芳猷美績又何其章章  
也孔子曰我非多學而識之予一以貫之孟子曰博學而

激江府志

卷之十五

記

卒

詳說之將以反說約也曰一貫曰反約豈非六經大旨哉  
至宋周程張朱諸大儒明於斯道乃取詩書易禮春秋而  
闡明之若揭日月於中天庠序育才師儒講學一以貫之  
我

國家肇造頒六經於學宮明一經者皆得與於明經鄉會之  
試登進而用之

皇上崇儒重道細旃之上於六經四子之書日有講著有義  
頒行天下兼

賜內外諸大臣故文治之盛莫加焉乙卯歲從督撫之請於



滇各學添設訓導十一員河陽新授朱君諱潤遠而分訓焉  
澁之府廳縣公及紳士同捐建造尊經閣於縣學學宮以崇文教以席師儒以授生徒焉此盛世之休風也朱君不憚萬里遙具函道故而請余記余嘉乃事為紀歲月如此

重脩河陽書院碑記

知府 柳正芳

學校之興於今為盛

聖天子加意於上

各上憲作養於下國學而外義學之設徧都邑焉可謂盛

澁江府志

卷之十五

記

李

矣丁酉春余來守是邦莅任之初不遑兼及迨簿書暇而詢郡制始知澁郡義學久設於縣學之故宮因親往覘之見其殿廡傾頽門垣殘缺殊非樂羣敬業之所爰是思有以整飭之捐俸之外郡中一二梗化者薄罰佐其不逮若殿若廡若門若垣牖頽者新之缺者補之不事華美務求堅固脩之於外而風雨攸除鳥鼠攸去者斯固守土之事也脩之於內而仁為安宅義為正路此又爾諸生之責也

正殿奉

蒼頡夫子顏曰史皇殿署其二門曰河陽書院延師課讀其



中以爲成人小子藏脩發祥之地不亦偉與至若踵事增華端又有望於後之君子是爲記

新興新德橋碑記

吏科掌印給事中 管 灝 郡人

永州距城之二十里許其西北隅爲關嶺隘口上通省會取道刺桐鐵爐兩關夾岸崇山蜿蜒下伏龍湫沙漬匯爲河流奔注求原入大河同逝其初渡者由梅園兩莊聯絡數屯而前衛屯於渡最近先是架木爲橋飄搖漶漫有衛之衿士耆民諗於衆曰我等遭逢

堯舜聖主鼓腹含哺得享昇平又值廉能太守與民休息拊

澂江府志

卷之十五 記

三

循備至如建學脩城諸大事且不憚力以垂永久今東渡之流每陰霖冲漲鮮不病涉盍勿新易略行俾永固無虞以長我子孫其盛舉也衆曰唯唯爰是請諸太守太守曰善亟闢厥成余分俸助且將踏焉遂爾蠶屯蟻聚竝役捐金卜於庚寅之秋杪昇石購材築以崇隄橫以巨木覆以廣廈施以稜版三閱月而落成焉維時衿士里民競相色喜思以名斯橋記斯役往詢於余余曰噫嘻除道成梁載諸夏令諸君此舉亦食德扞誠潤色牧圉之一事也從此河舊而橋新人舊而德新矣其以新德爲斯橋顏額乎且



於東則面映龍馬於西則直通鐘鼓於北則上沂玉龍而於南則又旁繞龍池其閒隄柳拖烟野芳含露絃誦萬家綠野千疇悉有炳蔚日新之盛而革故趨新敦詩說禮以躋於人文之彬郁則於聯絡斯橋之各屯尤願循名務實焉至若滌水無憂行人爲便則自昆陽易門以達池西咸資利濟又不止求州之西北隅稱快也余故嘉其績樂其成遂不揣無文濡筆而爲之記

重建新興州文廟碑記

雲貴總督

郭 琛

雲南鹽院

吳存禮

潯江府志

卷之十五 記

三

國家覆載生成無遠弗屆而文治之盛亦振古所未有蓋由皇上重道崇儒右文興學揮

宸翰以飭士子廣解額以育人才山陬海澨之鄉莫非禮樂詩書之習道德一風俗同易所謂觀乎人文以化成天下也滇南古百濮之地載在周書自漢迄明漸入中國其地在五溪銅柱而外民彝裸處去鄒魯中原文獻之邦萬里而遙先王之春誦夏絃黨庠術序所以化濡而甄陶之者僅矣今者

聖人御宇漸仁摩義滇雖遠時在



宸慮几席間而山水文章交光互映金馬碧雞之秀昆池洱  
海之奇亦遂吐露英華宣揚精采益煥發其巉巖清削之  
氣故兩地人士皆彬彬然質有其文新興州舊有州學以  
歷歲既久荒蕪不治州中管若梁先生名灝與州守任君  
名中宜慨然念之以爲學校者人材所自出也古者政治  
之盛衰視學校之興廢學校興則化導之功作於上而師  
儒之教行學校廢則人材之心渙於下而師儒之教熄因  
倡始與闔州紳士更卜爽塏捐資重搆鳩工集事一切維  
新材木瓦甍之類取其堅丹黃黼黻之功取其樸有正殿

澂江府志

卷之十五

記

畝

有兩廡有別宮以崇

啓聖之祀有明倫堂爲敬業之所其他魁星閣文昌宮桂香  
殿以次就理者率皆備美輪奐會余兩人奉

天子命同事茲土來謁文爲記維學校之由來舊矣今天下  
九州四海莫不有學然而得其貌未得其心慕其名不圖  
其實爲師者旣以勸導爲官守之文而弟子所習亦惟咕  
嗶是務聲利是趨口耳是謀辭章是逞先王道德仁義之  
教其有存焉者乎夫學者所以學爲忠臣學爲孝子學爲  
正人君子義夫烈士也必也格致以啓其源誠正以殫其



力脩身齊家以考其實安邦定國以達其才而後所以爲  
學者乃可得而言也漢武侯有曰澹泊可以明志寧靜足  
以致遠夫澹泊寧靜聖賢爲學之本也誠得其意以求聖  
學鐘鼓在前簋簠在列躁心平於氣釋焉

至聖在上羣賢在下如見申申天天之容如聞金石絲竹之  
聲去浮慕之意而進於深醇化驕亢之情而造於誠篤返  
躬克己砥節立名他日用於

國家爲古今樹倫紀爲宇宙荷綱常爲

先聖先賢續濂洛關閩之緒爲千秋萬世謹廉恥禮義之防

澂江府志

卷之十五

記

五

多士其互相砥礪交勉於成使天下謂滇土之人才與鄒  
魯不相上下微特山川生色桑梓與榮卽余兩人亦得藉  
手以報

聖天子之不顯休命矣是爲記

府城育嬰堂碑記

知縣

翟枚吉

育嬰堂之制建自京師邇者周都臺復請通行各省滇  
之會城建此久矣而澂陽獨無有余宰是邦嘗欲度地而  
建之而洪生于天及郡邑紳士等適以募建茲堂謁余文  
爲引余喜而序之佐以薄俸相與經營於城之西北隅構



堂三楹兩廡各三楹房室庖廚具備洪子復入田畝爲僮  
養乳母衣食薪水之用事既竣復請余文勒諸石余惟書  
言保赤詩悲鬻子宜聖志存懷少曾氏傳及恤孤典籍所  
載不可勝數茲

聖天子加惠元元恩及孤幼澤至厚矣爲臣民者可不仰體  
其意歎嗟乎天下無不慈之父母父母生子女至不能自  
爲存恤大可悲矣復無有人爲之歿存乳哺至於委棄而  
不惜其爲可悲抑又甚矣夫人生天地之中皆同體也已  
有子女幸能保育無恙而視他人之子女顛連無告者曾

澂江府志

卷之十五 記

奕

不思所以維持而調護豈仁人之心哉士君子立心每期  
於物有濟若育嬰堂之設其於造物好生之意

聖朝仁厚之澤豈曰無補夫福田利益之說儒者所不道然  
茲堂成而後之人更能廣其居充其食以行諸久遠則育  
於斯長於斯者其利賴也多矣雖數椽之宇何啻千閒之  
廣廈乎雖數石之粟何啻衆子之慈母乎余嘉洪子等之  
成是舉也樂爲之記且以勸夫後之樂善好義者

重建聯玉橋碑記

進士 謝 儼

距郡城十五里玉笥山北有溪水上總諸壑下匯仙湖冬



春水涸可褰裳而涉矣夏秋則洪濤怒溢激石摧山畏途者臨流而返急趨者隨波而溺行者苦之康熙二十一年善士劉廷富捐資倡建木橋行人利賴十有餘年其如年遠易朽木久則腐不旋踵而劉老之苦心付之烏有矣茲邑侯翟父母莅任甫三年政通人和百廢俱興凡學校城池皆已殫心脩築更周行環境察視橋梁見玉峰山下圯橋爲民其咨實惟心惻自捐金力請於府廳公祖倡僚屬風士庶共爲捐造進都人李天潤李崇高石匠李文清等區畫經費擇日興工自康熙四十四年六月起不半年而

澂江府志

卷之五

記

五

巨虹高架民無病涉矣夫脩橋梁通道路守令之功也而畱意者常少玉筍一峰鍾吾澂文明之秀峰下之橋爲臨元旅道之所必經與環郡父老子弟之所往來而取濟橋旣成垂之久遠其利賴實多余所爲樂傳其美以誌將來而竝題其橋曰聯玉見我侯之德高聯玉筍澂人世世仰之無已時也是爲記

重脩路南州學宮記

金廷獻

韓昌黎云莫爲之前雖美而不彰莫爲之後雖盛而不傳甚矣哉謀始之與圖終未可偏廢也然始謀者或因時勢



之可乘而遂樹其功於一旦圖終者自一世以至十世千  
百世前功賴以不至墮棄豈但一二人力哉天下事之廢  
興無關乎教化之重者無論已惟是國家庠序之設所以  
崇儒重道明倫育材道德出於斯經濟出於斯文章出於  
斯且春秋祀典於焉奉牲帛而成俎豆舞干羽而奉鼓鍾  
事之關乎教化之重者孰有加於此者乎路南自有明成  
化間初改土設流至萬曆丙申鍾公應麟來守是邦力倡  
建學之舉廟堂是其議文教始興至癸卯而登賢書者遂  
得張君繩臯楊君起南厥功偉矣及

澂江府志

卷之五

記

七

本朝鼎定之初年又得張公臯謨重新之而金君士敏徐君  
煒麒辛丑竝舉孝廉鐘張二公後先輝映皆大有造於路  
南者也乙酉冬余分符刺是州入其境土地不闢入其郭  
榛棘叢生而民多菜色心竊憂之三日謁文廟由文明坊  
至櫺星門經名宦鄉賢祠東西廡趨大成殿從明倫堂登  
魁星閣啓聖宮文昌宮俯仰瞻顧木殘於鼠蠹而垣頽於  
風雨憂心愈忡忡焉亟欲修葺念人力在所必用也夫以  
必耕而食之愚氓用以築隄通渠墾荒彼則踴躍從事用  
以新學校營宮牆士農之分久矣恐猶秦人而責以越事



雖重貲以募之豈所樂哉爰是順民之欲修昌樂壩引其  
流注南帶城堰北帶城堰以資灌溉復剏雙龍壩鑿溝澮  
而田畝得以廣闢凡於民事攸關者一一勉力行之亦本  
古先盛王教不先養之義也數年來畎畝閒幸而漸有起  
色義學設矣於辛卯歲敬捐薄俸而學廳紳士均欣然爲  
之助卽農家之慕義者亦爭相趨事由是庀材鳩工於秋  
仲經始欵者直之朽者易之闕者補之塗墁而丹雘之四  
閱月而告成殿閣堂廡宮祠門坊復煥然一新矣今日者  
恭逢

澂江府志

卷之五

記

五

聖天子覃敷文治

諸上憲樂育英才

廷獻

承乏斯土庶幾可告無過而於謀

始之鍾公圖終之張公其美不虛彰盛不虛傳亦未嘗無  
小補也雖然後之視今亦猶今之視昔余不敏治不逮前  
人無足取願後之牧斯土者繼鍾張二公之志以爲志則  
此學宮也千百世可也余得無厚有望歟是爲記

重脩江川縣舊學記

署縣

徐瀛翁

山陰人

江邑初未有學繼而兩學今則學歸於一其未學者何附  
府學也其兩學者何初剏建於舊城及遷城於驛而又有



新學也其能歸於一者何新學殊隘狹未得地脈舊學山  
拱海環規制宏敞甲於他邑但傾圯已甚修復爲艱康熙  
癸亥

皇上俞督撫臣脩學之請全滇郡邑欽奉舉行於是闔邑紳  
衿拮据况瘁不敢告勞經始於壬戌仲冬越甲子季夏大  
工就序乃迎配哲於大學爲春秋釋奠之所而以新學爲  
肄業考課之所江邑之學乃歸於一落成之任屬之高君  
瀛翥揖紳衿而言曰稽古國家建學之意非徒習文詞誦  
章句而已將以闡道統而正人心也子夏問政夫子告以

澂江府志

卷之三

記

奕

無欲速無見小利益天德王道之要悉本諸此今新學工  
費視此省且什倍向使諸君子有欲速見小之心則將因  
隔就簡苟且塞責豈肯舍小而之大舍偏而之正一心力  
以興廢隆克底有成哉我

國家車書一統景運方隆諸君子出而佐太平毋爲補偏救  
弊之權而一本於久道化成之旨亦舉此念而指之庶幾  
無負乎國家修學之意矣

合建府縣兩學文廟碑記

知府

劉

驪



澂之有學學有廟蓋自元代始雖其閒興廢分合因時隨  
宜不一然必期於可久隆禋祀而式觀瞻甚鉅典哉大德  
年閒建學廟於金蓮山麓明初因之逮隆慶四年遷建府  
治之東萬曆中仍移於金蓮山府東之側廟改爲玉筍書  
院崇禎末毀於兵燹矣附郭河陽縣向不設學亦無廟而  
今之城西北隅輝煌廟貌者建自天啓六年郡邑之學於  
是始分官茲土者春秋各率諸生以祀焉所以尊

王制崇

聖教興士風也我

澂江府志

卷之十五 記

又

朝定鼎德教被於遐方滇之文廟皆相沿如故康熙壬午新

安黃公諱元治來守茲郡政刑弼教而外致歎人之禮義

出於學校而澂陽兩學之廟自元迄今因革不一欲謀永  
遠之方計所以合建之策或有難之者前人締造歷有年  
所一旦更張未協衆口則持議難士多儉素民鮮遺藏木  
多蟲蝕需用不貲則籌費難經理務在得人匪藉實力恐  
滋推諉則任事尤難公顧不難人之所難而獨毅然行已  
之所易與別駕王公諱鳳鳴河陽令翟君諱枚吉朝夕擇  
度詳請



各上官僉如所議乃倡捐月俸進兩學博士弟子員延闔郡縉紳父老暨激屬州邑長尉相助樂輸不日而得數若干爰仍府治左舊地鳩工庀材督率董事而正殿五楹旁接兩翼左右置更衣盥洗二所東西各七間爲兩廡中三間爲大成門門之外東三間祀名宦西三間爲鄉賢祠祠之外則蓋櫺星門一座其啓聖宮在正殿之後經始於癸未冬匝歲有餘尙未成功蓋以規模宏敞資費浩大耳嗣是黃公抱病竟沐

予告然其經營之心良苦矣歲乙酉余承乏是郡竊美公之

激江府志

卷之十五 記

堯

是役也以兩學合而爲一是誠勗舉哉費鉅而功繁時難而任重排衆論而爲之公之區畫至詳至備不計後此者之難乎爲繼也於是冊報上官凡工所未畢者檄盡徵完余亦竭緡樂襄盛事又得翟令共爲商確而尤兢兢不敢踵事擾民皆估計采料雇募夫匠給與價值工食令其速竣乃事於學宮之右又建明倫堂三楹置儀門三間周以牆垣櫺星門外鑿泮池樹壁丹堊煥然駸駸乎大觀矣報成之日差幸斯舉經營無亟而工費料完雖不敢以繼起之功獨居而慎於事無怠厥職可無貽譏儒雅之林矣今



余爰賦歸田伊邇兩庠學博偕諸生謂余與黃公暨諸君先後有功於庠序願伐石記事垂諸永久竝屬蕪辭付鐫余惟學所以明孔子之道而廟又所以尊孔子使人知道所從出如日月之經天江河之行地至易至簡萬古常新徧天下而崇奉之不徒明禋祀快觀瞻也况今

聖天子右文重道

御書扁額錫之殿庭

親製訓文廣飭士子加意學校誠千古未有之曠典也余與僚屬仰體

澂江府志

卷之十五 記

七

聖訓教化爲先而脩葺宮牆更難怠緩須臾亦不獨責有司也教育人才甚有望於秉鐸者自今以往爲師者視躬董勸爾多士實心黽勉振興鼓舞大起人文將來必有道德文章卓然名世者迭出於科名之中以鳴

國家之盛不於聖道大有光哉黃公勗始之日與余告成之年及官屬紳士吏民陸續捐貲數目併分任督工勤勞姓名備勒碑陰以誌不朽若夫尊經閣齋房射圃以及金聲玉振二坊脩建是亟余則馬首將東有志而未逮焉是所望於後之君子



少宰趙公撫浙六事圖記

祥符知縣  
保舉鴻博 毛際可 浙江

少宰河陽趙公去吾浙將十年矣而浙民懷思如一日至繪爲六事圖以志不謏其一日治河圖公徒步泥淖若指揮於烈日中者役夫應命畚鍤如雲間以市井闐闐有支流沮淤間而董其役則郡邑之佐也前此余以修通志寓武林見當時集議於庭咸以濬河爲急因循瞻顧尋致中阻公獨毅然以身任之不惑於異議不勝於權要爲萬世之利甫踰載而大功告成仕宦商賈之出於其塗舳舻相接此卽鄴侯白傅不能專美於前者也一日講學圖公

澂江府志

卷之五

記

主

坐書院中諸縫掖執經問難其堵牆而環聽者黃髮垂髻指顧動色蓋公之學以居敬窮理爲宗躬行實踐爲要不墮於空虛解悟之習一時窮巷布衣稍知潛心正學者皆延致與講鈞敵禮以臯比相推則公之虛懷可想見矣一日修城圖會城久就圯公捐俸首倡不以簣土片甃需之里下而十門整麗丹樓如霞旣竣事許民縱觀者三日圖中輿騎櫛比士女林立下臨西湖有畫舫掩映花柳間舟中人皆頰首仰視若與城上歡呼相答者固屬太平盛事徵大臣之碩畫焉一日代還營債圖杭民爲營債所苦至



鬻妻孥賣閭舍不給則鞭笞流血公惻然代爲之償而於牽引之牙僮尤痛懲之以杜永害圖中所載營卒有攜鎗而歸者有執券而熟視者有持衡而較銖兩者而民則有泣者拜者有旁觀而若爲太息者一日刑奸圖戟門以東徽墨而俯首者十數人其西則耆老婦孺之屬執香而羅拜者爲數倍之皆閭左之受罪者也弱肉強食之風爲之丕變一日移鎮圖公朝服坐肩輿騶從甚盛攀轅之氓樺燭彩亭羅列道左自武林門以北蓋絡繹數十里云其他若捍海塘之類於修城宣講

澂江府志

卷之五

記

三

聖諭之統於講學圖所不盡載者余亦不能悉述也昔蘇明允作畫像記曰存之於目則思之於心也固今孤山之麓旣已范公之像而俎豆之而此圖將歸之於公固不辭而書之俾後之讀斯記者庶幾得圖之梗概焉

路南關聖帝君聖誕碑記

進士

段

琦

河陽人

若夫草橫千里狼狽綫繫炎精鼎峙三分虎將神驚碧眼問山河魏代鴉點夕陽尋花草吳宮蟬鳴幽徑而乃一腔血性競桃炎以燭天千里忠魂齊松心而聳日武侯有定論臣亦閱人多矣未若髯之絕倫逸羣孟子非虛言我善



養吾浩然其爲氣也配義與道綜生平之節概無如聖蹟  
一圖景赫濯之聲靈詎止潘榮數語固宜三家村舍香火  
亦走山翁五尺兒童榛栗尙虔獻享也況是鄉尤說禮敦  
詩之地桂香杏馥之區者哉其家奉辦香人懷寅畏久矣  
但考古漢誌於六月二十四日實惟 聖帝降神之吉使  
祀典或缺非所以昭誠敬而崇忠義也茲北城諸君子倡  
捐分金永爲嘉會仰燭光而達旦正符柳宿之辰規螢草  
以流輝恰協林鐘之律明春秋之大義遡東魯學本一家  
鍾恆岳之精靈惟英雄目空千古馨香克薦稽拜維嚴盛

澂江府志

卷之五

記

三

美宜傳瑣珉乃壽夫欖神楓怪必戒祀淫樟鬼桐郎原爲  
氣戾至一行之不朽尙百世以明禋矧乃正氣凌霄精誠  
貫日肇斯將享佑此鄉閭北城薦黍陳椒指蓬萊而作壽  
南國文經武緯同赤水以方長開五風十雨之祥廟鄰八  
蜡接觀世潮音之地佛獻三生矣謹記

重至澂江郡治記

雲南 裴宗錫 曲沃 巡撫

滇處天末羈宦之子往往去而復返說者謂滇水迴環之  
應理或有之若余之自提抱以至班白閱六十年而再來  
又似有夙因非偶然者初先中丞公艱於嗣息一夕夢神



人捧嬰兒自日中授先母嚴太夫人俄聞空中言此非裴氏子奪之去別又捧授一兒先中丞公恐其再奪也亟抱持疾走歷嶄巖絕壑間顧視嚴太夫人不復見遂驚寤尋舉先兄不育而嚴太夫人亦未幾卽世康熙辛卯先中丞公出守澂江所歷崎嶇之境宛若夢中時先母鄧太夫人方娠禱於郡之 聖母祠有池水澄清之異而余生焉生五年而先中丞公以卓異遷去自是隨宦者若而年身自服官者若而年轍環於吳楚燕齊之區遙望碧雞金馬如在天外以爲無緣復至矣歲乙未余自皖江調署滇撫澂

澂江府志

卷之五

記

五

距會城纔百里而近按部之便舉帷過之郡之黃童白叟郊迎而聚觀者無慮數千人咸嘖嘖稱盛事晚宿郡齋見先中丞公手書聯額猶懸廳四壁間有鐫刻詩褻裒之夜步池館霜氣逼人空庭寥闐欲問昔之賓佐曹椽與夫保嫗廝養無有存者惟一二輪囷老樹森森離立古色蒼然意當日先中丞公政事餘閒必行唵坐嘯於其下琴聲鶴韻髣髴如聞漏三下就寢室卽余誕生地想五年中先鄧太夫人所爲乳哺襁褓顧復提攜者恆於斯也而懷我二人音容皆邈不可接輾轉反側之餘弗禁涕泗之交橫已



翌晨展禮 聖母祠考碑記卽泰山碧霞元君也夫余旣  
託神之佑以生而余之筮仕由貳守而洊登通顯多在山  
左爲神所誕育之鄉則今日之叨蒙

恩渥萬里擁麾何莫非邀福於神者耶抑亦先中丞公暨先  
太夫人積善凝庥有以致之也懼箕裘之弗紹感手澤之  
如新爰敬書其畧以誌余與滇有夙因良非偶然者如此  
顧余蒞滇甫三月復有撫黔之

命諸所欲爲發其端而未竟果何以不負吾滇哉

翠竹庵置田碑記

失名

澂江府志

卷之五

記

五

鳳山翼翠竹庵奉 碧霞聖母爲澂陽儲祥之地康熙辛  
卯年間曲沃副相裴公知澂郡時政治民和以麟趾未兆  
虔禱像前乃誕育中丞公於郡署時有池水澄清之瑞閱  
今花甲一週中丞奉

命撫滇親詣 聖祠齋宿拈香儀物周備換冠袍製匾對廟  
宇生輝隨尋治迹於先年訪遺事於閭里御鄉士大夫以  
優禮接耆老故舊以溫容給府縣兩學筆資四十金後治  
滇甫三月中丞移撫黔陽仁恩遠洽今復任仍撫滇疆興  
利除弊其惓惓於教養斯民者於澂郡更爲加惠食舊德



者念棠陰於自昔荷新恩者叨樾蔭於將來兩庠諸生不忍分其惠而沒其恩爰將所賜之金置田奉祀以垂不朽云

澂陽先農壇碑記

知府 王善塏 山東

古祭先嗇主炎帝神農氏顧與司嗇農郵貓虎爲八蜡神義固不倫我

朝制天下郡邑皆立城隍龍神之祠風雲雷雨山川之壇獨先農秩於諸神祠壇之上與社稷並爲大祀嘉慶十六年善塏奉

澂江府志

卷之五

記

五

朝命守澂江府凡郡內壇廟有文於禮部者皆當率屬恪恭執事用潔齋其心志邀庇貺於斯民先農壇在郡城東不知建自何年遞今正殿旁屋木朽塗剝周圍牆垣廢缺圯傾守土之臣下懼褻

天子命祀神無所依民將不獲蒙其庥利爰命庀材鳩工所有蓋瓦榱木級磚藩灰破者完之撓者直之罅者瑾之侈者暨之凡若干日而訖事又易看守壇壝之縣胥擇委旁近寺僧專司守望以明誠壹壇下官田數畝畀僧以資修葺並將田之畝數上糧若干誌於碑之陰後之官斯土者



勿廢

朝廷之命勿替小民之依則可謂恭敬慈惠不曠其職者矣  
至是役董事人員知河陽縣黃德城司獄張繼與例得竝  
書

修建澁陽文昌廟碑記

庶常 李應綬 郡人

自古祀典之設必立人倫有功名教者則祀之而人乃不  
惑於禍福如 文昌祠祀是也考之明史帝張姓諱亞子  
居蜀之梓潼縣七曲山仕晉戰沒唐宋屢封至英顯王元  
加號為 帝君明景泰建廟以二月三日祭議者以其學

澁江府志

卷之五 記

七

近二氏夫二氏廢人倫烏可以立人倫者同語自宜歷代  
尊崇為儒宗澁陽郡城設帝專祠昉自萬曆三十五年太  
守劉公諱懋武建於署左城紳士立聯元社置田供祀事  
祠左有祝國寺康熙壬午歲郡守黃公諱元治遷廟學於  
城卜基帝祠遷祀其像於祝國寺後閣公曰此刹為廟學  
左翼宜更為桂香祠輔衛黌宮俟學宮竣營之無何公告  
歸事遂寢儒釋同宮幾五十年余解組旋歸每祀事輒屢  
於心適黃安邑侯張公諱琮羅次學博李公諱可拭先後  
歸林相與熟籌爰集同人商移佛像更新帝祠或者難之



以祝國常佳久湮其修葺香火厯取給帝祠之祀租一旦  
他移後何資且兩事兼舉經費匪易易也余曰唯唯否否  
君不見鳳山之麓有古刹曰淨土樓者孑然孤立隙地正  
富何不主斯樓配以殿廡門垣位茲諸佛合二刹而一之  
仍顏曰祝國至營祠刹諸費吾澂好義者不乏兼之聯元  
祠租糜於分胙今暫挪公用祀典各捐奚不可於是詢謀  
僉同歲丁卯移刹佛庚午更後閣五楹爲桂香閣欹者直  
之朽者易之塗墁而丹雘之復翼以左右廂樓各三楹周  
其門垣齋宿有室庖宰有所取次而成由是見茲祠之堂

澂江府志

卷之五

記

七

皇正大與祝國淨土布置井然咸謂一舉而三善備之是  
役也襄事諸賢罔弗恪供而總理諸務則金君諱希聲爲  
尤著事將竣同人速余爲文志巔末余維令祠之設匪但  
明禋祀壯觀瞻爲嗣祿計也俾遊斯門者睹廟貌而儆心  
凜 帝訓之諄諄返躬克己砥節礪行勿愧於名教勿慚  
茲對越余三人有厚望焉是爲記

華藏寺藏經樓記

李應綬

余澂山水之勝首推華藏一區跨府治東山之腹林木鬱  
翳巖壑參差源泉溢溢景物之宜四時異狀其西南諸峯



迴環拱伏俱與茲山相映帶仙湖浩淼若在襟帶間茲山  
建寺數處其最上有三清寶閣樓臺縹渺湖山朗對視全  
澂若指掌號曰小華山稱爲茲寺大觀其左畔爲彌勒閣  
亦扶漢凌空金碧莊嚴與三清閣相輝映乃今住持禪僧  
寂源之剃度師法雲上人所建也上人慕茲山之勝棄俗  
爲僧奉其母構精廬棲息於此厥後苦行精修偕其徒寂  
源建大殿三楹周以兩廊配以前殿朝夕焚修其中寂源  
尤具願力謂澂江無藏經無以證宗乘於是辭其師萬里走  
京師凡五閱寒暑而願益堅固時有同鄉少宰趙公玉峯

澂江府志

卷之五

記

堯

先生憫擔荷之苦特首任其事後遇冢宰徐浩軒先生極  
力贊成因南藏刻板原設局於嘉禾之楞嚴寺兩先生爲  
致書於仕兩浙者令勸厥美源由是自京抵浙輸直雇工  
裝訂成帙隨卽捧載南歸置之閣中勤行披閱繼復念經  
帙浩繁不可無樓以貯之乃與其徒照昌照蘊成昇徒孫  
普熠等於閣右隙地闢土庀材建高樓五間爲藏貯藏經  
之所卽署其樓爲藏經樓樓與閣竝峙虛空中琅函炳耀  
貝葉輝煌足以開示人天傳諸百世且以昭

聖天子德洋恩溥雖空王法刹而經冊光垂俾高人達士竝



得展卷縱觀開豁見聞洗滌塵穢是亦潤色太平之一盛事也余於源有方外之交常備悉願末久欲紀載其事而未暇茲薄宦京邸源囑友人楊君伊人致書於余余因述其始事之由與茲山之有是經竝是經之有是樓其矢願之堅成功之鉅宜與山水名勝共垂不朽也異日余退老林阿登陟山樓與源焚香坐對披閱藏文空諸萬慮嘿證三乘此又平生物外之夙心未知能酬是願否也是爲序

新興通年橋記

知州任中宜

州西門五里玉溪也玉溪之右第一支流源發大堡經龍

### 澱江府志

### 卷之五

記

平

門箐河入於溪第二支流源發於昆陽州之鐵爐關入州城刺桐關經梅園棋盤諸山山谷深密聚澤成波蜿蜒奔放至陳家屯合九龍池水涓涓潺潺其勢頗張穿安流橋達玉溪昔人築堤障之用溉民田堤屈曲如長虹隨水聲折柳林荔鬱迴環交織村落棋布左右映帶畝澹如繡行人緣堤爲徑往來綠樹中人影依約所謂余堤柳浪乃州中第一名勝也第當夏秋雨潦眾水滙歸波濤震蕩爭相出峽隔岸居民以數千計紛錯種植行者望於道周苟無梁以濟則農者輟於耕而賈者阻於途矣前之人駕木杠於



其上但木體輕弱不敵驚波之洶湧風雨飄搖難經久遠  
州之待選官李定鰲諸生李文煜等倡引鄉鄰之人各輸  
金粟卽其地易木爲石創始於辛卯冬十二月落成於壬  
辰春三月凡百有餘日而工竣所費僅百餘金材堅而良  
工密而緻游龍舞鶴隱見水中固哉此橋將與河山並永  
矣余因定鰲等之請特名之曰通年取三年通一之義志  
予爲民祈年之心也書捐金姓氏勒之貞珉爲後之好善  
者勸是爲記

重修新興豐樂橋碑記

訓導 嚴 慎 郡人

澂江府志

卷之五

記

全

嘗考星緯辰角見而雨畢天根見而水涸故夏令曰九月  
除道十月成梁凡有裨於民者必適當其時昔杜預建橋  
於富平武帝舉觴屬預曰非君不能成此橋也一橋之興  
君子每以察吏治驗民風焉棋州平衍羅田萬井烟火相  
望百里之內溪流環繞如玉溪宏濟諸橋皆整飭周密獨  
城南二里許有泉出自靈照山麓逶迤而西橫當孔道冬  
春之交河乾水涸值暴雨驟至河潦奔會駛爲怒濤明初  
建橋歷年久遠沙石壅塞其不便於民實甚值郡侯魯公  
下車以來政尙寬和休養民力凡因革損益盡力舉行有



僧寂蓮及鄉人黃業久等持疏請曰此橋北通會城南接  
新營元江普洱諸路凡官商車馬之往來輸賦郵驛之接  
踵罔不由焉方今百務維新可聽其埋沒於亂石頽沙中  
耶公可其議捐俸倡首募義之人一時踴躍趨事若子來  
狀於是甃石如跨虹躡水爲夾道橋長十尺墩高丈餘閱  
三月而厥工告成夫舉重非一人之力經費非一人之財  
捐雖不一均爲好義至督率勸募劈畫者均爲有功然感  
動自上惟公愛民故民有餘力不令而行也且知人善任  
大得民也一時父老子弟咸欣然色喜羣遊於春風化日

澂江府志

卷之五

記

全

中可卜其時和而年豐焉因題其額曰豐樂橋公會稽世  
宦起家閥閱涖治期年政聲丕著因勒石以誌不朽云

重修新興玉溪橋碑記

太守 夏 昌 三韓

嘗聞十月成梁王政先厘乎利涉經年壘土富平克濟夫  
往來雖創始維艱實邀功於前哲而續修不易尤待造於  
後人如棋陽玉溪者固一邑之要津爲行人之孔道修建  
之功誠不可須臾緩者予於壬戌春來守是邦凡四屬有  
利當興弊當除因革損益悉警於心而地隔數百里每切  
鞭長莫及之恨適因公至棋見山川秀麗人物軒昂靈照



諸峯峙若朝拱玉水大河環如圍帶美哉山河洵甲一郡而特出矣隨諮及風土形勝父老爲予言曰玉溪河水源遠流長來自夾雄山經江川口蜿蜒三百餘里而入州治自北而南一州田畝賴灌溉焉及其出也由瞿峩達南掌交阻而歸南海溪中有橋建自有明雷宗伯日久傾圯刺史耿文明增修閱數十年而刺史任中宜重修及今四十年餘載沙淤水衝橋梁損壞房屋坍塌濟渡者苦於厲揭予與刺史徐君方思酌修時有紳士孫敬等慨然各肩其任於是興工於丁卯歲之冬告成於戊辰歲之春照依舊址

澂江府志

卷之五

記

三

石墩五座每墩增高五尺橋西迎水馬頭增添八丈又添楞木加扣承上覆瓦房二十間以蔽風雨兩岸建牌坊二座橋東立庵閣三楹中塑觀音大士像兩廂各設官廳三間以便憩息門外立牌坊三間均以石獅砥柱是舉也千錘萬鑿動若鳴雷肩石擔泥奔若集雨雖經營伊始戒以勿亟而庶民子來已不日成之偉哉煥然一新矣從此徒杠旣就弗聞舟子之招招輿梁新成誰嘆北流之活活且棲遲得所不致悲歧路於窮途利涉大川豈復恨天涯於咫尺遙望彩虹如帶引地脈而鎖煙霞彷彿玉馬凌虛接



輿圖而增風景人文蔚起福祉常新予與徐君且共遂河清之志矣是爲記

新建新興仙人壩碑記

知縣張 暄 郡人

環棋皆山也自靈照分派迤邐而東層巒疊嶂作州治之右屏其間田疇參差半依山岡以待澤於天雨者約千餘畝中有隨山諸水蜿蜒奔注直過煤炭冲統匯於仙人塘是水也是中右數屯所急需而卒歸於無用者何哉蓋田高塘低勢不能使數仞以下之水仰潤數仞以上之田所以臨流而興嘆者已多歷年所丁卯夏值郡侯徐公省農

澂江府志

卷之五

記

六

於此目擊枯涸之象不勝憫惻之憂適紳士劉君文錫等呈請作壩壅水於仙人塘以救此一方民公卽詣其地細覽形勢慨然允其議據情詳請上憲借給公銀三百兩擇於縉紳中舉魏君世縱董率其事迺鳩工庀材鑿山削壁甃石爲壩寬七丈許高九丈許自塘至溝口長三十餘丈勢若建瓴無激蓄之患形似盤石有鞏固之堅肇工於戊辰春二月至冬十一月工竣約費三百餘金惟得水之家按照兩年均捐以還項概無波擾是則財不省而用自裕民不勞而事已集矣由此秋冬蓄水春夏開放分潤涸田



千餘畝向之一望赤土者今且數頃碧波矣吾知崇墉比  
櫛永享樂利之休者公之賜也況水勢漸積而高灌漑由  
近而遠異日三屯以外其推暨正自無窮亦公之賜也然  
公豈第惠此一方哉成梁於西路築堤於北河濬畝於南  
方茲又建壩於東隅凡四境內可以甦民之困者靡不毅  
然引爲己任而力成之鴻功偉績真堪不朽矣昔李冰鑿  
離堆之渠而水道通高駟築糜棗之堰而水利興類皆名  
垂竹帛澤流奕禩今之仙人壩亦猶是離堆渠糜棗堰也  
其所以垂竹帛而流奕禩者應與秦之李冰蜀之高駟後

澱江府志

卷之十五

記

全

先相輝映耳東地士民食公之德而不能忘囑予次其巔  
末以勒諸瑣珉焉是爲記

重修新興永濟橋碑記

知州 高 錦 綠江

永濟橋距城南五里許四流畢合東發蒙習之源北接龍  
門之水西收桐關之澤南注審河之波故驚濤怒浪再倍  
於普惠三倍於玉溪舊有津梁駕木牽枋以便往來號曰  
桂家橋載在州志日久傾頽大爲行人之憂甲寅冬府憲  
來公過棋偕前牧芮公畱心水利巡視其地頗有修建之  
思適紳士史君可記等呈請修建石橋以垂永久府憲及



前牧均可其議慨然捐俸爲士民先一時好義者雲屯雨  
集惟恐或後於是甃石八墩爲砥柱中列楞本鋪以梨板  
上覆瓦屋二十九楹北岸豎碑亭三間與南岸大士庵相  
對閱兩載而工竣煥然一新誠巨觀也迄丁巳夏五月溪  
流驟漲洿瀾澎湃石墩冲決者二橋房漂沒者九向之期  
其永濟者今且濟之不永矣值予來牧是邦甫數月史君  
等詣予而言曰水齧橋斷民何以濟予曰成梁利涉責不  
可辭隨至其所探受病之原乃植基不堅之故卽具稟府  
憲來公公與予復剖俸議修士民亦醵金有差遂分流以

潞江府志

卷之五

記

六

殺水勢掘沙以平橋基布長椿一萬三千盤巨石四十二  
丈灌灰汁而罅隙可塗鎔金灑而上下相連由是底固則  
墩堅墩堅則橋永告成之日第見彩虹跨河畔長臥綠楊  
之波金鼉穩江心詎驚白浪之撼我車爾馬馳驅而弗搖  
後應前呼絡繹而不絕僉曰刺史之功予嗟嘆久之因謂  
史君曰橋之成於今日者上賴府憲下藉士民予何敢貪  
天功以爲己力然成人之美者君子也予竊比焉不墮前  
功者志士也諸君有焉諸君與予同乃心一乃力故能相  
與以有成也繼自今之官斯土者倘念成梁之不易而乘



時修補普利濟於無窮又予之所厚望也是爲記

重修新興學宮碑記

乾隆四十七年

知州

蔣繼勛

學校之設肇於唐虞及夏商而禮制大備蓋教化所由興人材所由出凡任風教之權靡不思培養而振興之棋陽舊屬羅伽元至元十三年始置新興州隸澂江路而學宮則建自前明隆萬間屢建屢遷類皆等於因陋就簡者所爲我

朝康熙四十八年山陰任公中宜始建於州城之東南隅規模視前尤壯垂今且六十五稔風雨摧殘牆宇剝落歲久

澂江府志

卷之五

記

七

不治幾爲廢址雪巖謝學博三錫爲余先伯少司馬作梅公門下士也先少司馬公於己卯典試滇中得五十四人雪巖以嚮才入選旋屢就禮部試不第先少司馬公嘗謂余曰雪巖雄於文人亦倜儻有大志顧偃蹇若是然年甚富安知造物非欲老其才以儲其用汝心誌之他日慎無交臂失之余受命唯唯辛丑春余奉符代庖是邦相見歡若平生翊日率諸生修謁廟之禮見其丹楹刻桷規制宏整櫺星門大成殿兩廡崇聖鄉賢外祠靡不煥然燦然僉曰此謝學博歷數年來經營圖度而成之者也余度是舉



工費浩繁須與出簿冊示余費且以千餘計工以萬餘計  
經始之歲與落成之歲凡三閱春秋始得次第藏事廢者  
修之舊者新之缺者補之隘者拓之嗟乎心亦苦矣獨是  
廣文官冷年食俸僅四十石而不惜殫全力萃眾謀以始  
之終之者雪巖之志堅堅乃有濟雪巖之意誠誠能動物  
天下事羣策羣力而底於有成大抵然也夫學宮建自前  
明遂得陳御史雷禮部暨我朝管給諫諸公蔚爲一時  
紳縉之望移建而後科名亦相繼不絕今甫爲更新而首  
領庚子鄉薦者有人以次獲售者又有人交相輝映於閭

里間不可謂不盛矣棋陽民俗敦龐能文之士指不勝屈  
茲且科第甲於迤東諸郡縣乃知學校爲興教化育人材  
從此蒸蒸日上雪巖之功與諸同人之力當與斯廟共垂  
不朽而先少司馬公稱其倜儻有大志亦於是可窺見一  
班矣諸紳士請記於余余樂與觀成援筆而爲之記

重修新興武侯祠記

嘉慶十  
四年

署知州

洪其照

嘉慶丁卯清和下浣余自通泉奉檄來權是州六月中旬  
禮書請是月二十五日爲漢丞相武鄉侯諸葛公誕辰應  
詣祠致祭詢祠所在去南城外僅里許竊幸得以瞻仰遺



像焉屆期薰沐率同官偕往將祀薦享禮畢環視周遭其地卑隘不及半畝斗室數椽上雨旁風漸就傾圯中雖存侯像淋漓垢污不堪寓目余愀然感之因語同官是不可不急爲修葺者也隨於公餘之暇考諸誌乘知新邑之有侯像係前明嘉靖四十一年州牧楊公滙東先生所建以侯平定南邦棋陽固侯恩威所及之地百里外有諸葛山可證也具文請諸大憲市地措財始創是祠而崇祀焉善乎是真能存大禮而有裨於政教者矣今夫興舉廢墜修明典祀守土者之責也自有明嘉靖而後迄今二百餘年

卷之三 記

平九

何竟無滙公而踵其事者人事之廢興固自有時也余不敢辭煩勞於是早夜圖度先捐廉以倡首同官咸樂助再諭城鄉士庶聽其量力捐輸乃相地於舊祠之南得胡氏田畝有奇估價而市之其地高曠憑臨遠眺山水迴環烟雲縹緲屯營三百六十俱收羅襟帶間美哉遊觀勝槩非復舊址之卑隘者矣爰鳩工聚材經始於戊辰仲冬先正殿次前門又次臺階甬道以及丹漆黝堊各工並舉越己巳仲春厥工煥然已十之七八矣倏余奉檄監兌瀘江隨卸篆而去遂至垂成之功終未克竟豈余所及料哉雖然



地方美舉人所樂成前乎此者既有滙公肇造於前安知後乎我者不有復繼滙公而增華於後者乎茲聊記是役之巔末如此至侯之豐功偉績彪炳宇宙掩映千古夫人而知之矣是爲記

### 重修孤山寺記

江川彭賢

予宰碌異值六師奏凱大將軍獻捷

天子於時罷兵歸農捐租減賦民慶再生予於公暇駕遊孤山孤山向爲迤東勝境關草攀蘿遂躋其巔始由爛柯石探南無洞登弄珠岩俯魚樂國衆山獻翠兩海環碧頗如

### 澱江府志

#### 卷之五 記

七

吾楚瀟湘洞庭而金山砥柱於中流慨然故土之思特是士民向予言樓臺殿閣者百無一存惟有新構廟宇數層而有柱缺椽有椽缺瓦風雨飄搖立將傾圮予訝訊所以諸生龔連告予曰先是俞元刺史貞宇王公捐俸聚材意欲恢復舊跡振起廢墜今王公將北歸而連傾囊夾輔亦難爲登高之呼雖本石猶存而工費糗糧大倍於前徒爲束手懸望感慨興思否則漁父樵叟供爨烟之具而已予乃喟然曰山川勝事之興豈必一人粵稽前朝三百年孤山之樓臺殿閣如沐黔寧謝中丞張觀察朱姜兩直指雷



王兩太史以及本邑前宰鄉紳士庶或創或因不知歷幾千百人又歷幾千百年而始成此名區今豈王刺史一人所能興予宰是地是予之責也夫况白香山院宅蘇子瞻玉帶高風可繼遂傾橐佐之未及寺僧海賢又走募四方而諸生龔連始終贊成鳩督之不三月而紺宮朱宇螭頭鳥革莊嚴以極一時之勝而江邑士民以脫湯火而初見天日之後復見此江山不改殿宇重新不勝祝國祝民萬世昇平之慶合辭而懇記於予予乃走筆而爲之記

康熙二十一年

澂江府志

卷之五

記

五

江川新建鍾秀書院記

道光二十七年

郡守

李熙齡

書院爲作育人才之地自省會以及各府州縣莫不創建良以教化興而後人心正風俗醇其有關於政治者鉅也江川僻處偏隅湖山秀麗而書院獨缺如雖舊有龍山書院之名然僅立於

萬壽宮之兩廡並無專地斯誠一大憾事

劉樵山明府甫

蒞是邑卽慨然於課士之無其地爰首捐俸率都人士共助之乃謀建基址於鍾秀山下不一年而告落成顏曰鍾秀書院巍然煥然無不交相慶曰今而後藏修遊息有其



地矣非賢侯之力不至此余亦私竊喜之謂向所缺者今則興焉真所謂有志竟成矣從此地靈人傑荷名山鍾毓之奇致英才教育之盛皆可於斯時卜之而余更有厚望焉者蓋遊其地則必思精其業而後不負賢侯創建之意澂郡文風素盛今則卓犖可觀者殊不易得江川尤甚非無異質誰其琢磨非乏良材誰其成就一十三經二十四史未嘗寓之於目既無根柢發之於文又安有經籍光乎所願賢侯更振而興之俾多士昕夕孜孜枕經胙史相與立學勵品以儲爲

澂江府志

卷之五

記

三

國家楨幹之資不將與古稱四大書院並傳不朽哉是爲記



傳

明

楊忠節公傳

山東泗水人 孫 鵬 昆明人

公諱以成字太和元忠臣普魯海牙八世孫而古鸞公鳴泉之子也海牙公生於蒙古仕元官至武德將軍大理路總管移駐路南洪武初死國難贈開里伯子泰隱居不仕易姓爲楊遂爲路南人八傳至公天性孝友古泉公患瘡痛甚公不避臭穢親爲吮膿疾遂愈既由選貢生特授貴陽府畢烏通判時水蘭交爭霑烏構蠻公多方調劑後皆

澂江府志

卷之五

傳

一

得平復隨以助征兩江都順監紀定廣洪邊軍功陞本鎮同知九薦欽賞兩任奏績當是時蜀中土酋奢崇明叛水西安邦彥起兵應之黔撫王三善爲賊所殺賊勢張甚公預料賊謀先鳴當道訓兵利械偵守隄防旣而邦彥計誘巡按至畢監軍欲於中路成擒公聞之力言不可往賊謀乃沮天啟二年正月二十七日賊目張紳率兵數萬兩攻畢節公奮勇督兵殺賊生擒其黨徐黑乍賊畏且恨旣退復糾眾乘夜攻城城將陷公密遣親信人將印間道馳送司署乃集眾歃血誓必滅賊賊不滅誓以身殉眾皆泣下



願同死守至夜賊攻城益急城外援師潛遁城中奸人內  
應城遂陷公入府署正襟自縊曰臣力竭矣願爲厲鬼報  
國賊入府署見公縊急解下少頃氣復甦賊好語公曰好  
男子從我當不失富貴公大怒罵賊賊大怒執公去家屬  
楊定等遇害者一十五人公在賊中矚其間密修書五紙  
置竹筒中遣弟以榮潛出賊營至滇求援並糾合豬場屯  
等及歸義漢兵連環協剿至散納溪被賊搜得書大怒遂  
殺以榮隨磔公於火掌宅溪公子振南起南興南冠南道  
南等聞之哀痛不已捐貲募兵兩次裹糧赴黔剿賊多有

澂江府志

卷之五

傳

二

戰功天啟四年事聞詔賜祭一壇贈按察司僉事天啟七  
年振南兄弟連名具疏伏闕援例請卹詔賜葬祭建祠坊  
如例廕一子錦衣衛世襲正千戶楊以榮楊定等並得附  
祀崇禎四年上遣官諭祭文載家乘公居鄉仁惠如買棺  
掩骨散粟濟貧等事鄉黨至今稱之以其事不關於邦國  
故不贅叙其後振南以歲貢選安莊訓導陞陝西紫陽令  
起南登萬曆癸卯鄉榜興南登天啟辛酉鄉榜選浙江湯  
溪令冠南以選貢任四川巴縣令陞叙州府同知道南以  
廩生終長孫琛以庠生廕襲錦衣衛正千戶指揮使至今



子孫科甲益盛人皆以爲忠義之報云  
本朝

女正儀節傳

趙士麟 郡人

吾長女正儀適明經李鵬鵬少孤吾撫之及長婚配正儀躬親井臼徹夜織作生子一名聯庚在襁褓壻先任臨安教授旋里以疾卒正儀曰吾死子無依李氏無後矣強撫之三十守節比余官萬里外吳逆叛避兵山中百苦備嘗教子嚴聯庚以太學生考職州司馬女一字庠生梅元臣甲戌年省視余至京師未五十老矣余憐之老母及余

澂江府志

卷之五

傳

三

荆人相抱泣涕女反慰曰貧者家之常節者女之分衣食粗足祖父母無憂也聚首三載而旋再五年例得旌然而苦矣悲夫女苦節女子之常道焉用傳然觀春秋衛共姜紀伯姬君公之婦女以節烈聞博稽輿志史冊之紀錄鄉國之誦法寥寥可數其中精誠所至可與日月同光與風雷同壯蓋節烈之重也與忠臣孝子等吾妻龔早喪女正儀幼歷艱苦爲未亡人撫藐孤成立則倍苦乃茹苦如飴怡然於李氏之有後獲報所天嗟乎女如是女無憾吾亦無憾矣



郭節婦傳

乾隆四十二年

少尉周於禮 立岩

節婦姓錢氏原瑞州太守郭公聯奎長子庠生嶠妻今光祿少卿錢公士雲次女也幼警敏喜讀書父授以孝經烈女傳能背誦通其大意年十二字郭氏十七郭子就婚京師結褵半載而郭子歿矢志身殉父母知之防衛尤謹得不死時太守遠宦蜀中未即迎婦而光祿由西曹出守楚之施南婦既無歸乃隨父之楚然已邁羸疾飲食減於平日父母憂之乳媪有微言相慰者婦變色起曰噫汚我耳吾幼讀書知有從一之義而已況父母舅姑皆詩禮名家

澂江府志

卷之五 傳

四

胡汙我耳為自是戚黨過者輒引避家人罕見其面既而太守擢粵西梧郡將之粵遣仲子迎喪歸馳書報錢媪知之扶病起曰喪歸吾得歸矣白父母欲支持就道浼兄衡伴送父以大義思即遣之母泣曰病骨支離僅屬氣息就道死矣何歸云婦泣曰兒當死久矣即道路何惜母執不忍乃泣從慈命太守不數月而罷梧郡走京師旋歸省覲復書報錢云以叔子子某立冢子嗣將迎歸奉祖姑婦色慰曰舅姑婦我我得歸奉祖姑撫嗣子慰吾夫泉下幸矣乃進飲食疾減於前密製衣為祖姑壽為嗣子製衣帽鞋



鞞藏之日望郭使來而太守起復瑞州履任一月以憂歸  
婦聞而泣曰吾爲人婦而不及一日養祖姑更何以生爲  
矣母曰嗣子在歸有日也郭使未卽來而錢以少鴻臚

內召計無可任遂歸事者攜婦北戍戍春太守猶子晉與計  
偕入都私語婦兄衡曰嗣子殤婦旣未得郭耗心固疑甚  
探得之痛哭嘔血數月無復人色一日侵晨語母曰婿遲  
我我不復活乃屏參藥彊之不可後數日死初光祿與余  
及太守同游五華二姓之好余實通一言婦未歿之前三  
日白父曰願得周叔視兒欲有言余往視則泣曰兒之適

潞江府志

卷之五

傳

五

郭叔知之夫死兒蹉跎十餘年不得歸嗣子復喪兒命也  
幸叔寄語舅氏歸兒骨萬里埋夫旁以完同穴之義語嗚  
咽不能成聲余哀焉爲傳以寄太守竝以備邑乘採擇云

